

رسالة
الغفران

رائد المعلم، المدي

ترجمة

فارسان الساملي

رسالة الغفران

ترجمة ناريمان الشاملي



(١) أصل الحكاية

اشمعى الكتاب دا؟ ومنين جت فكرة ترجمة كتاب من العربي ل...
"العربي"؟

الكتاب دا اشتريته من حوالي ١٣ سنة. كان أملي كبير وقتها إنني أعمل مقارنة ما بينه وبين دانتي وعمله الأدبي "الكوميديا الإلهية"، خاصة بعد ما سمعت عن احتمالية إنه يكون سرق (مش بس اقتبس) الفكرة من المعري (عرفت بعد كدا إن تقريبا خلق ربنا كلهم عملوا مقارنة بين الاتنين دول وصرفت نظر).

المهم، هدف المقارنة كان واضح في دماغى وقتها، فقررت أقرأ الكتاب، إذ أفتح أول صفحة من الكتاب كدا، مفهمش حاجة. أقلب الصفحة، برضه مفهمش حاجة. طيب سبني من المقدمة خالص، أدخل على البهاريز مباشرة، بس النتيجة مختلفتش كثير: مفهمتش حاجة والملل كلني وركنت الكتاب. تمر شهور وسنين، وأفتح الكتاب وأقول بثقة: "معلش، أنا كنت لسه صغيرة، بس دلوقتي أنا عرفت عن العربي كثير، وأكد هفهم المرة دي"، وكالعادة، مفهمتش أي حاجة. وفضل السيناريو دا يتكرر كل كام سنة وفضلت النتيجة واحدة.

اللي حصل جديد في حياتي، إني عملت ماجستير في تعليم اللغة العربية للأجانب. ومن هنا جه وعيي بأزمة الفصحى واللغة المصرية، ومن هنا جت فكرة ترجمة "الرسالة" للمصري. وفضلت النية دي عندي من غير أي تقدم لكلام سنة كمان بسبب دخولي في مشاريع تانية. لغاية لما قررت التركيز في موضوع "الرسالة"، وكان الموضوع في منتهى الصعوبة، ولا حتى مساعدة المبدعة "بنت الشاطئ" بتفسير بعض الكلمات والمواقف والأشخاص كان مفيد، مسهّلت الأمور عليا إلا ترجمة مبدول فيها جهد كبير أوي وكاملة من السيد الدكتور/ عماد عبد الكريم طه عبابنه، من العربي للإسباني، معترفاً هو نفسه بصعوبة قراءة الرسالة دي حتى بالعربي.

(٢) الهدف اللي بي نيتي

غالبًا، فيه ناس كتير هتفكر في الترجمة دي على أساس: "تدمير الفصحى، وماذا سيحل بلغة القراءن، وزحف العامية. . إلى أين؟"

عشان كذا أنا هوضح أهدافي عشان ما يكونش فيه مجال للغموض. أنا بقول بوضوح إن أول أهدافي هو سد الهوة الكبيرة اللي حصلت ما بين لغتنا بتاعة اليوم وبين أدب أمهات الكتب والتراث واللغة والأسلوب اللي كانت مكتوبة بيه وقتها. يعني إحنا بنحاول نترجم أعمالنا للغات التانية معتقدين إن الكتب ما دامت مكتوبة بالعربي يبقى إحنا فاهمين، ودا، في معظم الأحيان، مش حقيقي. أنا هضرب مثال بسيط للتوضيح، أنا هاخذ جزء من الرسالة بشكل عشوائي وكل واحد مع نفسه بصراحة يقول هو فهم ولا .

"وقد وفق "أبو الفرج" وولده، وصار كالألجّة ثمه، لما درس عليه الكتب، وحفظ عنه ما يكون الترتيب، فسلم العاتكة إلى القاري، والنافجة إلى المرء الداري، والرمح الأطول إلى "ابن الطفيل"، والأعنة إلى أحلاس الخليل."

السبب الثاني: إن اللغة متقاش حكر على اللي درسوها ويفهموها بس. عشان يبقى لكل شخص الحق في فهم التراث من غير ما يبقى تحت

رحمة اللي دارسين لغة بس . محدش عاقل يقول إننا كلنا ملزمين إننا نضيع من عمرنا سنين عشان ندرس الفصحى عشان نفهم تراثنا، زي ما هو مش مطلوب من كل الناس إنها تعرف كل اللغات الأجنبية عشان تقرا أدبهم، دا دور المترجمين، مش دور الشعب كله .

السبب الثالث: عشان يبقى ممكن لولد أو بنت عندهم ١٣ أو ١٤ سنة، أو أصغر، يقرأوا واحدة من أمهات الكتب ويقرأوا فاهمين إيه اللي بيتقال . ودا حقهم علينا مش تفضل منا .

السبب الرابع: إن دا حاجة طبيعية وبتحصل مع أي لغة . الدون كيخوتي (الدون كيشوت)، مثلا، يكاد ما يمرش كام سنة إلا ويطلعوا منه نسخة جديدة مكتوبة بمفردات وأسلوب جداد، وحتى عملوا منه نسخة للأطفال برسومات .

شخصيا، أظن إن مقيش نهضة نتحصل للبلاد العربية غير لما نعرف نفهم أصولنا الأول، لكن إننا نحافظ على كتبنا متربة على الرفوف في سبيل الحفاظ على العربية الفصحى من الانهيار دا كذب وضحك على الدقون .

٣) هترجم لأنهي مستوى لغوي؟

دكتور السعيد بدوي، الله يرجمه، عمل كتاب عمدة بيوضح فيه المعاناة اللغوية اللي بنعانيها في مصر . الكتاب اسمه " مستويات العربية المعاصرة في مصر " . دكتور بدوي قال إن في مصر فيه ٥ مستويات للغات:

- ١ . لغة التراث: زي أمهات الكتب والكتب القديمة .
- ٢ . الفصحى المعاصرة: زي الكتابة اللي في الجرايد الأيام دي ونشرات الأخبار .
- ٣ . عامية مثقفين: ودا اللي المتعلمين أوي بيتكلموا بيه، وبيعملوا في كلامهم خلط بين العامية والفصحى .
- ٤ . عامية المتنورين: اللي هو كلام الناس اللي مش متعلمين أوي أو كلام الناس براحتها (زي ما واحدة تكلم صاحبيتها أو الست في البيت مع جوزها) .
- ٥ . عامية الأميين: ودا اللي هما متعلموش خالص .

رسالة الغفران ورسالة ابن القارح، مقيش خلاف إنهم من المستوى الأول بتاع فصحى التراث، المستوى اللي أنا ترجمت ليه هو المستوى الرابع

بتاع عامة المتورين ، بمعنى إن وانتو بتقروا ، هتحسوا إن حد من أهلكو
بيحكيلكو موقف حصل معاه ، من غير أي تعقيد أو تكلف .

عموما ، المستوى الأول والخامس بيختلفوا وهيتقرضوا قريب لأسباب
كثير ، اللي عايزين يعرفوا الأسباب دي ويعرفوا أمثلة أكثر عن الفرق بين
مستويات اللغة ، أنصحهم بشدة إنهم يقرأوا كتاب دكتور بدوي .

٤ منهجية الترجمة

الرسالة ما ترجمتهاش بخدافيرها ، عملت فيها شوية تغييرات عشان
تبقى أسهل . من التغييرات اللي عملتها في الرسالة :

- حذف كلمات وتعابير مكررة ومبتدئ أي معنى جديد للنص .
- ضفت كلمات لتوضيح مين هو الفاعل في الجملة مثلا ، وغيرت تركيب
بعض الجمل للتسهيل .
- ضفت كام حكاية مكانتش موجودة في الرسالة لإنها ممكن مكانتش
محتاجة تتذكر وقتها ، بس في الأيام دي ، كان لازم تتذكر عشان السياق
يتفهم (مقولتش فين الحاجات القليلة اللي أنا ضفتها عشان ما أقطعش
حيل أفكار القارئ) ، خاصة لو كانت حاجة صغيرة أو مذكورة بالفصحى
في هوامش بنت الشاطي) .
- ترجمت الأحاديث النبوية الشريفة دون أي إسفاف أو إخلال بالمعنى .
(عموما ، احنا كلنا فعلا بنترجم الأحاديث النبوية للمصري من سنين ،
بس كل الحكاية إنها بتم بشكل شفوي ، فتلاقي حد مثلا بيسأل : يعني
إيه " إذا أراد الله أن يوتغ عبدا أعمى عليه الخيل " ؟ والناس ترد : " يعني

لو ربنا عايز يضل حد يخليه معمي عن الحلول والطرق الكويسة".
والكتاب هنا هيقدّم الترجمة الشفوية للأحاديث النبوية بشكل مكتوب،
لا أكثر ولا أقل).

• الآيات القرآنية ما ترجمتهاش عشان فيه كتب تفسير كثير ممكن ترجعولها
لو عايزين، وعشان مفيش تفسير واحد متأكدين إن هو عنده المعنى
الحقيقي الوحيد.

• أنا ما أشرتش لأصول الأحاديث والأشعار، ابقوا شوفوها اتو، لو
عايزين، في النص الأصلي لكتاب المعري.

• غيرت في أحيان قليلة أوي في ترتيب جزء من الرسالة عشان ما أقطعش
حبل تفكير القارئ، يعني مثلا هو كان بيتكلم مع مجموعة، وفي النص
حكى حكاية طويلة ملهاش علاقة بالموضوع، فنقلت الكلام بحيث
يخلص كل كلامه مع المجموعة دي الأول وبعدين يحكي الحكاية براحة.

• ماراعيتش الإعراب الصح في الكلام وخاصة في الهمزة وفي الأسمي لإن
اللغة المصرية مفيهاش إعراب زي إعراب الفصحى، فمثلا: أي حد
اسمه فيه "أبو" بتفضل "أبو" مش "أبي" ولا "أبا".

• ما التزمتش بعدد الأبيات بالظبط في كل الشعر المذكور، بس التزمت
بالمعنى تماما، وحاولت التزم بالقافية في معظمه (وإن خاننتي الموسيقى في
معظمه برضه).

• كل أسامي الشخصيات وأسمي المدن اللي مش مشهورة حطتها بين
علامتين "تنصيص" للتسهيل.

• أي شتايم في الترجمة هي في الأصل شتايم، ومش من عندي.

• بعض الكلمات بالمصري ملهاش شكل كتابة موحد معروف، عشان
كدا، أنا كاتبة بالشكل اللي أنا شايفاه صح، واللي ممكن جدا يكون
غلط، زي مثلا كلمة "يرضه". وأصل الكلمات ومنين جت عايز
بجواتي، والكتاب دا مش عشان كدا.

(٥) فهرس رسالة ابن القارح

الكتاب بيتدي بجواب من شخص اسمه ابن القارح، بعث الجواب للمعري، والمعري رد عليه برسالته اللي هي موضوع الكتاب نفسه: رسالة الغفران. رسالة ابن القارح نفسها فيها مشاكل كتير في الترابط، عشان كذا أنا هحاول على قد ما أقدر إني أربط المواضيع ببعضها، وهقسمها بالشكل التالي (في شكلها الأصلي مش متقسمة):

- (١) ابن القارح بيتدي الجواب وبيمجد في المعري ويقوله على سبب كتابة الجواب دا.
- (٢) بيتكلم عن الملحدين والزنادقة واللي ضلوا الطريق.
- (٣) شكوى عامة من حال الدنيا.
- (٤) حكايات عن النبي.
- (٥) بيعاتب نفسه على تقصيره وانشغاله بالدنيا.
- (٦) محاولة لتصليح صورته قدام المعري (حكايته مع أبو القاسم).
- (٧) بيمجد في المعري وبيشكره تاني.
- (٨) بيشكي من ضعفه وقلة حيلته.
- (٩) نهاية الجواب.

٦) فهرس رسالة الغضران

برضه الرسالة مكتتش متقسمة، والتقسيم دا من عندي عشان التسهيل
في القراية والمتابعة :

- (١) بيسلم عليه ويبتكلم عن رسالة "ابن القارح" وجزاء ربنا ليه على قيمة رسالته الأدبية والأخلاقية .
- (٢) المعري بيتخيل ابن القارح في الجنة .
- (٣) المعري بيتخيل إزاي ابن القارح دخل الجنة .
- (٤) عزومة الجنة .
- (٥) الحوريات .
- (٦) رحلة "ابن القارح" لأهل النار .
- (٧) الرجوع للجنة .
- (٨) رد المعري على كل جزء من رسالة ابن القارح .

آخر كلام

أنا بعتذر مقدما عن أي معلومة أنا فهمتها غلط، وبالتالي ترجمتها غلط. وبتمنى إن الترجمة دي توصل لأهدافها اللي ذكرتھا قبل كدا. وبشكر كل اللي ساعدوني بشكل مباشر أو غير مباشر في الترجمة دي.

تاريمن الشاملي

أغسطس ٢٠١٤، طوكيو

رسالة ابن القارح

بسم الله الرحمن الرحيم

(١)

بداية الجواب

استعنا على الشقا بالله، والحمد لله على كل نعمه، سبحانه، ملوش
مثيل ولا زي.

بكتب رسالتي دي لمولاي الشيخ الجليل أبو علاء المعري، ربنا يعزه
ويسعده.

هحاول أكون صريح وصادق في كلامي، بعيداً عن أي نفاق أو تسجيد.
عشان أنا مش زي اللي يروح لواحد صاحبه عيان ويقوله: "إيه أخبارك
دلوقتي؟ ياريتني كنت بدالك"، ويعمل نفسه مهتم بصحته وهو في الحقيقة
بينافقه، ويبقى قاعد بعد كدا مستني إن صاحبه دا يردله الجميل لما ربنا يقومه
بالسلامة، وكأنه هو اللي شفاه لما اتكرم عليه بزيارته ومن عليه بطلعته البهية.

وربنا وحده اللي يعلم إن حنيني ليك لو كان زي حنين الناقة لابنها،
أو العصفور لعشه، أو الحمامة لوليفها أو الغزالة لابنها الصغير كان هيتغير
مع الأيام والسنين، ولكن رغبتني في إنني أقابلك وأشوفك زي حنين

العطشان للمية، والخائف للأمان، ورغبة اللي لدغته حبة سامة للحياة،
والغريق للنجاة، والقلقان للراحة، وزى رغبتك انت نفسك لحمد ربنا
وشكره.

لو ربنا مد في عمري لحد ما أشوفك، هكون أسعد إنسان في الدنيا،
هكون زى المسافر اللي وصل بالسلامة أخيراً للمكان اللي رايجله، أو اللي
عمره ما حصله حاجة وحشة ولا خانة عدو، أو اللي طول عمره عايش في
راحة بال. نفسي ربنا، اللي ثقتي فيه ملهاش حدود، يمن علينا باليوم دا
قريب.

ويطلب من ربنا العملي التقدير إنه بمتعك دايمًا برزقه، ويزيدك من نعمه
لناية لما يوصل شرق الأرض وغربها. فوالله اللي يمر على بحر علمك ويتأمل
جمال نور قمره، هيعرف ليه القلم في إيدي بيترعش وأنا بكتبلك، وهيفهم
ليه حتى أنا ممكن أخطئ إنني أمضي بإسمي على الرسالة دي.

وما قداميش دلوقتي غير إنني أسلمك زمام أموري وأطلب منك إن
تديني مفتاح من مفاتيح علمك، وإنك تقبلني كواحد من صحابك أو
مريدنك. ويكفيني إنني أبقي شرارة من نارك، أو نقطة ميه في محيط علمك.
لكن أنا بقارن إيه بإيه؟ هو اللي عينيه متكحله خلقة زى اللي حااطط كحل،
ولا اللي مولود كريم زى اللي عامل نفسه كريم، وخاصة لو حد أخلاقه
ملازمه زى ما لون جلدنا ملازم لجسمنا، فلا الأبيضاني يقدر يبقى أسمر،
ولا الأسمراني يقدر يبقى أبيض، ولا الشجاع هيقب في يوم جبان، ولا
الجبان يطبعه هيقب في يوم شجاع.

وعلى رأي "أبو بكر العرزمي":

يهرب الجبان عن الدفاع عن أهله وناسه... أما الشجاع فيدافع حتى

عن اللي ميخصهوش

ويعطف كريم الأصل حتى على عدوه... والبخيل حتى لو حد من

أهله ما يديهوش

واللي ما يمنعش الأذى عن اللي بيحبوه... هيتبدي بكرة من اللي ما

بيحبوهوش

أنا فبن وانت فبن؟ هو الغراب زى النسر؟ دا انت بقيت أشهر من نار
على علم واسمك بقى على كل لسان زى الأذان. واللي ينكر دا، ويحاول
يضحك على الناس بأي كلام تاني غير دا، ويوصل بيه الكذب والإفتراف
لدرجة دي، يبقى إنسان في منتهى الوقاحة، أو يبقى عامل زى القبيح اللي
بيقارن نفسه بجمال القمر، وبيهزي بأي كلام وخلاص ويبقى مُسخة الناس
كلها ويبقى على رأي "الأعشى" لما قال:

يا ناطح راسك في الصخر عشان تفلقه... مش هتفلقه، وهتتعب

قرونك على الفاضي

والرسول صلى الله عليه وسلم قال: "لن الله أبو لسانين، وكل
الكذابين، وكل النمامين".

أخيراً وصلت حلب، يمحيا ربي ويحرسها، بعد ما عانيت الأمرين في
شوارعها. وياريتة على كدا ووس، دا أنا وصل بيا الأمراني معرفتش المكان
اللي اتولدت فيه، كل صحابي وجبراني راحوا. بكيت وقتها وقلت:

يا اللي تزور بلادك بعد طول غياب . . . تلاقبها على حالها لكن
متخسر الصُحاب

وخرجت من حلب إيد ورا وإيد قدام، زي "أبو القطران، المرار ابن
سعيد الفقمسي" اللي كان بيحب بنت عمه "وحشية" اللي كانت ساكنة في
نجد أيامها، بس التحوّرت واحد من الشام وسافر بيها على هناك، فوجعه
أوي بعدها، وقال في قصيدة:

لو سابت حبيبك "وحشية" نجد . . . عينك مش هنلاقي لدموعها دوا
نظرة واحدة منها وهي ما شية . . . خلت الدموع زي المطر من الهوى
وكنت قبل ما تمشي بتكره رياح الشمال . . . لكن بسببها بقت الرياح
دي هي الدوا

وإذ فجأة، ألقى واحد جايب سيرتك قدامي كدا من غير مناسبة
ويقول: "المعري أحسن من "سبويه" في النحو، وأحسن من "الحليل"
في اللغة وأوزان الشعر، فلايتني بقول للناس اللي حواليه: "سمعت كمان
إن أستاذنا المعري بيستخدم التصغير لما يجب يكبر حد أو حاجة، ويستخدم
التكبير لما يجب يصغر الناس أو الحاجات"، فأكد لي المعلومة الأستاذة اللي
كانوا هناك، ربنا يارب يطول في عمرك يا أستاذي أكثر منهم ويكرمك
ويباركلك في صحتك وفي عمرك.

الحكاية وما فيها إن "أبو الفرج الزهرجي"، سكرتير عالي المقام
الباشا "أحمد ابن مروان"، إداني جوابين: واحد ليا، والتاني لحضرتك،
وحلفني إن أنا اللي أقرأهولك، وإني متأخرش في توصيله. بس للأسف،

اللي كان مرافقتي في الرحلة سرق مني كل حاجة بما فيها الجوابين. فقررت
إني أكتب الجواب دا عشان أشكلك همي، وأحكلك على كل اللي
فابلتهم في سكتي من مدعين العلم والأدب، وهم في الأدب والأخلاق صفر
على الشمال، وبيغلطوا في اللغة غلطات شنيعة، ومش قادر أرد عليهم،
عشان لو رديت عليهم، هيتلوا عليا ويعملوا ربّاطية عليا ويقولوا إن أنا
اللي ما بفهمش حاجة في اللغة، وإن أنا اللي عملت الغلطات دي.

لما قابلت "أبو الفرج الزهرجي" كان في مكان اسمه "أمد" في تركيا
وكان معاه شوية كتب فرجني عليهم. قلته: "كتبك دي كلها يهودية
وبعيدة تاماعن الشريعة الحنيفية". زعل من كلامي أوي، فقلته: "راجع
كتبك دي مرة تانية مع نفسك ومع الناس القريين منك وابقى قولي
رايك". فقراها تاني هو وابنه، وعرف إنه كان عندي حق، فبعثني جواب
يدخني فيه بأسلوب يدل على نبل أخلاقه.

الهي ربنا يلعن عبيد النجوم . . . واللي يقول عنها إنها بتفهم

أو هيتقى عامل زي اللي ربنا قال عليهم في كتابه الكريم: "مذبذبين بين ذلك لا إلى هؤلاء ولا إلى هؤلاء".

بيقولوا إن "القطرلي" و"ابن أبو الأزهر" ألفوا كتاب روعة هما الاتنين، حتى في بغداد ومصر قالوا إنه كتاب تحفة، رغم إن حجمه صغير. المهم، قالوا في الكتاب إن "المتنبي" لما خرج من السجن، راح يقابل الوزير "أبو الحسن، علي ابن عيسى"، الله يرحمه، فالوزير سأله:

- انت بقى أحمد المتنبي؟

- أنا أحمد النبي.

وعرى بطنه ووراه وحة فيها وقاله: "دا دليل نبوتي وعلامة رسالتي". فراح الوزير مقلع "المتنبي" جزمته، وضربه بيها خمسين مرة ورجعه السجن.

ساعتها كتب شعر لسيف الدولة قاله فيه:

ليه كل الغضب دا على اللي بيحككم . . . ويتعاقبه بعد ما غرقوه
برضاكم وخيركم

بس المتنبي كان كذاب، وكان بيتمحلح في الأخلاق، ومكنتش بياخد حاجة إلا عن طريق الكذب والخداع واللوم.

وإن كان دا ما بمتعش إني أقول إن المتنبي شعره رائع، أنا بس كل اللي بيضايقني هي الناس الملحدة اللي ميعرفوش ربنا وبيتلاعبوا بالدين عشان

بشككوا المسلمين في دينهم ويشككوا في نبوة الأنبياء كلهم عليهم ألف صلاة وسلام، ويستظرفوا ويتربأوا عليهم وبيقوا مبسوطين أوي وهم بيعملوا كذا، وعلى رأي "أبو نواس" لما قال:

غرور مغني وظرف ملحد

وافكرت لما الخليفة العباسي "المهدي" حكم بالقتل على "بشار ابن برد" عشان كان ملحد، فعرف "ابن برد" الموضوع فخاف وحاول يدافع عن نفسه فقال:

يا ابن نهما، إذا كانت راس واحدة ثقيلة عليا، فما بالك براسين؟

والله واحد كفاية عليا، روح اقنع حد غيري يعبد إلهين

ويقولوا برضه إن الخليفة المهدي جاب الشاعر "صالح ابن عبد القدوس"، وكان السياف في انتظاره عشان يطير رقبته، فد "صالح" سأله:

_ انت هتقتلني بمناسبة إيه؟

_ عشان الشعر اللي قلت فيه:

أنا كاتم سري ورايط لساني عشان مقولش اللي في بالي
عشان لو الناس عرفت ديني الحقيقي، كنت همتحبس طولالي

وكمل المهدي وقاله:

- ومش انت برضه يا كافر اللي قلت:

ربنا بيسترها عليك بس لو عملتش فواحش . . . لكن متعتمدش
عليه في أكثر من كذا

- عندك حق أنا فعلا كنت ملحد، بس تبت .

- احنا هنستعبط؟ مش انت اللي قلت :

اللي فيه عادة مبيبرهاش إلا لومات . . . ولو انصلح حاله فترة

يتنكس ثاني زي المريض

وراح السيّاف مطير رقبته، وفجأة بقت راسه مرمية جنبه على الأرض .

وفي نفس الفترة دي برضه، ظهر في مدينة "البخارى" واحد أعور اسمه "المقتنع الخرساني"، وكان عمل لنفسه قناع من الذهب يداري فيه شكله الوحش، وكان الناس بتكلمه كأنه رب العزة، وكان عمل كمان حاجة شبه القمر وحطها فوق جبل عالي. الخليفة "المهدي" عرف الموضوع، فحاوطة هو وقلعته، فراح "المقتنع" حرق كل حاجة فيها، وخلي كل أهل بلدهتة يشربوا حاجة مسمومة، فماتوا كلهم، وهو كمان شرب منها، فمات وراح على مصيره في جهنم .

وفي السنة الثالثة من الهجرة، واحد شيعي راديكالي اسمه "المنصور الصناديقي" كان متحكم في مدينتين في اليمن اللي هما "المديخرة" و"سقهنه"، وكان الناس بينادوه برب العزة ولما كانوا بيعتوله جوابات برضه كان بيكتبوا: "إلى رب العزة . . .". الرجال دا كان عنده قصر كبير جداً لأمم فيه كل سنات البلد، وكان سامح لأي راجل من رجالاته إنه يجي بلبل وينام مع أي واحدة فيهم . وواحد ثقة قالي إنه دخل مرة القصر عشان يتفرج، فسمع بنفسه واحدة

ست بتقول لراجل: 'دا انت ابني!'، فالراجل قاليها: 'معلش يامه، أنا عبد الما مور وطاعة ولي الله أمر واجب' .

وكان "الصناديقي" بيبرر الموضوع دا ويقول: "لو عملتوا كدا، محدش هيميز أملاكه من أملاك غيره ولا ابنه من ابن غيره، فتبقوا كلكم نفس واحدة" .

فجده "الحسنى" حاكم صنعاء وهجم عليه وغلبه، فاتجرح "الصناديقي" وهرب منه وراح استخفى في حصن هناك. فراح "الحسنى" بعنله دكتور بمشروط مسموم، فقتله بدل ما يعالجه الجرح .

نفس الحكاية كانت مع الخليفة الأموي "الوليد ابن يزيد" . حكم لمدة سنة وشهرين وكام يوم، وكان مشهور عنه إن ما سيش حاجة حرام إلا وعملها، وكان قال مرة:

ابقي أحموزي بعد موتي يا سمرا، ومتشغليش بمقابلتنا مرة ثانية بالك
لو فاكرة إن هيبقى فيه بعث، فتبقي هيلة وعرفوا يكولوك دماغك
ويبقولوا إنه رمى القراء بالسهم وعمل فيه خرم وقال:
لما تشوف ربك يوم الحشر، ابقي قوله: الوليد هو اللي خرمني

وبعت لمكة راجل بتاً بجوسي عشان بينيله خماره فوق الكعبة، بس مات قبل ما يتمم مشروعه، وبقي الحجاج وقتها بيقولوا وهم ييلشوا حوالين الكعبة: لبيك اللهم لبيك، لبيك ياللي قتلت "الوليد ابن يزيد" لبيك .

ومرة ثانية جاب "الوليد" حاجة زي تاج من الذهب وفيه جوهره
على شكل راجل، فسجد للجوهره وباسها، وقال لواحد كان واقف معاه:

- اسجد لها يا حمار.
- هي إيه دي أساسا؟
- دا تمثال "ماني"، راجل كان شأنه عظيم زمان، بس اتنسى مع الوقت.
- مينعش أسجد لغير الله.
- طب قوم غور من وشي.

وفي مرة كان قاعد "الوليد" يشرب في البلكونة، وقدامه زي حلة
كبيرة إزاز، وكاسات، فسأل اللي كانوا حواليه: "فين القمر النهاردا؟"،
فراح واحد رد عليه وقاله: "في الإزازة"، قاله "الوليد": "برافو عليك،
أنا كمان كنت بقول كدا، طب والله العظيم لأقعد أشرب سبع أسابيع
بجالهم ورا بعض".

ونهاية "الوليد" كانت لما كان قاعد في مكان قريب من دمشق اسمه
"البحرا" وقال:

وواحد من بني هاشم ادعى النبوة... وهو ولا نزل عليه وحي ولا كتاب
فاتقتل "الوليد" بسبب الكلام دا وراسه اتقطعت ووقعت في الحلة
الإزاز اللي كان عايز يشرب منها سبع أسابيع ورا بعض.

ولا "أبو عيسى" ابن "هارون الرشيد" لما قال:

دخل عليها شهر الصوم، يخرب بيت أم دا شهر... ولغاية لما أموت مش
مصوم منه ثانية

ولو كان الأمر بإيدي وكنت أقدر عليه... لكننت محبته من على وش الدنيا
فجاله صرع بعدها على طول، وفضل كدا لغاية لما مات قبل ما يلحق
رمضان.

أما "الجنابي" أو "أبو طاهر القرمطي" فدخل مكة، وقتل كل الحجاج
اللي فيها لغاية لما وصلوا لحوالي ٣٠ ألف واحد، واستولى على ستة
وعشرين ألف جمل. حرق كل الأسلحة بتاعة أهل مكة، وخد كمية مهولة
من الستات والأولاد لدرجة ميقاش عارف يحطهم فين، وخلع الحجر
الأسود من مكانه وخاه عشان كان فاكر إنه له سحر المغناطيس على الناس،
وسرق حنة من ستف الكعبة اللي كان بيتجمع فيها مية المطر. وحد قالي إنه
سمع راجل بيصرخ في ولد وبيقوله: "يا رخمة، اخلمها بسرعة". والولد
اسمه كدا، "رخمة"، مش "رخمة" زي ما ناس كثير بعد كدا حرفوا اسمه.

والناس برضه حرفت كلام "علي ابن أبو طالب" لما قال إن مدينة
البصرة هيدمرها رياح جامدة، بس "علي" غلط، لأن اللي دمر المدينة هم
الزواج. واللي حصل هو إن زعيم الزوج وقتها "علوي البصري" قتل
أربعة وعشرين ألف واحد، وكانوا بيععدوا الميتين بعيدان القصب، كل ميت
يساوي عود قصب، وحرق الجامع بتاع البصرة، وقال في خطبته وهو
بيخطب في الزوج: "اتنو ربنا ابتلاكم بمظهر قبيح، خلوا جوهركم كمان
قبيح زي مظهركم، وخلوا كل الأخضر بيتقى يابس، وحولوا كل البيوت

لقبور". وواحد قالي لما كنت في دمشق إن "علوي البصري" دخل المدينة مدعي إنه من نسب رسول الله، عليه الصلاة والسلام.

المهم، نرجع للجنابي" اللي دخل مكة ورفع سيفه على الحجاج، وبعد ما واحد من جنوده قتل مجموعة منهم سأل: يا كلاب، مش محمد المكي قال لكم: "ومن دخله كان آمنا"، فين الأمن دا؟. فرد عليه واحد اسمه "أبو عبد الله الكوفي":

- لو تديني الأمان من سيفك أجاب عليك.
- إديتك الأمان.

- فيه خمس إجابات لتفسير الآية دي، الأولى معناها إنه هيبكون آمن من عذاب ربنا يوم القيامة. الثانية معناها إنه مش هيبقى مضطر يعمل بعض الفروض اللي ربنا فرضها عليه، زي إن يوجه نفسه ناحية القبلة. الثالثة إن ربنا بيؤمرنا بكدا مش بيدينا خبر، يعني الواحد لازم يدخل الكعبة ويصلي عندها عشان يكون في أمان. الرابعة إنه هو بيبقى في أمان من العقاب على أي جريمة عملها طول ما هو في مكة. والخامسة هي الآية اللي بتقول: "أنا جعلنا حرما آمنا ويتخطف الناس من حولهم".

- تصدق عندك حق، تفتكر ربنا همساحني؟
- أيوه، إن شاء الله.
- فسابه وراح لحال سبيله.

أما "الحسين ابن منصور الحلاج" من مدينة "نيسابور" أو "مرو" كان عامل نفسه فاهم في كل حاجة وعارف كل حاجة. كان شجاع وعابز يقضي

على كل الدول، وصحابه كانوا فاكرينه إنه ربنا متجسد في هيئة إنسان، وهو كان عجبه الموضوع دا، وكان بيعمل نفسه شيخي مع الملوك وصوفي مع العامة، وكان بيحاول فعلا التأكيد على فكرة تجسيد ربنا فيه.

فضل كدا لغاية لما الوزير "علي ابن عيسى ابن الجراح" جه وقرر إنه يعمل معاه مناظرة، فلقاه صفر في العلوم، فنصحته إنه يتعلم ويدرس الأول بدل ما يتعد يكتب كلام أهبل زي: يا جمال المكان أبو النور المملع، اللي بيلمع بعد ما يلعلع".

حكالي مرة النحوي "أبو علي الفارسي" إنه شاف "الحلاج" في حلقة ذكر كان عاملها الزاهد "أبو بكر الشبلي" اللي قاله إنه مش كويس كدا إنه ينشر بين الناس حكاية إن ربنا متجسد في هيئته وإنه لازم يخاف من ربنا. فقال "الحلاج":

آه يا سر الأسرار يا اللي ما بقدرش على وصفتك بشر
يا ظاهر وباطن وموجود في كل شيء وفي كل البشر
أنا منك وانت مني، يبقى إزاي لنفسني أعتذر؟

"الحلاج" اللي عامل نفسه صوفي كان بيعتقد إن اللي عارف ربنا بيبقى زي شعاع الشمس، منها جه، ولها هرجع، ومنها بياخذ نوره. عشان كدا الشاعر "الظاهر" قال في المتصوفين:

مفيش أسوأ من المتصوفين... ولو شفت واحد منهم أسألهمولي
هو ربنا فالكوا لما عشقته... كلوا زي البهايم وارقصولي؟

في مرة، حرك "الحلاج" إيدته فانتشرت ريحة مسك على كل اللي قاعدين حواليه، حرك إيدته مرة ثانية فانتشر على الناس دراهم، فواحد بي فهم من اللي قاعدين حواليه قاله:

- حرك إيدك مرة ثانية كدا، ولو جدد خرج منها دراهم مختلفة مشفهاش قبل كدا، ولا أقولك، خرج دراهم مكتوب عليها اسمك واسم أبوك وأنا أو من بيك.

- ودي أجيها لك إزاي؟ دا مستحيل.

- والله اللي يقدر يجيب حاجات من الهوا زي المسك والدرهم، يقدر يجيب حاجات متملمش قبل كدا.

وصل بـ "الحلاج" مرة إنه كتب: "أنا اللي غرقت قوم نوح، وأنا اللي أهلكت قوم عاد وثور". فانتشرت حكاياته في كل حته ووصلت عند السلطان تقريبا في أواخر سنة ٩٢٢ ميلادي، ولما اتأكد السلطان من صحة الحكايات دي، أمر بضربه بالكرباج ألف ضربة، وقطع بإيديه، وحرقه. وساعتها قال "الحلاج" للوزير "حامد ابن عباس":

- أنا مهخلص عليك وههلكك.

- دلوقتي بس اتأكدت من صحة اللي اتهموك بيه.

والمحدد الثاني اللي اسمه "أبو جعفر الشلمغاني" اللي جه هو وأهله من قرية اسمها "شلمغان" في العراق، ويشبه "الحلاج" الخالق الناطق، وبرضه فيه ناس كانوا فاكريته إله، لأنهم كانوا فاكرين إن ربنا التجسد في آدم

وبعدين "شيث" ابن آدم، وبعدين في كل الأنبياء والأوصياء والأئمة، لغاية لما التجسد في الإمام رقم ١١ من الأئمة الإثناعشر الشيعة "الحسن ابن علي العسكري" وبعدين التجسد في "الشلمغاني". "الشلمغاني" خدع ناس كتير، منهم "ابن أبو عون" صاحب كتاب "التشبيه"، والثنين اتقطعت راسهم في نفس الوقت. كانوا مريدن "الشلمغاني" سايبينه يحكم ويتصرف زي ما هو عايز في أملاكهم وستاتهم. كان كيميائي وليه كتب كتير معروفة.

برضه كان الفيلسوف "أحمد ابن يحيى الراوندي"، وهو من أهل مدينة "مرو الروذ" في خراسان، راجل متواضع وعلى خلق، ولكن فجأة انقلبوا لأسباب لا يعلمها إلا الله، وكان علمه أكثر من عقله، وكان عامل زي ما الشاعر قال:

ومين يستحمل طيش الشباب . . . ومين يستحمل الطيب لما أخلاقه تيوظ

و"الراوندي" ألف كتب كثيرة، منها:

- كتاب التاج: اللي بيحاول يثبت فيه إن الحياة أبدية، ولكن "أبو الحسن الخياط" نقض فكرته.
- الزمرد: واللي حاول فيه إن يثبت بطلان رسالة النبي، وبرضه نقضه "الخياط".
- نعت الحكمة: واللي شاف فيه إنه مش من الحكمة إن ربنا يخلق مخلوقات عشان بعد كدا يطالبهم بعبادته ويكلفهم بأوامر ونواهي، وللمرة الثالثة نقضه "الخياط".
- الدماغ: واللي اعترض فيه على تركيب وأسلوب القرآن.

• القضيبي: واللي قال فيه إن علم ربنا مش من الأزل، وإن ربنا مكشوف عنده علم وخلق لنفسه علم، ونقضه "الحياط".

• المرجان: واللي ذكر فيه التناقضات بين أهل الإسلام.

أما الشاعر "علي ابن العباس ابن جُرَيْج الرومي"، فقال عنه "أبو عثمان الناجم": "شفته مرة وهو في مرضه اللي مات بسببه، كان فيه جنب راسه كباية مية متلجة وخنجر طويل لو دخل من صدره يطلع من ظهره، فسألته:

- إيه دا؟

- المية عشان أبل بيها ريقى وأهدي عطشي، أصل فيه أسطورة بتقول إن عخش ييموت وهو عشان. أما الخنجر فعشان لو زاد عليا الألم أقتل نفسي بيه. أنا محكيك حكايتي عشان تعرف إن نهايتي قربت مفيش مقر. يا سيدي القصة وما فيها إني في يوم كنت في بغداد وكنت عايز أروح من حي "الكرخ" للبصرة، فسألته صاحبي "أبو الفضل" اللي اسمه جاي من الأفضال، فقال لي أبو الفضل: "بص، لما توصل للكوبري احود يمين (اللي جاية من كلمة "اليمين")، وروح لشارع النعيمة (اللي جاية من كلمة "النعيم")، واسكن في بيت ابن المعافي (اللي اسمه جاي من "العافية")، ولكن مسمعتش كلامه لسوء حظي، فسألته صاحبي الثاني اللي اسمه جعفر (واسمه جاي من جوع + فرار)، فقال لي: "لما توصل عند الكوبري خد شمالك (اللي جاية من الشوم) واسكن في بيت ابن قلابه (يعني كل حاجة مقلوبة وملغطة)، وبالفعل، الدنيا اتقلت بيا، وأكثر حاجة مضايقتني هي صوت العصافير: سو سوسوسو، وأنا فعلا حالتي كلها بقت سو (= سببة).

وبعدين راح قالي الأبيات دي:

الحق واتمتع برؤية صاحبك... عشان مش هتشوفه ثاني أبدا

وباعيني ما عرفش يتحكم في بوله، فنبهته إنه ابندی يتبول على نفسه فقالي:

بكرة يروح البول ويبي مكانه العياط والنواح

ولقا ربنا هو اللي ضوقني، ومش تخليني مراتح

وفعلا مات "ابن الرومي" ثاني يوم على طول. وأتمنى إن ربنا يرحمه ويساعده على تفكيره في الانتحار، عشان الرسول قال: اللي يغز نفسه أهديده، يجي يوم القيامة بنفس الحديدية ويفضل يغز بيها نفسه في النار للأبد، واللي يرمي نفسه من مكان عالي، يجي يوم القيامة ويفضل يقع من مكان عالي على وشه في النار للأبد، واللي يشرب سم، يجي يوم القيامة ويفضل يشرب سم في النار للأبد".

مرة "الحسن ابن رجاء الكاتب" حكالي حكاية وقالي: "الشاعر" أبو تمام" سافر مرة "خراسان" عشان يزورني، وكنت سمعت عنه إنه ما يبصليش، فبعته واحد يراقبه، فما شافهوش ركعها ولا مرة واحدة، فعابته، فقال لي: "يا سيدي بتكلمني في إيه؟ عيب عليك تكلمني في الحاجات دي وأنا قاطع المسافة دي كلها من بغداد لهنا، واتحملت تعبها ومانطقش، كل دا عشان أشوفك وبس. وبعدين أنا لو كنت أعرف إن الصلاة هتفنعني بحاجة لو صليت أو هتضرني بحاجة لو سبتها، مكتش سبتها".

كلم "الكاتب": "كنت عايز أقتل "أبو تمام" لما سمعت منه الكلام دا، بس خفت لحسن الناس يفهموني غلط".

الأسود، زي الفرسان اللي بيهمهم وقت الحرب . . . إنهم يفوزوا
على العدو، مش السلب والنهب

اتحكالي برضه إنه كان فيه شخصين لابسين هدوم حمرا ومعاهم خناجر
طويلة دبحوا ٣٠٠٠ واحد. كان اسمهم ابتدى يتردد منين ما نروح، والناس
كانت بتقول إنهم لما قتلوا الـ ٣٠٠٠ واحد، خدوا من كل واحد علامة:
اللي خدوا منه الخاتم بتاعه، واللي خدوا منه هدومه، أو منديله، أو حزام
بطلونه، وكأنهم فيضان بيدمر المدن.

كنت بتناقش من فترة مع واحد عن "علي ابن أبو طالب" وعن
"الحاكم بأمر الله". أصل ظهر واحد في البصرة كان بيديعي إنه الإمام
"جعفر الصادق"، الإمام السادس من أئمة الشيعة الإناشر، وإنه متصل
روحانيا بسيدنا "علي" لدرجة إن روحه متجسده فيه.

وحسب حكايات كثيرة من أكثر من مؤرخ، قالوا إنهم قبضوا على الأمير
"المازيار" وقدموه للخليفة العباسي "المعتصم"، وكان المعتصم قبلها بيوم
اتعصب على الكاتب والسكرتير بتاعه "الأفشين" لإن القاضي "ابن أبو دواد"
قال للمعتصم: "يعني السكرتير بتاعك يبقى مش مختون وكمان بنام مع ست
عربية؟ وفوق كل دا يروح يكتب "لما زيار" عشان يساعده على قلب نظام
الحكم ويشجعه على العصيان"

فراح المعتصم جاب سكرتيره وهدده، فاعترف السكرتير إنه كتب
جواب "للمازيار" وقاله فيه: "مفيش في أيامنا دي، ولا على الأرض
كلها، حد يقدر على تنفيذ قلب نظام الحكم غير أنا وانت و"بابك
الخرمي"، بس "بابك" خلاص راح، وأنا مكنتش عايز أقتله لولا إنه عمل
اللي عمله واستسلم ومانفذش اللي طلبته منه، فما فضلش دلوقتي غير أنا
وانت، أنا بتعلك جنود من طرفنا عشان ينضموا ليك، فلو هزمت الخليفة
المعتصم، هتكفل أنا بنفسي بتصفية حساباتك مع العرب وهستولى على
بغداد عاصمة خلافتهم، وساعتها ينتصر ديننا إحتنا."

"المازيار" رد عليه بجواب احتفظ بيه الكاتب "الأفشين" عنده في علبة
حرا.

المهم، بعث المعتصم ناس عشان يقبضوا على "المازيار" ويجيبوه،
وواجه "المازيار" بـ "الأفشين"، فاعترف "المازيار" بكل حاجة. وفيه ناس
قالوا للمعتصم: "احتنا لو منك نستفيد من الفلوس المتلثة اللي عند
الـ"مازيار"، ففضب المعتصم وقال:

(٣)

شكوى عامة من حال الدنيا

أنا لو كنت دورت أكثر في موضوع الإلحاد دا كنت هقعد أتكلم فيه من هنا للسنة الجاية، بس :

هسجى يوم واللى في القلب يطلع ويبان . . . واللى مكتوم في الصدر يطلع عاللسان

دا أنا لو قلت كل اللي أعرفه، كان زمانى في السجن، ولكن على رأي الشاعر :

زهقت من ثقل راسي وتعباني . . . ملاقيش شاب يشيلها مكاني؟
وعموما، أنا بستريح أوي لما بقول :

مقدرش أشفي غير جروحي ومقدرش أشفيك . . . أنا اللي فيا مكفيني،
وانت اللي فيك مكفيك

بس هي الدنيا كدا، أنا لو اشتكيت منها ومن ظروفى، يبقى بضيع وقتى على الفاضى، لأنها ولا بتبسط حد ولا بتسبب حد على حاله، ترفع

الواطي وتوطي العالي، وما بتعملكش معروف غير لما تاخذ حاجة قصاده، ولو سلفتك حاجة تبقى بتعملها وهي مضطرة، ولو مرة ابتسمتلك، تكشر في وشك تاني في لحظتها وتسببك وتمشي وهي عينها بتطق شرار. متعرفش يعني إيه الوفاء بالوعد وعمرها ما عرفت يعني إيه دموع الخجل. من برة تفتكرها حاجة حلوة، لكن من جوة أجارك الله، حزن وبؤس، ودايما تخيب ظنك فيها، ومتعملكش أي معروف. دنيا ما تسمعش شكوتك وتفرح في بلوتك.

شفت بقى؟ يعني أنا قعدت ألوم على "المتنبي" عشان شتم الزمان وفي الآخر أنا كمان وقعت في نفس الغلط. بس أنا أصلي عامل زي الغريق اللي عايز يتعلق بقشة، أو السجين اللي ما يفكرش غير في الهروب. عشان كذا بحب شعر "ابن الرومي" اللي بيقول:

يعني انت متروح من الشيخوخة فين... فاتصرف كويس دلوقتي أحسن من بعدين

وسيبك من شكوى الدنيا واللي فيها... مش تهسمعك حتى لوليكها ودينين فمتخفش من كبر السن واللي بيحصل فيه... يعني هي هتبقى موتة واحدة ولا اتنين؟

وأنا في شبابي مكنتش بح حد قد اللي يقولي: "ربنا يطول عمرك"، دلوقتي وأنا فوق السبعين ابتديت أخاف واترعب. حق ربنا، أنا المفروض ولا أخاف ولا أحزن، لأن كل اللي اتمنيته في حياتي أو حتى اللي اتناه ليا أهلي حققته. همحزن على إيه؟ عشان الستات ببيعدوا عني يعني؟

ربنا وحده اللي يعلم إنه أنا اللي ببيعد عنهم، وإن مفيش حد عارفهم وماهرهم قدي. ومش أنا اللي أتخسر عليهم وأقول:

العيون السود خلت شعرنا منها شيب... والشيب خلى جمال الستات عتنا يغييب

ولا التاني اللي بيقول:

خفت لما لقيت الشيب ابتدا يحتل كل شعري

وما بيمعجنينش شعر "أبو عبادة البحرى" اللي بيقول:

البنات البيض بيخلوا نهارنا أبيض... وشعرهم الاسود الجميل هيفضل اسود وأهل البلد دي رجالة من شهر رجالة... ولو الحرب قامت يتقوا زي الأسود ونارينهم وحكايتهم كلها مشرفة... وحكايات سيوفهم ملهاش حدود دي بلد حتى عيالها أول ما يستنوا... يتقوا رجالة وفرسان زي الجلود

وإن كانت الأبيات دي تنطبق على صفات أهالي بلدة "معرة النعمان" اللي انت يا شيخنا جاي منها وجاي منها اسمك، "أبو العلاء المرعي"، ربنا يحفظك يا رب ويطولنا في عمرك، أهل بلدك ما بينكروش هيايلك عليهم. يعني "أبو العباس الممتع" مسابش موقف إلا وذكر فضلك عليه.

(٤)

حكايات عن النبي

قريش سألت مرة النبي: يعني انت شايف إن شوية العبيد اللي بيتبعوك دول زي "بلال" و"عمار" و"صهيب" أحسن من جدودك أشراف قريش زي "قصي ابن كلاب" و"عبد مناف" و"هاشم" و"عبد شمس"؟ فرد عليهم النبي: "أبوة أحسن، وهيجي يوم لو كانوا عددهم قليل هيكتروا، ولو كان مستواهم الاجتماعي مش قد كدا هيقوا من أشرف خلق الله، لغاية لما يبقوا نجوم الناس تهتدي بيها وتاخذهم قدوة، ويقولوا: زي ما قال فلان، وزى ما عمل علان، فمتجوش تفتخرولي بجدودكم اللي ما توا في الجاهلية واللي ما يسووش حتى الزبالة اللي بتدحرجها الخنفسة بناخيرها. لو سمعتوا كلامي هخليكم أشراف، وأقسم بالله لأخلي كل كنوز كسرى وقيصر بين ايديكم." فقال له عمه "أبو طالب": "يا محمد، خد بالك من اللي بتقوله حفاظاً على نفسك وعليا". النبي افكر إن عمه باعه وإنه هيسلمه للأعداء، فقال له: "والله يا عمي لو حطوا الشمس في إيدي اليمين والقمر في إيدي الشمال في مقابل إنني أسيب الدعوة في سبيل الله، والله ما أسيبها غير لما ربنا يوفقني وأكمل دعوتي أو أموت وأنا بنشرها".

وقام وهو يبيعط، فناده "أبو طالب" وقاله: "تعالى يا ابن أخويا" فرجع محمد، فقاله "أبو طالب": "روح وقول اللي انت عايزه، وأنا عمري ما هيبعلك ولا هخذلك أبداً".

في مرة من المرات كان النبي يبيحكى عن يوم كان تعبانا ومنهك فيه أوي، فقال: "قعدينا مرة أنا و"أبو بكر" في الجبل ١٠ أيام بمجالهم من غير ما ناكل أي حاجة غير الأراك، ودي فاكهة صغيرة ومدورة لونها أحمر على بنفسجي وشبه البق جداً وبياكلها الحيوانات والناس".

وكان لما النبي بيتدي يحكي عن المصاعب اللي اتعرضلها، كان "عتبة ابن غزوان" يضيف ويقول: "أحنا قعدنا فترة ما بناكلش حاجة غير ورق شجر البشام (نوع من الشجر ريحته حلوة فالناس بتستخدمه عشان تتسوك بيه، بس ملوش فاكهة) لغاية لما كان بقنا يقترح، واليوم اليتيم اللي لقيت فيه بلحة، قسمتها بيني وبين "سعد ابن أبو وقاص"، بس سبحان مغير الأحوال، أنا وسعد دلوقتي كل واحد فينا أمير على إمارة بمجالها. في الأيام إياها، كان يقولوا إن لو حد لقي ثمرة وقسمها مع الثاني، اللي حظه حلو فيهم هو اللي يطلع نوى البلحة من نصيبه، عشان هيلقي حاجة بمضغ فيها اليوم بطوله عشان ينسى الجوع." وبرضه حكى الرسول مرة إنه كان بيرعى غنم أهل مكة مقابل شوية بلح.

أول ما ابتدا النبي في الدعوة وقف عند "الصفاء" ونادى: اصحوا يا بشر.

الناس اتجمعت عليه وقتلته:

مالك يا محمد؟ فيه إيه؟
أنا مشهور بينكم بيايه؟
محمد الأمين.

طلب هتصدقوني لو جيت قتلنكوا إن فيه شوية فرسان هيهجموا على الوادي، وإن فيه عساكر جاينين يقطعوا عليكم الطريق للمدينة؟
آه هتصدقك عشان الصراحة عمرنا ما شفتناك بتكذب.

طلب أنا بقولكم إن اللي اتتو فيه دا مش من ربنا ومش لربنا ومايرضيش ربنا. قولوا لا إله إلا الله، واشهدوا إني رسوله، واسمعوا كلامي واتبعوني هتلاقوا كل العرب تحت أمركم، وهتبقى إيران ملككم. ربنا قالي: استفزهم زي ما استفزوك، وابتعلهم جيش وأنا هبعث من عندي خمسة"، ووعدني إنه هينصرنى بناس منكم، وقالي كمان: "اقتل اللي عصوك بمساعدة اللي طاعوك" وأكدي إن سلطاني هيبقى أكبر من سلطان "كسرى" و"قيصر".

وفعلا، بعث الرسول ٣٠ ألف واحد في غزوة تبوك، ودا كله بأمر ربنا اللي بيخلق كل حاجة من ولا حاجة، ويمكن برضه يجلي كل حاجة ولا حاجة، يجلي السابيل ناشف والناشف سابل، زي ما بيجمد البحر ويفجر الصخر بالمية.

النبي بمساعدة ربنا عامل زي اللي يقول: أنا بالإزاة الرفيعة دي هحك الجبل الكبير دا فيتكسر فتايت، أو النملة الصغونة الحلوة دي هتهزم الجيش الكبير دا كله بكل أسلحته.

وهو النبي كان كذا فعلاً، يعني لما "عروة ابن مسعود الثقفي" جمع من "الحدبية" قال لأهل قريش: "أنا عدت على "النجاشي" و"كسرى" و"قيصر" وشفت جنودهم، ملقبتش حد فيهم بيطبع القائد بتاعه ولا بيحترمه ولا ببهايه زي ما صحاب محمد بيعملوا، بيقبوا واقفين حواليه وكان فيه عصافير واقفة على راسهم خايفين لتطير، يعني بمجرد بس ما يقول أمر تلاقيهم كلهم طالعين يجرؤا عشان ينفذوه، ولما يتوضأ، ياخذوا مية وضوءه ويتوضوا هم بيها بعد كذا، ولو اتنخم (يعني تف برايره)، يخذوا تنافته ويدلكوا بيها وشهم ودقنهم وجلدتهم."

وفضلوا يطبعوه بعد موته أكثر كمان من لما كان عايش، لدرجة إن هم قالوا: "يا جماعة محدش يشتم صحاب محمد، عشان هما أسلموا من خوفهم من ربنا، لكن باقي الناس أسلمت من خوفها من سيوفهم."

فشوف انت بقى إزاي ابتدا "محمد" دعوته وهو ضعيف ولوحده وشوف وصل لإيه. لكن الحقيقة إن هو كان واثق من النبي بيعمله وبصيرته بالمستقبل كانت عالية، لغاية لما كل الناس، العدو قبل الصديق، أتأكدوا من صحة كلامه. انت عارف، محمد دا كان عامل زي ما حد يجي يقول: "ذرة التراب دي بكرة هتكبر وهتبقى جبل يغطي الأرض كلها."

في يوم جه النبي وحب يدخل الكعبة، فمنعه واحد اسمه "عثمان ابن طلحة العبدي"، فالنبي قاله:

- ماتمنعش يا "عثمان"، أنا كنت عارف إن اليوم دا هيجي، وإن مفتاح الكعبة هيكون في أيدي في يوم من الأيام، أدخلها وقت ما أعوز.

اليوم اللي هتدخلها فيها هيكون آخر يوم لعز قريش وكرامتها وهيقل عددتها.

بالعكس يا "عثمان"، اليوم اللي هتدخلها فيه هيزيد عز قريش وهيزيد عددتها.

(٥)

ابن القارح بيعاتب نفسه على تقصيره وانشغاله بالدنيا

أما بالنسبة لي أنا " ابن القارح " ، فأنا بدعي ربنا ليل نهار إنه يقويني على نفسي ويغلبني على شهواتي ، وبدعيه إنه يخليني أتعلم من الدروس اللي الحياة بتديها لي . لكن للأسف أنا فكري مشغول بالمشاكل اللي كاتمة على صدري ، ورغبتني في الدنيا اللي مش لاقني حد يساعديني في البعد عنها . فين العقل والعلم عشان نفهم حقيقة الدنيا؟ يعني احنا مطنشين على كل القرف اللي بيحصل في الدنيا وطالعين نجري على سعادة هشة وسطحية بتدل على إن الأسوأ لسه جاي ، زي " كثير " لما قال :

كأنني يوم ما بعدت الدنيا عني كنت بنادي . . . على صخرة اتطرشت ، لا
بتسمع ولا بترد عليا

وأنا ، على رأي " كثير " ، مستغرب الحياة اللي ما بتعديش لحظة فيها من غير ما تبكيني ، وما فكرتش فيها مرة إلا واتغميت وركبني النكد ، ولا بتوفي بوعد ولا بتسهل الطريق للي عايز يروح لها ، ومحدش حاول يثق فيها

مرة إلا وخذلته. اللي فاكرين إنهم ملكوا الدنيا، مخدوش في الحقيقة غير الظاهر، لكن الغنى اللي بجد هو زهد الفقرا في الدنيا. ما أنا ياما شفت إيام زي الفل، الشمس الجميلة، والجو الرائع، والضحك اللي ما بيبتلش، لكن إزاي؟ لازم الدنيا تبخل علينا بكل دا وتأخده مني، ويتقلب اللوش البشوش لوش حزين كتيب ونفترق بعد ما كنا روح واحدة. ويا عيني على اليوم اللي هموت فيه وأنزل القبر، واكتشف ساعتها إن ضيعت عمري في تفاهات بدل ما كنت أعمل اللي المفروض أعمله فعلا. وكل ما أفكر بيت "ابن الرومي" اللي يقول:

يعني انت متروح من الشيخوخة فين... فاتصرف كويس دلوقتتي أحسن
من بعدين

أقلق وأعيط، بس من غير فائدة، فأبكي على حالي وأقول:

لساني يقول كلام ما بنفدهوش... وقلبي عايز حاجات ما بعملهاش
وعارف طريقتي وما بروحهموش... وأعرف حاجات، وحاجات تانية
معرفةش

في مرة عرضوا عليا كاس، فرفضت وقتلهم سيبوني في حالي أشرب
الخمرة المطبوخة اللي علمهالي الشيخ "الأوزاعي"، وقتلهم: فكرتوني لما
"إبراهيم ابن المهدي" عرض علي "محمد ابن حازم" خمرة، فرفض وقاله:

يعني عايزني بعد الشيبية تطلع مني العيبة؟ والشيبية والجهل ما يجتمعوش

يعني يبقى سني وشعري الأبيض وكمان الجهل، مع بعض كلهم ما

ينتموش

وأنا صغیر آه كنت مقضيتها حريم وما بعتمش

لكن عايزني دلوقتتي أنا أشرب والناس حواليا حتى الحج ما بينوتوهوش؟

وساعات بقعد أكلم نفسي وأقولها: ربنا بيديك فرص كثير والمفروض
يكون عندك دم وتقدر دا. نفسي أبقي زي الأطفال، كل اللي محتاجه يجي لحد
عندي من غير حتى ما أطلبه، وأي شر يبعدوه عني من غير ما أعمل أي
حاجة. ما سمعتش النبي صلى الله عليه وسلم وهو يقول: "يا رب ارزقني
واحميني زي الطفل الصغیر اللي لا عارف هو عايز إيه ولا الناس عايزه منه
إيه". وأسأل نفسي: لسه عندك أمل تعيش حياة طويلة؟ طب حضرت
نفسك لرحلتك الأخيرة؟ لو نفسك تلحقك مكان في الصفوف الأولى يبقى
لازم تشتغل من دلوقتتي. بس ما هو بعد كدا بترجع تشكي لو ربنا منعك من
شهواتك عشان خايف عليك، النبي قال مرة: "اللي ربنا يجبه بحميه من
الدنيا"، وانت بشتكي لو حماك، ومش عايزه يجلي باله منك، وانت ملكش
غيره، المفروض تروحله، مش تهرب منه. يارب يا اللي انت ما بتحتجش
لحد والكل ليك محتاج، ومخدش له غنى عنك، ارحمني. لما جبريل سأل سيدنا
إبراهيم: "مش محتاج حاجة؟" قاله: "مش منك انت، من ربنا". ويقول
لنفسه: انت اللي محتاج تطييعه وتسمع كلامه، سيب نفسك ليه عشان
ترتاح، هو مقلب القلوب وكل شيء في إيده:

ليه تقسى على اللي مهما عملت بيحبوك،
واللي لو نسيتهم، هما يفتكروك،
واللي مهما بعدت عنهم عمرهم ما سابوك؟

يعني تبعد عن اللي لو نسيتيه ونسيت ذكره، وما نغذتش أوامره،
ومعملتش اللي يرضيه، دائما هيفضل بابه مفتح حلك لأنه قال: "وإذا سألك

عبادي عني فأني قريب؟" يعني ربنا أول ما ينولك اللي نفسك فيه تسيبه وتمشي: "وإذا أنعمنا على الانسان أعرض ونأى بجانبه". ولما ربنا يسألك: "انت باللي الغلط راكبك من ساسك لراسك، إيه اللي مفرعتك ومخلبك تفتكر إني هصبر عليك؟"، فترد وتقول "حلمك وصبرك عليا يا رب"، ويرد عليك ربنا: "لولا صبري عليك، لكنت بعنتك أصغر حشرة تعذبك لغاية لما ترجعلي نادم".

كك يا دنيا الحقيني وخدي بإيدي قبل ما من كتر عشقي أغرق في البحر

أنا عبدك، فخليكي زي الناس اللي لما ترضى عن عبدها تحرره من الأسر

كان فيه واحد في بغداد راسه كبيرة وودانه عاملة زي ودان الفيل اسمه "فاذوه". الراجل دا ما سبش معصية إلا وعملها، فالتاس تقوله: "يا فاذوه توب لربنا"، فيقولهم: "واتو تدخلوا ليه بيتي وبين ربنا، هو ربنا اللي بيقبل التوبة ولا اتنو؟". المهم، الراجل دا كان ما شي في يوم في شارع أوله واسع، وآخره ضيق أوي، في اللحظة اللي كان ما شي فيها في آخر الشارع، كان فيه واحدة ست بتناول جارتها إيد هون، ففلت منها ووقع على دماغ فاذوه هرسه، وبقت دماغه عاملة زي الهريسة، ومات قبل ما يلحق يتوب لربنا، وبقي الناس تقول ربنا يكفيننا شر موة "فاذوه".

وقال سيدنا جبريل مرة في حديث: "خفت إن فرعون" يقول الشهادة ويتوب، فخذت حته من طين البحر وحذفتها في وشه عشان يتلهي ومايقولش الشهادة". بس أنا بصراحة مستغرب من تصرف جبريل دا عشان اتصرف من دماغه ومنع "فرعون" من التوبة لو كان عايز يتوب.

(٦)

تصليح صورته قدام "المعري"

وصلني إن أستاذي ومولاي الشيخ المعري، لما حكوله عني قال: "سمعت عنه قبل كدا، مش دا اللي هجا ابن صاحبه الوزير والشاعر والسياسي "أبو القاسم المغربي"؟" وأنا خايف لتفهمني غلط وتأخذ عني فكرة إني راجل شرير وبشتم في الناس الطيبة، عشان كدا أنا هحكيلك الموضوع من طقطق لسلامو عليكم.

أنا كنت في حلب بدرس عند أستاذ النحو السيد "أبو عبد الله ابن خالويه"، الله يرحمه، وكنت بروح أقعد ساعات مع الوزير "أبو الحسن المغربي" أبو "أبو القاسم". لما مات "ابن خالويه" سافرت ببغداد وقعدت في بيت أستاذ النحو "أبو علي الفارسي" وفي نفس الوقت درست عند علما ء كثير زي "السرافي"، و"الرماني"، و"المرزباني"، و"الكتاني"، و"ابن مجاهد". وكتبت هناك حديث الرسول صلى الله عليه وسلم، لغاية لما تعبت من كتر التعليم، فرحت على مصر، وهناك قابلت صاحبي "أبو الحسن المغربي" تاني وفضلت ملازمه زي ضله، وهو بصراحة كان

بيعاملتي زي الإخوات وأحسن. في يوم قالي سر، قالي: "أنا خايف على
"أبو القاسم" ابني، خايف عليه لطعمه يوديه في سكة آخرها وحش، فلو
تقدر تراقبه وتقولي حتى عدد أنفاسه اللي اتنفسها، يبقى عملتلي جميل
عمري".

وفي يوم قابلت "أبو القاسم" فقالي:

- الواحد زهق من الحياة المملة دي.
- حياة إيه اللي ملة؟ ما انت بتاخد من أبوك كل سنة ٦ آلاف دينار، دا غير
إن أبوك من أعيان البلد وسمعته زي الفل.
- بس أنا عايز كل حاجة تبقى ملكي، كل حاجة، الخدم والحشم
والخيول، كله، لكن هما بيعاملوننا زي العيال والنسوان.

فقلت لأبوه على الحوار دا، فقالي: "ياخوفي ليكون الدم هو آخرة
طريقه". فعرف "أبو القاسم" إني حكيت لأبوه على حوارنا فزعل وبقى
بيني وبينه خلاف.

في نفس الوقت اللي كنت فيه في مصر، كان القائد العام للجيش
"الحسين ابن جوهر الصقلي" شرفني بإني أكون في خدمته. وعرفت وقتها
إن الحاكم بأمر الله كان كل ما يقطع راس واحد من الرؤساء التانيين، كان
ييعتها لـ "الحسين الصقلي" ومعها رساله بتقول: "دي راس عدوي
وعدوك". لما عرفت الحكاية قلت لـ "الحسين": "بكرة هيجي عليك
الدور، فمتأمنش للزمن". كان وقت الحج وقتها، فاستأذنته ورحت على
مكة سنة ٣٩٧ هجري (١٠٠٧ ميلادي)، وقعدت هناك ٥ سنين ورجعت
على مصر، ولما رجعت عرفت إن الحاكم بأمر الله قتل "الحسين". ساعتها

ولاده جولي في السر عشان عساكر الحاكم بأمر الله كانت مراقبهم،
للله عليهم: "أحسن حاجة تعملها دلوقتي هي إننا نهرب من هنا، أبوكو كان
شاغل في بغداد وديعة بـ ٥٠٠ ألف دينار، فاهربوا وأنا معاكو" وفعلا
هربنا، بس بعد كذا وصلني خبر قتلهم في دمشق، وأنا كنت ساعتها في
طرابلس. رحنا أنطاكية، ومنها على "ملطية" في تركيا وقابلت هناك
"شولة بنت سعد الدولة" فقعدت عندها كام يوم لغاية لما جاني جواب من
"أبو القاسم المغربي" بيقولي فيه تعال تقابل في حنة اسمها "ميفارقين"،
أشهر مدينة في "ديار بكر" في جنوب تركيا. فرحت بس ندمت بعدها رغم
إن هو قابلني كويس في الأول، بس بعدين قالي:

بقالنا كثير ما شفتناش بعض.

خير، عايز إيه؟

ولا حاجة، عايز ألعنك.

طب ما كنت تلعني في غيابي.

لا، في وشك ليها طعم تاني أحلى.

وليه أساسا عايز تلعني؟

عشان ما وقفتش في صفي ورحت فنتت عليا عند أبويا.

ويهون عليك تلعني رغم إن أنا وانت اتولدنا في نفس البلد، وأبوك

رباني، وأنا رببت اخواتك؟

ولا يسوى عندي أي حاجة الكلام دا، البلد وأهي أرض وأربع حيطان،

تربية أبويا ليك مجرد حسنة ومنة مننا عليك، وتربيتك لاختواتي كنت

بتاخد عليها فلوس، مش بالمجان.

كنت عايز أقوله : " عيشتك الكويسة دي بفضل تعب أهلك اللي أخلاقهم وسمعتهم زي الجنيه الذهب " بس خفت ليجن جنونه عليا ، وهو أساسا زعله وحش وجنونه غبي ، وعلى رأي الشاعر :

جنونك مجنون ومتجيب منين . . . حد يعالج جنون جنونك؟
ولقيته فجأة يرقص وفكرني ببيت الشعر اللي يقول :

دا جنونه راكبه عفاريت ، وإن كان حتى العفاريت أعقل منه
وهنزوح بعيد ليه ، ما هو مرة قالي :

- أنا عايز أجمع أوصاف الشمعة السبعة في بيت واحد ومش عارف .

- أنا أعملها لك دلوقتي لو عايز .

- طب وربنا شطارتك .

فخذت القلم وكتبت وهو جانبي :

والشمعة شبيهي في حبي وكل اللي بيحصلني وكل ظروف حياتي
بترفع وتتحرق وبتختفي ، ووحيدة ، ومصفرة وبتدمع وعينها سهرانة

ليلاتي

فاتفاظ وقالي :

- انت البيت دا كتبه قبل كدا .

- انت اللي مضايك إنني عندي سرعة بديهية ، وفاكر وكايني عندي علم
بالغيب وعارف إنك في يوم هتسألني السؤال دا . طب انت مش فاكر لما
أبوك خلاني أنا وانت و"البيتي" و"المحسن" نتسابق على كتابة شعر؟ وقال

اللي هيفوز هيعلق شعره عنده في البيت وأنا اللي فزت وأبوك عجبه سرعة
بديهتي وجودة الشعر بتاعي ، وعلقه عنده في البيت وإداني الجائزة .

" أبو القاسم " كان راجل ييمل بسرعة أوي ، وبيشيل في نفسه ويرقد
للناس . بس مرة واحد قالي :

على فكرة بقي ، انت بقى اللي شخص حقوق ، مش " أبو القاسم " .

انت ما تعرفهوش ، والله العظيم دا واحد مفيش خير يجي من وراه أبداً .
كل أفكاره شريرة وعمره ما صان حقوق حد . براوي ومش ودود ،
مغرور وراسه في السما . وأنا مش عايز أصلح واحد زيه ، أنا خلاص
أساسا شلت اسمه من دماغي خالص ، وكل اللي كان بينا خلاص راح .
فيه ناس بنت حلال تفضل معاك مهما حصل ، لكن خلاص الواحد
مفهوش نفس يقضي اللي باقي من عمره مع ناس زيه .

ورحت قايل للراجل بيتن أعنذله فيها عن قطع علاقتي بـ " أبو
القاسم " :

أنا لو كنت شفت منه خير . . . كنت قلت معلىش أهو خير يشيل شر
وكنت صبرت وقلت ما شي الحال . . . لو مكنتش عنده لا خير ولا شر
لكن دا كتلة شر مفهياش خير . . . ومفيش على كل الأذى دا صبر

وربنا يشهد إن كرهني لـ " أبو القاسم " حي أو ميت كان عشان هو
سيطر على كل خير الكعبة ، ودهبها وفضتها ، وحولها دنانير ودرهم
وسماها " الكعبية " ، وكمان عشان سرق " الرملة " اللي في فلسطين من

العرب، وعشان خرب بغداد. ومش عايز أتكلم عن كمية الدم اللي سالت بسببه، والسنتات اللي استحلهم لنفسه، والسنتات اللي رملها، والعيال اللي يتمها.

(٧)

بيمجد في "المعري" وبيشكره ثاني

أنا آسف يا شيخنا عشان طولت عليك في الموضوع دا، وإن كان أولى بيا إني أستغل وقتي في إني أشكرك وأشكر فضلك على كل الناس بأعمالك الرائعة اللي بتنور للناس طريقها زي الشمس في النهار والقمر بالليل. انت أعمالك المفروض تتحفظ وتتخلد زيها زي أي أعمال عظيمة ثانية. يعني أنا لما بكتبلك سواء شعر ولا نثر، كإني بحط نقطة مية في بحر. انت يا شيخنا عليك أسلوب في الكتابة بديع ومفهوش غلطة، ومريدك بيزيدوا كل يوم أكثر من اللي قبله.

أنا كنت سمعت شوية من رسايك، ووالله ملقيتهاش وصف من روعتها، ولو وصفتها يبقى ظلمتها. وربنا يشهد أنا اتمزجت وأنا بسمعها قد إيه ولا كإني بسمع موسيقى. دي الرسايل مكتوبة بطريقة في غاية الجمال، وفوق كل دا يا شيخنا، لا ينتقل من كتب ولا من مراجع، لكن كله في ذاكرتك. أنا أعرف علماء كبار، ومنهم النحوي "ابن خالويه" نفسه، ما بيكتبوش كلمة غير لما يرجعوا للكتب وللمراجع عشان خايفين لبلغطوا في أي حاجة.

ربنا يحفظك ويحميك . لكن اللي أنا مستغربه فعلا ، هي ذاكرتك الحديدية دي . يعني يا شيخنا انت من الناس القليلين اللي ربنا أنعم عليهم بحفظ أسامي رجالة كثير بأسماء أعمالهم وحكايتهم ، دا غير حفظك للشعر . والناس لما تسمع حكاية الحفظ دي تفنكرها حاجة سهلة كدا وإن أي حد يقدر يعملها ، بس محدش يقدر يعمل كدا إلا قليلين أوي .

"أبو علي الصقلي" النحوي قالي لما كنت في دمشق : "كنت قاعد مع ابن خالويه" النحوي ، ودخل عليه واحد جايبه شوية أسئلة في اللغة من "سيف الدولة" ، فلقبت الراجل اتوتر وقام دخل مكتبته وطلع كتب اللغة ووزعها على اللي قاعدين معاه عشان يدوروا فيها على إجابات للأسئلة "سيف الدولة" . سبته ورحت لأستاذ اللغة "أبو الطيب" وكان برضه قاعد في مجلس علم ، وجاتله نفس الأسئلة من "سيف الدولة" ، وبنفس القلم اللي كان في إيده ، قعد يجاوب على الأسئلة فوراً .

"أبو الطيب" نفسه كان بيقول إنه حفظ كتاب "الفصح" و"إصلاح المنطق" عشان يقرأهم قدام "أبو عمر" ، و"أبو عمر" قال إنه كان بيكتب الملاحظات اللي بيقولها أستاذه "ثعلب" على خزف ، ويقعد عند نهر دجلة ، واللي يحفظه يرميه بعد كدا في النهر .

أما أنا فقضيت نص عمري أتعلم وأحفظ ، والنص الثاني قضيته في اللعب . أصل أنا درست في بغداد وأنا شاب ، وبعدين رحنت على مصر ، وهناك سبت الحبل على الغارب لشهواتي ورغباتي الدنيوية ، وقضيت كل وقتي أستمتع بالحياة ، بعد ما كنت بقضيه في التعليم ، ونسيت إن شرف الإنسان ونبله هو العلم .

يعني زمان كنت بكتب ٥٠ صفحة في اليوم وأقرأ ٢٠٠ ، دلوقتي لو كتبت ورقة واحدة بس عينيا تهرشني وتوجعني أوي ، ولو قرئت ٥ ورقات هبها بتوظ خالص . وبعدين عدت عليا فترة مكنتش حد ، وأنا منهم ، بيهتم لا بالعلم ولا بالتعليم ، لكن بجمع الفلوس ، وبعد ما كانوا بيشبهوني بـ"إياس" القاضي في ذكاؤه وعلمه ، بقيت عامل زي "باقل" في كسله . وبقيت لو أحط كتاب على يميني أدور عليه على شمالي . وأنا عايز أشتغل وأكل عيش ، بس بقيت معدوم العافية ، ضهري محني ومش قادر أفرد طوللي ، وكل ما أقعد ، مؤخرتي توجعني وكإني قاعد على دمل ، ولو مشيت كان كل جسمي اتملئ دمامل . لسه معايا حبة فلوس من الثروة اللي عملتها ، ياريتي كنت الأقي حد ثقة أديله الفلوس اللي باقية ويديني منها اللي يعيشني لغاية لما أموت ويريجيني من الحركة ووجع الدماغ ، وأكدد ممكن الأقي حد أديله الفلوس ، المشكلة إنه مش أكيد هيرجمهالي .

زي الحكاية إياها بتاعة الراجل اللي ساب الجارية بتاعته أمانة عند واحد صاحبه لغاية لما يرجع من السفر . فصاحبه دا قال لواحد تاني : 'الناس خلاص ما بقاش عندهم أمانة ، واحد صاحبي سابلي الجارية بتاعته على أساس إنها عذراء ، وجربتها لقيتها مش كدا' .

طلب اسمع الحكاية الظريفة دي . كان ليا بنت أخت سرقت مني ٨٣ دينار ، فهددها السلطان بإنه هيعاقبها ، فرجعت جزء من الفلوس وقالت : 'لو أعرف اللي فيها ، كنت قتلت خالي أحسن' .

أ واحد مشهور جدا بكسله لدرجة إنه مرة اشترى غزالة با ١ دينار ، وهو راجع في الطريق ناس قابلوه وسألوه اشتريتها بكام ، وعشان هو كسلان حتى يتكلم ، فتح إيديه الاتنين وطلع لسانه برة ، فهرت منه الغزالة .

والله يا شيخنا لولا عجزني وضعفي كنت سافرتلك، واتشرفت بمقابلتك والقعاد معاك، وسمعت محاضراتك، وإن كانت الذاكرة مش مساعداني خلاص إني أحفظ أي حاجة واستولى النسيان عليها، وقلبي بقى مشغول بالهموم والأحزان. وأنا بشتكي لربنا مش منه، وما ينفعش أساسا ولا هو من الحكمة إني أشتكى اللي برحم للي ما برحمش. وكان الصوفي "أبو بكر الشبلي" يقول: "مش هتلاقي حد غير ربنا، ولا هتلاقي خير غير عند ربنا" وقال كمان في يوم: "يا جواد" وبعدين سكت كدا، وقعد يفكر شوية وبعدين قال: "إيه الوقاحة اللي أنا فيها دي، إزاي تجيني الجرأة أناديك باسم بينادوا بيه عبادك أحيانا، زي ما قالوا قبل كدا عن عبدك:

والله لو مكنتش فاضل غير روحه لادهالهم عن طيب خاطر، فياريت اللي ببساله يتقي ربنا فيه

أو زي اللي قالوا فيه:

لو جيت تطلب منه حاجة تلاقه مسوط... وكأنك انت اللي ادبتله اللي هو عابزه

عشان كدا هقولك: يا رب يا جواد فوق كل جواد، ياللي بكرمك انت خليت الناس الكريمة كريمة".

مرة "هارون الرشيد" طلب من الزاهد "ابن السماك" إنه يعظه وينصحه، كان "هارون الرشيد" ساعتها معاه كوز مية في إيده هيشرب منه، فقال "ابن السماك":

استنى يا أمير المؤمنين، تعمل إيه لو ربنا سلط عليك واحد قوي وقالك مش هتشرب المية دي إلا لو ادتني نص ملكك؟ كنت هتعمل كدا فعلا؟

أه، كنت هديله نص ملكي.

طيب اشرب بالهنا والشفا.

وبعد ما شرب هارون الرشيد، "ابن السماك" قاله:

طيب تعمل إيه يا أمير المؤمنين لو نفس الشخص قالك إنك مش هتخرج المية اللي شربتها دي إلا لو ادتني ملكك كله، كنت هتعمل كدا؟

أه، كنت هعمل كدا.

طيب اتقي ربنا بقى في ملك ما يساويش إلا بولة.

(٨)

بيشتكي من ضعفه وقلته حيلته

وأنا إزاي بس أشتكي من ربنا اللي آواني وأكلني فوق السبعين سنة؟ لما تولدت، ربنا رزقني بأب وأم في منتهى اللطف والحنية والرقه، ولما بقى عندي ١٢ سنة وبقيت يتيم، ربنا تولاني برحمته وعمره ما حرمني من حاجة ولا جوعني ولا عراني، "والذي هو يطعمني ويسقين"، وسيدنا إبراهيم كمان قال بأدب: "واذا مرضت فهو يشفين" فنسب المرض لنفسه رغم إن النبي آدم ملهوش يد في المرض، زي ما هو ملهوش يد في حاجات كتير زي النوم والصحيان والضحك والبكا والفرح والحزن والخصوبة والعقم والغنى والفقر. كل دا من ربنا، وربنا مش بيستخدمها كتهديد ولا كعقاب. بس برضه فيه حاجات احنا لينا يد فيها، يعني مثلا محدش يتوقع من واحد بيكتب كتاب إنه هيقوم الصبح يلاقي نفسه بنى بيت، والعكس صحيح، ولو مثلا برضه واحد إيدته بترعش، طبيعي إنه ميعرفش يتحكم فيها، والعكس صحيح.

كنت مرة في حنة اسمها "تنيس" جنب دمياط في مصر، وكان قاعد قدامي واحد عمال يقرأ قرآن وصوته معيط، فيقول: "يوفون بالنذر ويخافون" ويمعيط، ففكرت بيني وبين نفسي إن أنا ش من الناس الكويسة

دي، موعدتش أساسا رينا بحاجة عشان أوفيها، عشان كدا ما يخفش، ولو كنت خفت، كنت قضيت حياتي كلها قلقان. ويمكن كان المقروض هو دا اللي يحصل.

مرة شيخ زاهد بيق فيه قالي: "كنت مع المتصوف أبو بكر الشبلي" في بغداد، فشفونا راجل بيشوي خارج من القرن بخروف صغير متحمر ومشوي شبه التمر المستوي، وجنبه كان فيه حلويات شهية أوي، فوقف "أبو بكر" يبصلهم، فقلتله يا مولانا خليني أشترى حته من الخروف وشوية حلويات وعيش، وأنا ببتي قريب، وتشرفني النهاردا وترتاح عندي وتاكل معايا. فقالي: انت فاكر أنا نفسي فيهم؟ أنا بس كنت عمال أفكر إن الحيوانات كلها ما بتدخلش النار إلا بعد ما تموت، لكن احنا بندخلها واحنا عايشين".

ودا فكرني ببيت الشعر:

يارب سامح الشيخ العجوز اللي شكله من خوفه من النار بقي من المجانين
دا طول عمره يباعد عن الحرام حتى من قبل ما يعقل ويبقى عنده دين

(٩)

نهاية الجواب

وبكدا تبقى تمت الرسالة والحمد لله على أفضاله، وألف صلاة على النبي وعلى أهله أحسن الناس كلهم.

يا دويك الخبر خلص من هنا وحسيت إن أنا فيا حاجة مش مظبوطة. أنا آسف لو فيه أي خطأ أو غلطة حصلت مني، والغلط يتصلح ويتغفر لو اللي عمله نيته صادقة فعلا في كدا ويحاول يتفاده، وانت عارف إن الكمال لله وحده، وزى ما قال "عمر ابن الخطاب": "يا رب ارحم واغفر اللي بيحاول يوريني عيوب عيشان أتفادها".

وأنا بطلب منك يا شيخنا، ربنا يدوم عزك، إنك ترد على جوابي دا. فعلى الرغم من الأخطاء اللي ممكن تكون فيه لكن أنا حسيت إن الجواب سواء وأنا بمليه على اللي كتبه أو وأنا بسمعه تاتي لما قرأه عليا إنه مش بطل. دا كفاية بس إنه اتذكر فيه اسمك واتشرف بذكرك فيه.

والرسالة التي كتبها "الزهري" ليا هي السبب اني رحمت حبيب،
ولو رديت عليا، هنشر جوابك إن شاء الله في حلب وفي مدن ثانية.
وصلى الله على سيدنا محمد وعلى آله وسلم.

رسالة الغفران لأبو العلاء المعري

بسم

بسم الله الرحمن الرحيم

(١)

بيسلم على ابن القارح

يارب سهلها علينا وأعنا،

يعلم ربنا اللي من أسماءه "الجبر" يعني الملك، واللي جاي منها اسم
الملاك "جبرائيل"^٢ يعني عبد الملك، إن أنا في بيتي شجرة ميتة لدرجة إن
حتى التعابين مش عايزة تسكن فيها، ومع ذلك لسه بيطلع منها ورد،
والمعجزة دي أكيد من كراماتك يا مولانا الشيخ الجليل، ربنا يا رب يبعد
عنك العدوین. وأنا شايل في قلبي حب كبير ليك يا شيخنا - ربنا يعمر بيتك
- ولا حب الحية لعيالها، اللي مش فارقة معاها بقي إذا كان عيالها سامين
ولاً.

² كلمة جبرائيل دي عليها حكاية طويلة، فيه ناس بتقول إنها متقسمة لجبر يعني عبد، وإيل يعني
الله فيبقى معناها "عبد الله" وناس تانية بتقول إن جبر يعني الملك أو الله، وإيل يعني عبد، فتبقى
برضه عبد الله، ويبدو إن المعري استعمل التفسير الثاني.

والله لو كان قلبي يقدر، كان سافرك يا شيخنا يا ابن القارح،
ومكنش همه أي تعب ممكن يشوفه. وأنا مجاول دائما أحكمه على قد ما
أقدر، لكن مفيش فايدة. وقلبي بيفرح بذكرك في حضورك أو في غيابك زي
ما كان الشاعر "سحيم" بيفرح بحبيته "عميرة" أو زي الشاعر "نصيب"
وحبيته "سعدى".

أنا وصلتني رسالتك اللي مليانة ببحر حكم ومواعظ، واللي هيقراها
أكيد هيستفيد منها عشان بتؤمر بشرح الله ويتعيب على الناس اللي بتمسك
في الفروع والشكليات ويتسبب الأصل. وأنا بصراحة انبهرت بأسلوبها
وبجمالها وبطريقة كتابتها الحلوة، والرسائل اللي من النوع دا تشفع للواحد
وتنفعه، وتقربه عند ربنا وترفعه. ولقيتها بادية بتمجيد الله من واحد بليغ
وعارف هو بيبكتب إيه. وربنا قادر يحول كل حرف من حروفها لنور يبعد
الكذب عن الناس، وربنا برضه قادر يرحم ويفقر للي كتبها ليوم الدين. أو
يمن ربنا، سبحانه وتعالى، يخلي سطورها تنقذ الناس من الجحيم وتبقى
عبارة عن سلالم من فضة وذهب تستخدمها ملايكته عشان تطلع له الكلام
الحلو دا، بدليل الآية: "إليه يصعد الكلم الطيب، والعمل الصالح
يرفعه". والحكمة الطبية اللي في رسالتك زي ما تكون هي المقصودة لما ربنا
قال: "ألم تر كيف ضرب الله مثلا كلمة طيبة كشجرة طيبة أصلها ثابت
وفرعها في السماء، تؤتي أكلها كل حين بإذن ربها".

ورسالتك مليانة كلام ربنا راضي عنه. أنا حاسس وكإن بسبب
رسالتك دي، ربنا إن شاء الله غرسلك شجر فواكه حلوة وكل شجرة ضلها
واسع وكبير من أول شرق الأرض لغربها. ودي مش زي شجر "ذات

النواط" اللي كانوا بيعلقوا عليها أسلحتهم ويعبدوها في الجاهلية، حتى
فالوا مرة للنبي: "ماتعلنا شجرة" ذات النواط" زيهم عشان نعبدها"
وبرضه زي ما قال الشاعر:

ربنا هو اللي بينصرتنا على عدوينا... بحق ما رفضنا نعبد "ذات النواط"

الشجر بتاعك بإذن الله هيقى الولدان المخلدون قاعدين قائمين في
ضلها، ويقولوا: "أحنا والشجر دا هدية من ربنا لـ"ابن القارح"،
وهفضل هنا لغاية يوم القيامة". وهيبقى عند الشجر دا أنهار مية الحياة،
ويعدي عليها ويسقيها نهر الكوثر، اللي ياخذ منه شربة ما يمتش أبدا،
ويفضل قاعد هناك مستمتع طول عمره. وكمان أنهار لبن واسعة،
مينغبرش طمها أبدا مهما طال الوقت. ومعها أنهار خمرة من نوعية
فاخرة. خمرة ما بتخلصش ومش ممنوعة ولا حرام، لكن زي الخمرة اللي
وصفها الشاعر "علقمة" وقال:

بتشفي المرض والصداع... ومتخلص الواحد يتوه ولا يتمب

واللي هيشرب منها هيستخد كاس ذهب، وأباريق ألماظ، من جمالها
كانت هتخلي الشاعر اللي كان يشرب كثير "أبو الهندي"، الله يرحمه، لو
شاهها يتكسف من نفسه لما قال:

"أبو هندي" عايز بيدل اللبن بنبيت نضيف... ومش خصمان وأباريق
ملفوفة في حرير

وتبقى رقبة الإبريق عاملة زي عرايس... البحر اللي انتضت من رعد خطير

و"أبو الهندي" رجل مسلم واسمه الحقيقي "عبد المؤمن ابن عبد القدوس"، ودول اسمين يستخدموهم المسلمين كثير، وأنا ما ذكرتش بيتين الشعر يتوع الخمرة دول إلا عشان أنا عارف إن "أبو الهندي" راجل مثقف وفصيح. بس لو فعلا "أبو الهندي" بيّفهم في الشعر، المفروض يعرف إن كدا وزن البيت مش منظوم، إلا لو كان خلى آخر الأبيات عليها سكون، يبقى ساعتها ممكن تمشي.

وكمّان الشاعر "أبو زيد" لو كان شاف الأباريق دي، كان حس إنه ما يسواش حاجة، وكان اتريق على نفسه لما قال:

ورقة الأباريق طويلة كأنها . . . طيور متغطية بقماش كتان أبيض

ومش هتبقى بس أباريق، لكن أباريق شايلها أباريق، وأباريق الأولى يعني أباريق عادي، لكن الثانية يعني جوارى، عشان زمان كان يقولوا على الجارية إبريق من كتر ما هي بتريق من الجمال، وساعات برضه إبريق بتيجي بمعنى سيف عشان بيلمع، وزي ما قال الشاعر "سعید ابن مسعدة":

حتة "إبريق" دلوعة، طعم ريقها . . . ولا الشهد اللي ممزوج مع النبيت الأخر أو الثاني اللي قال:

انت خلدت "الإبريق" وعلقت جعبة السهام . . . عشان تموت واحد كان في يوم غني أوي

ولو كان شاف الأباريق دي "علقمة" المسكين كان زمانه اتفزع وأنجن، لكن يا عيني هيشوفها فبن وهو تلاقيه دلوقتي بيتقلب على الجنين

أبريقهم ولا كانه غزال شارد . . . متغطي بقماش طويل من الكتان

الأبريق أبيض وخمرته حمرا . . . وريحته جميلة وبطعم الريحان

نظرة واحدة لأباريق الجنة دي أحسن من كل الدنيا باللي فيها، الدنيا اللي بتخدع الناس ودايما بتنزل العالي على جدور رقبته.

ونفس الحكاية كانت هتحصل لـ "عدي ابن زيد" اللي لو كان شاف أباريق الجنة كان اتلهي عن الشرب والصيد، وكان اعترف بنفسه إن كل أباريق الخمرة بتاعته وكل اللي شربه وكل صحابه اللي شرب معاهم ما يساوش ذرة تراب.

أنا كنت ما شي مرة في مكان اسمه "مدينة السلام" في بغداد، فسمعت واحد من اللي بينسخوا الكتب يبسأل عن قصيدة لـ "عدي ابن زيد" اللي أولها بقول:

حواسي استعجالتني الصبح بدري . . . وقاتلني بعتب: مش هتصحى؟

وشربت خمرة الفجر اللي . . . جابتها لي الجارية في يمينها

والناسخ قال إن "ابن حاجب النعمان" ملقأش أي نسخة من القصيدة دي في أي ديوان لـ "عدي". بعدها بشوية سمعت راجل من "أستراياد" في إيران، بيقرأ القصيدة دي في ديوان لـ "عدي" مكتش موجود نسخة منه في مكتبة دار العلم اللي في بغداد.

أما الشاعر "الأقيشر الأسدي" ، فدا حظه أسود ومش هيشوف خير في حياته ولحد يوم القيامة لؤيه قال، وهيندم على اللي قاله يوم ما جلده يتهرى في جهنم:

فلوسي وكل ما أملك راح من كتر . . . خبط الكاسات في أبقاق الأباريق

فين هو دلوقتي؟ كل حياته ضاعت في الخمارات، لو كان شاف أباريق الجنة كان عرف إنه تضحك عليه وإنه فرح بحاجه ما تفرحش.

أو الشاعر "إياس ابن الأرت" اللي قال:

وكان أباريق الخمرة بين اللي بيشرىوا . . . وز على حافة المية عاوج راسه

و"الحجاج" الله يرحمه، اللي عرف يجمع كل حاجة عن الخمرة في بيت واحد. فينه دلوقتي لما قال:

تطف على قد ما قدر من العنب . . . وخباها وخرها سنتين واستني على بال

مايقت حمرا، وقوية، وتقبة، وساقمة . . . وخططها بأنقى مية: مية الجبال

أنهار الجنة هتبقى مليانة على جوانبها كاسات معمولة من جواهر وياقوت ملون أصفر وأحمر وأزرق، بيلمعوا للدرجة إن الواحد يحس إنه لو لمس هيتحرق، زي ما قال "الصنوبري":

شكله منور وييلمع للدرجة . . . إنك تخاف تقرب منه

وبيعوم في الأنهار دي أواني على شكل طيور مختلفة: اللي على شكل بجم، واللي على شكل عصفور صغير، واللي على شكل طواويس أو بط،

حبة منهم في المية، وحبة منهم على الشط، ويخرج من مناقيرهم حمرة، رقيقة أوي للدرجة إنك تفكرها مش حقيقية، لو داق منها حبة صغيرين الشاعر الحمورجي "أبو نواس" كان بصم بالعشرة إنها أنقى حمرة شربها في حياته. ولو داقها كل الشعرا الجداد والقدام اللي اشتهروا بوصف الخمرة، كان عرفوا وشهدوا. إنهم عمرهم ما داقوا زيبا أبدا، وكانوا أكدوا إنها أحسن من كل أنواع الخمرة بتاعة الدنيا زي "عانة" و"أذرعات"، و"بيت راس"، و"الفلسطية"، و"بصري"، أو حتى الخمرة اللي كان بيعمرها "ابن بجرة" واللي كان شايلها لوقت الحج، قبل ما يتحرم على الناس الشرب، زي شهوات كثير ما تحرمت عشان نرضي ربنا. "أبو ذؤيب الهذلي" قال عن حبيبته:

حتى لو كان عندها كمية الخمرة اللي عند "ابن بجرة" . . . برضه مكتتش هترضى تيل بقي ولو بيق صغير

وأحسن من كل أنواع الخمرة اللي عملوها من أيام سيدنا آدم واللي هيفضلوا يعملوها لغاية يوم القيامة.

أما أنهار العسل اللي في الجنة فمش النحل هو اللي عملها ولا كان مخبياها في شمع العسل. لكن دا ربنا القادر هو اللي قال لها: "كوني"، فكانت، وسبحانه هو القادر على كل شيء. ويا سلام على العسل دا وعلى طعمه! لو أي حد فضل يشرب منه على طول، عمره ما يمرض ولا حتى تطلعه فسفوسة في جسمه والدليل على كذا الآية اللي بتقول: "مثل الجنة التي وعد المتقون فيها أنهار من ماء غير آسن وأنهار من لبن لم يتغير طعمه وأنهار من خمر لذة للشارين وأنهار من عسل مصفى ولهم فيها من كل

الثمرات". دا لو كان الشاعر "النمر ابن تولب العكلي" قدر يدوق العسل
دا كان عرف إن عسل الدنيا، مقارنة بيه، أمر من الحنظل. مش هو اللي لما
اتكلم عن حبيبتيه "أم حصن" واللي كان بيعمله عشانها قال كلمة: عيش
بالعسل والسمنة؟ الله يرحمه، مات وهو مسلم ومقلش عن النبي غير حديث
واحد بس. المهم يعني الشعر اللي ذكر فيه حبيبتيه والعسل هو:

لما الدنيا وصحابي راحوا يناموا . . . جه على بالي خيال "أم حصن"
كنت يجيها كل اللي نفسها فيه . . . عسل مصفي وعيش بالسمن

وانت يا شيخ "ابن القارح" أكيد عارف حكاية "خلف الأحمر" اللي
كان قاعد مع صحابه في مرة وقالهم: تفتكروا لو كان "النمر" شال اسم
"أم الحصن" وحط بداله مثلا "أم حفص" كان ممكن البيت الثاني يتغير
إزاي عشان يكون على نفس الوزن؟ "صحابه معروفش يردوا عليه،
فقالهم: كان ممكن تبقى "عيش بلمص"، حاجة زي عيش بالكريمة كدا.
وأنا عمال أفكر البيت الثاني كان هيبقى شكله إيه لو مشينا على كل
الألفبائية، فمثلا لو كان اسم حبيبة "النمر" "أم جزء". ممكن يبقى: عيش
"بكشء"، يعني لحمه مشوية، أو عيش "بنس"، يعني حمرة أو طولة
العمر، أو اللبن اللي فيه مية كثير، وفي كل الأحوال المعنى مش هيبوظ لإنة
ممكن يكون بيدعملها بطولة العمر والعيش عادي ممكن يتعمل بلبن أو
بخمرة، حتى فيه ناس كانت بتقول إنهم شافوا ملك الروم بيعمس العيش في
الخمرة وياكل.

أو "أم حرب"، ويبقى البيت الثاني: عيش بصرب، يعني لبن رايب،

أو "أم صمت"، ويبقى: عيش بكمت، يعني تمر،
أو "أم شت"، ويبقى: عيش بيث، يعني تمر برضه،
أو "أم لج"، ويبقى: عيش بدج، يعني كتكوت،
أو "أم شح"، ويبقى: عيش بمح، يعني صفار البيض،
أو "أم دخ"، ويبقى عيش بمخ،
أو "أم سعد" ويبقى عيش بشعد، يعني رطب،
أو "أم وقد" ويبقى عيش بشقد، يعني ابن طير شبه الحمام،
أو أم عمرو، ويبقى عيش بتمر،
أو أم كرز، وتبقى عيش برز،
أو أم ضبس، ويبقى عيش بدبس، حاجة زي العرقي بس مش متخمر،
لكن مطبوخ،
أو أم قرش، ويبقى عيش بورش، ودا نوع من الجبنة،
وحرف الصاد انتقال خلاص في "أم حفص"،
أو أم غرض، ويبقى عيش بفرض، ودا نوع من البلح،
أو أم لقط، ويبقى عيش بأقط، يعني حبة،
أو أم حظ، هي الظاء عموما قليلة أوي بس ممكن نقول: عيش بكظ، يعني
عيش بيشع،
أو أم طلع، ويبقى عيش بخلع، يعني لحمه،
أو أم مبع، ويبقى عيش بصبع، يعني الغموس أيا كان: زيت أو خل أو
مرقة،
أو أم نخف، ويبقى عيش برخف، ودا نوع من الزبدة،
أو أم فرق، ويبقى عيش بعرق، يعني العضم اللي منشال منه معظم اللحمه،

ولو ربنا من على حد إن يروح عند الأنهار دي، كان هيلاقى سمك
المعده حلو حلوة مدقش زيبها في عمره، وساعتها كان "المتنبى" هيحتقر
الهداية اللي خدها وقال فيها:

أقل حاجة أقدر أوصفها بيها هي... سمك يلعب في بركة عسل

أنهار الخمرة بتاعة الجنة هيكون فيها سمك من كل الأنواع، بس
هناكون من ذهب وفضة وأحجار كريمة، بتبرق زي نور الشمس. ولو
المؤمن مد إيده وخلده سمكة منهم هيشرب من بقها ميه حلوة لدرجة إن لو
حبة صغرين منها وقعوا في أقدر بحر في الدنيا، كان هيجلو طعمه من أعمق
حالة فيه ولغاية أعلى حتة في موجه، وكان هيطلع من البحر كله ريحة ولا
أحلى برفان.

أو أم سبك، ويبقى عيش بربك، يعني عيش بالخلطة،
أو أم نخل، ويبقى عيش برخل، يعني نبات الخروف،
أو أم صرم، ويبقى عيش بطرم، يعني عسل أو ساعات بييجي بمعنى سمته،
وحرف النون اتقال خلاص في "أم حصن"،
أو أم دو، ويبقى عيش بجو، يعني جدي،
أو أم كره، ويبقى عيش بووه، يعني خرفان تخينة،
أو أم شري، ويبقى عيش بأري، يعني عسل.

ولو حبة صغرين من عسل الجنة اتخلط مع أي حاجة مرة خلقها ربنا
على الأرض لبقى كله مسكر وحلو ولا حلوة القصب، والناس اللي بتزوع
قصب كانت هتخسر شغلها، وكانوا الناس هيعملوا الكريمة والحلويات من
النباتات المرة.

ولو الدكتور والشاعر "الхарث ابن كلدة" داق عسل الجنة دا، كان
عرف إن عسل الدنيا اللي وصفه في شعره، زي الزفت مقارنة بيه، وأنا
قصدي على بيتين الشعر اللي قال فيهم:

والله لو جابولي عسل مصفى مخلوط... بمية نقية في عز ما أنا عطشان

مش هيبقى أحلى من طانتكم البهية... بس إزاي نتلاقى وامتى الحلو بيان؟

حتى العسل اللي ذكره "أبو ذؤيب الهذلي" مقارنة بعسل الجنة هيبقى
أمر من المرار نفسه، والبيت اللي قصدي عليه هو:

والله العظيم دا اتتو... أحلى من العسل

(٢)

المعري بيتخيل ابن القارح في الجنة

وأنا متخيلك يا "ابن القارح" ، لو ربنا إن شاء الله نولك الجنة بعد
لوتك الحقيقية دي ليه ، إنه هيقربك منه مع أدباء تانيين في الجنة ، زي :
"المبرد" و"ابن دريد" ، و"يونس ابن حبيب الضبي" ، و"ابن مسعدة
المجاشعي" ، لكن بعد ما يحصلهم اللي في الآية اللي بتقول : "ونزعنا ما في
صدورهم من غل إخوانا على سرر متقابلين لا يمسهم فيها نصب وما هم منها
مخرجين" ، فمثلا ساعتها "الشيبياني" مش هيكون شايل في نفسه حاجة من
"المبرد" ولا كأنهم "مالك" و"عقيل" مع "جذيمة" ملك الحيرة ، اللي
فضلوا معاه مش ييفارقوه ٤٠ سنة بحالها ، رغم إنه مكنش عايز يصاحب حد
أبدأ ورغم إنه قتلهم في الآخر وندم على كذا . وكمان "سيبويه" مش هيبقى
زعلان من "الكسائي" ، بعد الموقف اللي "الكسائي" عمله فيه لما الرشيد
عزمهم هم الاتنين فـ"الكسائي" طلع "سيبويه" غلطان في حاجة ، فأمر
"الرشيد" إن "سيبويه" يخرج من البيت وإدى "الكسائي" ١٠ آلاف درهم ،
فزعل "سيبويه" وقرر إنه ما يدخلش البصرة ثاني أبداً لغاية لما مات فعلا في
إيران . و"أبو عبيدة" قلبه هيصفى من "الأصمعي" وهيقوا أكثر من

الإخوات، وهتكمل نعمة ربنا عليهم، "والملائكة يدخلون عليهم من كل باب سلام عليكم بما صبرتم فنعم عقبى الدار"

وشيخنا ابن القارح هيكون بينهم، زي بالظبط ما قال "الأعشى" في القصيدة اللي أولها يقول:

وزعت عليهم عيدان ربحان . . . وقدمتلهم أحلى خمرة مززة ومشبرة
كل اللي بيتقدملهم يبشروه . . . والحلامين مستنين من صباعهم طرقة

وهيبي "أبو عبدة" عمال يحكيلهم عن أمجاد العرب وبطولاتهم، و"الأصمعي" هيقلهم أحسن الأشعار. وتهفهم نفسهم على اللعب، فرموا الكاسات في أنهار الخمرة وتضربها تيارات أنهار العسل، فتتخبط الكاسات في بعضها وتعمل أصوات عالية جدا تقدر تصحي بيها الأموات. وساعتها انت يا شيخنا هتقول: "ياعيني على "الأعشى"، كان نفسي قريش تسيبه في حاله ومانتعوش من إنه يروح للنبي ويسلم. وأنا افكرته دلوقتي لما الكاسات خبطت في بعض عشان قال في قصيدته:

خمرة باردة ورغوتها بتلمع . . . زي الورد، وريحتها تشرح القلب
شوية والكاسات المليانة تفضى . . . والرغوة تهدي رخبط في بعض
وصوتها العالي يسمع، وتقرب . . . من الأباريق، ونصب صب

ولو كان أسلم، كان زمانه بيننا دلوقتي في قعدتنا دي، وكان هيقلنا على أشعاره اللي ليها أوزان غريبة اللي كتبها في الد الكئيبة، وكان هيحكيلنا عن علاقاته مع شخصيات كثير مشهورة، سواء اللي مدحهم أو هجاهم، واللي حصله في حياة، سواء حلو أو وحش .

وانت يا شيخنا في الجنة، هتلاقي حاجة شبه اللي بنسميها في الدنيا ماعلة نزهة". هتركب جبل من جمال الجنة مخلوق من الباقوت، والجو هيلا لا حر ولا برد، ومعاك إزارة خمرة أصلي، وتفضل تمشي بالجمل في الجنة من غير هدف، ومعاك كمان أكل الخلود. ولما تشوف الجمل بتاعك وهو عمال يجري بين جبال من عنبر وريحان، هتقول بعلو صوتك قصيدة الأعشى" اللي بتقول:

بارينني أعرف امتي الجمل بتاعي . . . يسرع خطوته ويروح "العذيب"
و"الصبيون"

وتأخذ معانا إزارة خمرة، وعيش . . . مقبب، وحتة من سمك الحوت
وساعتها هتسمع صوت يا شيخنا يقولك:

انت يا عبد بالي ربنا غفرلك، تعرف مين اللي قال الأبيات دي؟
أيوه، فيه ناس ثقة قالولي إن الأبيات دي "للأعشى ميمون ابن قيس".
أنا "الأعشى"، ربنا غفرلي بعد ما كنت على وشك إنني أدخل النار،
وكنت خايف إن ربنا ما يقبلش توبتي وما يغفرليش.

فانت يا شيخنا متفرح أوي وهتلتفت وتبصله، فهتلاقيه شاب أبيض جميل، شيك كذا وباين عليه النعمة، وعينه اللي بتشوف وحش، بقت في منتهى الجمال وسواد عينيه اسود جدا وبياض عينيه أبيض جدا، وظهره المحنى بقى مفروود ومستقيم، فهتسأله:

أحكييلي انت إزاي خلصت من النار وعرفت تهرب من جهنم؟

- حراس جهنم كانوا بيحرونني على جهنم "سقر" ، فشققت واحد وولد منور زي القمر ، والناس عمالين ينادوا عليه من كل مكان ويقولوله : يا محمد ، يا محمد ، الشفاعة ، الشفاعة ، احنا عملنا حاجات كويسة وعملنا الشيء الفلاني في الدنيا " ، فرحت أنا كمان صرخت وأنا بين ايدين الحراس : "يا محمد ، ساعدني ، انت واجب عليك تساعدني" ، فقال النبي لـ "علي ابن أبو طالب" : "روح يا علي شوفه ليه يقول انه واجب عليا أساعده" ، فجه "علي" وأنا خلاص بتحذف عشان أندلج في النار ، فيبعد الحراس عني وقال : "ليه عايز النبي يساعدك؟" قتلته : "عشان أنا اللي في الدنيا قلت :

أنا رايح على "ثرب" أقابل النبي . . . عشان نفسي عايزة ترتاح بين ايديه فاسمع وصاياه والحق نفذها قبل . . . ما نندم ، وساعتها هيقدمك بابه؟
دا نبي يشوف اللي محمش بيشفه . . . وأخباره مسمعة في كل المناطق حواليه

وأنا كمان يا "علي" كنت حتى في فترة الجاهلية بؤمن بالله وبالحساب وبالبعث والدليل على كذا القصيدة اللي قلت فيها :

متفكرش لو راهب بنى لنفسه معبد . . . وصلى وصرخ ورسم على صدره صليب
إنه هيقى أعلى منك يوم الحساب . . . يوم ما كل الكائنات تبع وتقابل الحسب"

فرجع "علي" للنبي عليه الصلاة والسلام ، وقاله : "يا رسول الله ، دا طلع "أعشى قيس" ، وقالي قصيدته اللي مدحك فيها ، واللي شهد فيها إنك نبي" . فسأله النبي : "وهو جالي في الدنيا؟" ، "علي" قاله : "هو جالك ، بس قریش منعمته ورجعته مطرح ما جه ، وكمان هو مكنتش قادر

ببببب الحمرة" . فشغعلي النبي ، ودخلوني الجنة على شرط اني ما أشربش كذا فيها . كذا رضا أوي الحمد لله ، وأنا كفاية عليا أنهار العسل واللبن ، أصل اللي ما يبسبب الخمرة في الدنيا ، ما بيدوقهاش في الآخرة .

وتخيلتك كمان يا شيخنا وانت في الجنة وتبص حواليك كذا فتلاقي لعشرين كبار وعاليين أوي ، فتقول لنفسك : أنا هروح لغاية هناك عشان الدروب القصيرين دول يتوع مين . فلما تقرب منهم تلاقي واحد منهم يدلوب عليه : دا قصر "زهير ابن أبو سلمى المزني" والتاني مكتوب عليه : دا قصر "عبيد ابن الأبرص الأسدي" ، فانت هستغرب أوي وتقول : بس دول ما نوا في الجاهلية ، ولكن ربنا رحمته شاملة كل حاجة ، أنا هشوف هم من وأسألهم دخلوا الجنة إزاي . فتبتدي بـ "زهير" ، فتلاقيه شاب زي الوردة المفتحة ، وغني وعنده قصر من اللؤلؤ ، ولا كأنه في يوم من الأيام كان ههزم وكانت حالته وحشة أوي ، ولا كأنه هو اللي قال في قصيدته اللي كلها بملخص بحرف "الميم" :

رأيت أنا من الدنيا واللي فيها . . . وبين اللي يعيش ٨١ سنة ومايرهقش؟
انت لما هتشوفه مش هتصدق نفسك وهتسأله :

انت زهير أبو "كعب" و"بجير"؟

أبوة أنا .

انت اتغفرك إزاي رغم إن انت كنت في زمن الناس فيه مهمة
ومبتعملش حاجة كويسة خالص؟

أنا مكنتش بحب أي مشي بظالم وكنت بؤمن بالله ، ومرة حلمت بحبل نازل من السما ، واللي يتعلق فيه من أهل الدنيا يتجو ، فعرفت إن دي

وبعدين تسبب "زهير" وتروح تشوف "عبيد" اللي برضه بقى خالد
الجنة، وھتقوله:

سلام عليكم يا عبید .

وعليكم السلام . تلاقيك عايز تسألني أنا ربنا غفرلي إزاي، ما هو أصل
الجنة ما بيدخلهاش إلا الأذكياء بس زيك، متلاقيش فيها أعبياء .

أبوة فعلا، عايز أعرف عشان أنا مستغرب ليه ربنا غفرلك، وإزاي
استحققت رحمته؟

أنا فعلا خلاص كنت في النار، بس أنا لما كنت في الدنيا قلت البيت بتاع:

اللي يطلب حاجة من الناس ما يدوهوش . . . واللي يطلب من ربنا، ما يردوهوش

وفضل بيت الشعرا دا يتنقل من بق لبق والناس تقوله وتعيد وتزيد فيه،
كل ما يكرروه أكثر كانت السلاسل بتنتفك عني، وفصل كدا يتعاد لغاية لما
ربنا رحمني وغفرلي .

وانت يا شيخنا أول ما تسمع الكلام اللي قالوه الاتنين دول، تنظمن
على شعرا تانيين كنت خايف عليهم ليدخلوا النار . وهيسألك "عبيد":

تعرف حاجة عن "عدي ابن زيد العبادي"؟

لا، بس بيته هنا جنبك قريب، هروح أشوفه .

وتقابل فعلا "عدي" وتسأله:

ربنا نحك إزاي من على الصراط المستقيم رغم إنك كنت سزودها جبطين
في الدنيا؟

حاجة من عند ربنا، فوصيت عيالي وقتلهم وأنا بموت خلاص: لو
جه ودعاكم لربنا اسمعوا كلامه، وأنا متأكد إنني لو كنت لحقت محمد
كنت هبقى من أول المؤمنين، وأنا قلت في قصيدتي، رغم كل السفة اللي
كان ضارب في أهل الجاهلية كلها:

متخبوش اللي جواكم عن ربنا . . . لأن مفيش حاجة ربنا ما يعرفهاش

ويمكن بحاسبكم بعدين يوم الحساب . . . أو بحاسبكم في الدنيا وما بأجلهاش

- بس برضه انت اللي قلت:

يا ما قعدنا قعدت جميلة . . . وكانت أيام كلها هنا

وكل اللي بنعوزه بنلاقه . . . خمرة ونشوة وغنا

يا ترى خمرة الجنة تحرمت عليك زي ما حصل مع "الأعشى"؟

- لا، "الأعشى" لحق النبي وكانت الخمرة المحرمت، لكن أنا مت في فترة
كانت الناس بتشرب الخمرة زيه زي أي حاجة تانية، فمفيش عليا لوم .

فتمزم عليه ياشيخنا يجي يقعد معاك وتشربولكو كاسين، فتلاقيه
راجل ظريف أوي وتقعده تسأله عن أخبار أهل زمان، ويجيب الولد
الجرسون إزاعة من الزمرد، مليانة خمرة تحفة مخلوطة بمجنزيبيل وجنبه كباية مية
من الجنة، فتقول: والإزاعة دي أحسن بكثير من اللي قاله "السروي":

وعندي إزاعة وكوبايات . . . مليانة نبيت أحر صافي

كل ما تشرب منها حبة . . . أرجع أملاها تاني

- أنا كنت مسيحي، واللي يكون تبع أي نبي قبل محمد يبقى ناجي على طول، مش زي الناس اللي كانت بتعبد الأصنام.

- أنا نفسي أوي أسمع منك قصيدتك الرائعة إياها اللي كانت بتنتهي كلها بحرف الصاد.

فينتدي "عدي" يقول القصيدة اللي مطلعها بيقول:

سلملي على صاحبي "عبد هند" . . . وقوله إن ليه في قلبي مكان مخصوص
بعد ما يخلص "عدي" قصيدته هتقوله:

- برافو عليك، تحفة القصيدة دي. انت عارف إن فيه شاعر اسمه "أبو بكر ابن زيد" عمل قصيدة على نفس وزن قصيدتك بيقول مطلعها:

اللي بيشتغلوا مبسوطين والبخلا متكدين . . . القدر مكتوب، على زين
تروح يا خلبوص

بس برضه يا "عدي" انت الأحسن لأنك انت قلت قصيدتك الأول.

وتدخلوا انتو الاثنين في حوار طويل في تصريفات نحوية لأشعار
"عدي". في الآخر "عدي" يزهق ويقولك:

- ببولك إيه؟ سبينا من النحو وتعالى تركلنا حصانين من بتوع الجنة وتطلع
نصيد بقر ونعام وغزلان وبقر وحشي، مفيش أحلى من الصيد.

- لا يا عم، أنا راجل بتاع قلم وهدوء، مش بتاع خيل ولا أفهم فيه. أنا
جيت بس أهنيك على سلامتك من الجحيم وعلى دخولك الجنة.

وبعدين أعمل إيه أنا لو ركبت حصان صحته حلوة حبتين، وطلع يجري
بها وهو فرحان بأكل الخيل بتاع الجنة؟ وأبقى زي اللي قالوا عليهم:

عمره ما ركب خيل غير بعد ما كبر . . . غشيم، وعلى ضهر الحصان تقل

أو يحصل معايا زي ما حصل مع "جلم ابن عمرو" اللي كان بيحب
المنجرة" مرات "النعمان ابن المنذر"، لما جوزها أجيره إنه يركب حصانه
"البحموم" وكان حصان جامع وعفي، فوقعه من على ضهره. أو ابن "زهير
ابن أبو سلمى" لما ركب فوق فرسة، انكعبت فوقعت ورقبته وربتها انكسروا
ومانوا. وهنروح بعيد ليه، ما هو ابنك "علقمة" نفسه، كان طالع مرة في رحلة
سهل، ومات نفس موة جده "زيد"، وانت نفسك قلت فيه:

صباح الخير يا علقمة يا ابني . . . ممكن تقعد معايا النهاردا وتمشيش؟

أو الحصان يرميني على صخرة زمرد ويكسرلي ضلع من ضلوعي
وأبقى مسخة أهل الجنة.

- يا عم انت بتقول إيه بس؟ انت متعرفش إن في الجنة مفيش أي خطورة
من أي مغامرة، ومفيش أي حد بيمرض أو بيحصله حاجة وحشة؟

فتركبوا فعلا حصانين من الجنة، وتعدوا على ضهر الحصانين
مرتاحين لدرجة إنكو لو خيروكم بين كل خير الدنيا، وقعدتكو دلوقتي،
هتكسب كفة قعدتكو وبفرق كبير كمان. وفجأة تشوفوا قطع بقر وغزلان
برعوا في الجنة، فتاخذ سهمك وتقرب أوي من واحد منهم عشان
تصطاده، ولما تقرب أوي لدرجة إنه ما يقاش بينك وبينه إلا مسافة ضفر
صباح، يلتفتلك مرة واحدة ويقولك:

- بس ، وقف عندك ، أنا مش من حيوانات الجنة اللي ربنا خلقها عشانكو ، أنا كنت من حيوانات الدنيا ، وكنت ماشي في حنة مفيهاش صريخ ابن يومين ، فعدي عليا مجموعة من المؤمنين خلص كل الأكل اللي معاهم ، فخلدونني ودبجوني وکلوني ، وقدرنا يكملوا رحلتهم ويوصلوا بالسلامة ، فعوضني ربنا وخلصنا من الحيوانات الخالدة في الجنة .

فانت تبعد عنه فعلا يا شيخنا ، وتروح عند حمار وحشي عشان تصطاده ، ولما تبقى قريب منه أوي ، يلتفتلك ويقولك :

- استنى عندك يا مؤمن ، أنا ربنا أنعم عليا ودخلني الجنة ، عشان كان فيه صياد صاندي وسلخني وخذ جلدي وباعه ، الناس اللي اشتروا جلدي عملوا بيه قرية مية ، وبقي العطشان يشرب منها ، والعيان يئف بسببها ، والناس الصالحة تتطهر بيها . وبركة الناس دي كلها وصلتني ودخلت بسببها الجنة أترزق فيها من غير حساب .

- ماشي ، بس لازم تميزوا نفسكم . يعني الحيوانات اللي اتخلقت في الدنيا ما تتخلطش مع الحيوانات اللي اتخلقت في الجنة .

- حاضر ، وشكرا علي نصيحتك .

وتكملوا تمثية بالخيل ، فتلاقوا واحد بيحلب ناقة في جردل ذهب ، فتسألوه :

- انت مين ؟

- أنا " أبو ذؤيب الهذلي " .

يا صباح الخيرات يا " هذلي " ، بس فيه حد برضه يحلب ناقة رغم كل أنهار اللبن اللي موجودة في الجنة دي ؟ انت تجننت ولا إيه ؟

هادي ، مزاجي إني أحلب زي ما مزاجكو إنكو تصطادوا في الجنة . أصل أنا من شوية افتكرت شعر ليا كنت بقوله في الدنيا بيتقول :

كلامك ، لو تعرفني ، زي العسل . . . المخلوط بلبن ناقة لسه والدة

فربنا فورا بعطني الناقة دي اللي لسه والدة ، ومليانة خير ، وقمت أحلبها ، ولما أخلص ، هخلط لبنها مع أحلى عسل في الجنة .

بعد ما ميلا الجردل على آخره ، ربنا هييمتله خلية نحل معمولة من الأحجار الكريمة ، وتحلبها مص رحيق أحلى زهر ، فيأخذ " أبو ذؤيب " من العسل دا ويخلطه مع اللبن ، ويعزم عليكم تشربوا . فتشربوا بنهم شديد من «اللاوة طعمه ، اللي لو فرقوا شوية منه على الناس اللي اتحكم عليهم بجحيم سقر» ، كانوا عرفوا يعني إيه طعم الخلود . ويتأثر " عدي " ويقول :
" الحمد لله الذي هدانا لهذا وما كنا لنهتدي لولا أن هدانا الله . لقد جاءت رسل ربنا بالحق ونودوا أن تلکم الجنة أو رثتموها بما كنتم تعملون " .

وتبص لـ " عدي " وتقوله :

- كان فيه بيتين شعر ليك ، كان نفسي لو كنت تراجع نفسك وانت بتقولهم ، الأولاني كنت بتوصف فيه خيلك ، بس وصفك كان للحمير مش للخيل ، والثاني غلطت فيه غلطة نحوية جامدة .

« يا راك، يتكيب ليه في سيرة الحكايات دي دلوقتي و انت ربنا رزقك
بالكنة الحمد لله، المفروض تعمل زي الآية اللي بتقول: "كلو واشربوا
هنيئاً بما كنتم تعملون".

وهو هيقبلك الجيم كاف، عشان اليمينين عندهم لهجة مش ولا بد
بيقبلوا فيها الجيم كاف. زي "الحارث الكندي" لما كان بينادي "حجر ابن
عدي" فكان يقول "حكر ابن عدي". المهم إن انت هترد على "عدي"
وتقوله:

- أنا طلبت من ربنا إنه ميحرمينش في الجنة من التمتع بالأدب زي ما كنت
بتمتع بيه في الدنيا، وربنا استجاب، "وله الحمد في السموات والأرض
وعشيا وحين نظهرون".

وتكمل مشي بالخيال فتلاقي ولدين واقفين بيتكلموا مع بعض وكل
واحد واقف قدام باب قصر معمول من الأحجار الكريمة، وشكلهم في
أحسن حال وصحتهم تمام، فتسلم عليهم وتسالهم:

- اتو مين؟

- احنا النابتين: "النابغة الجعدي" و"النابغة الذبياني".

- طب "النابغة الجعدي" دخل الجنة عشان كان حنيفي، لكن "النابغة
الذبياني" دخل الجنة إزاي؟

- أنا كنت مؤمن بالله وحتى رحمت حجيت بيته أيام الجاهلية، مسمعتش
الشعر بتاعي اللي قلت فيه:

وحياة الكعبة اللي زرتها كثير... ودم الأضاحي اللي ساح عند التماثيل
وحياة الحمام اللي بيطير منتظمن... بين الحجاج الماشيين بين "السند"
و"الغيل" (اسم ينبوعين مية)

وأنا برضه اللي قلت:

أحلفك عشان ميقاش لسه عندك شك... وإن كان اللي عنده دين ما
يققاش عنده ذنب

أحلفك بالجمال اللي ما شية بسرعة ترعى... ومن آبار مكة المقدسة
بيشربوا شرب

وبعدين أنا ملحقتش النبي ورسالته عشان ربنا يجاسيني على إيماني
، وغير كدا ربنا رحيم جدا ويمكن يسامح أعظم غلطة عملتها في حياتك
بسبب حاجة كويسة صغيرة جدا عملتها.

هنتادي ساعتها على "عدي ابن زيد"، "النابغة الذبياني"، و"النابغة
الجعدي" وتقولهم يجوا يتسلوا معاك شوية زي ما قال "عدي ابن زيد":

يا قلبي جسمي تعب وأنا مش عايز... أعمل حاجة دلوقتي غير إني أسمع
أغاني

وأشرب الحمرة اللي جاتلي من إيران... لو داقها شيخ هيفيني ويرقص
على الأغاني

أو لما قال برضه:

كلام جميل يسمعه الشيخ بمزاج . . . كلام له طعم العسل المصفي

وهقولهم إن القعدة الحلوة دي ناقصها "الأعشى" . تطلع حروف آخر كلمة من بقك من هنا، وتلاقي "الأعشى" في وسطكو من هنا، فتحمدا وربنا وتشكروه إنه جمعكم مع بعض وتقول الآية بتاعة: " وَهُوَ عَلَىٰ جَمْعِهِمْ إِذَا يَشَاءُ قَدِيرٌ " (الشورى ٢٩). وبعد ما تكلوا وتشربوا من نعم الجنة اللَّيِّ ربنا عملها مخصوص للمؤمنين وتبسطوا، هتسأل "النابعة الذبياني":

- يا ذبياني أنا اللي أعرفه عنك إنك راجل ذكي وديبلوماسي، إزاي قدرت تقول في مرات "النعمان ابن منذر"، ملك الخيرة:

نعمان قال إن شفايفها باردة وحلوة . . . وكل ما تدققها تبقى عايز كمان نعمان قال، وأنا معرفش لإني مدققش . . . بنفسي: إن ريقها زي المية للعطشان

وفضلت تكمل كلام عن مراته لحد ما الناس لاحظوا وقالوا إنك زودتها أوي.

- ظلموني والله، ولو كانوا فهموا اللي كنت أقصده، كانوا عرفوا إن أنا راجل متطلعش العيبة من بقي. الحكاية وما فيها إن "النعمان ابن منذر" كان بيعشق مراته، وطلب مني إني أكتب فيها قصيدة، فقعدت أفكر وأقول لنفسني: لو ذكرتها بشكل عام، الناس ممكن تفهم إني بتكلم عن ست تانية، ولو ذكرت اسمها في القصيدة، هتبقى عيبة في حق الملك. عشان كذا كتبت قصيدة كأن الملك هو اللي يقولها.

لعلا ظلمناك، وحقت عليا. أنا بس كان نفسي أشوف دلوقتي "المازني" و"الشيبياني" و"أبو عبيدة" و"الأصمعي"، اللي نقلوا عنك القصيدة ووصلوها للناس بمعنى غلط، وكنت هكلمهم قدامك عشان تعرف إني مبخفش من حد في الحق.

بمجرد ما تنطق اسمهم تلاقي الأربعة مجموعين عندك بقدرة قادر، ويسلموا عليك بلفظ، وهتسأل:

- مين دول؟

- إحنا الأربعة اللي انت ذكرتهم من شوية وكنت عايز تشوفهم.

- طيب انتو فهمتوا القصيدة على أساس إن "الذبياني" هو اللي بيتكلم ولا "النعمان"؟

- "الذبياني".

- لكن "الذبياني" هنا معناها ويقول إنه كان يقصد "النعمان". طيب قولنا رأيك يا "نابعة" في قصيدتك اللي قلت فيها:

تعالوا معايا في الربيع في الجنة . . . السلي "المتجردة" قاعلة فيها جلدنا مسك وإيديها متحنية . . . تمر هي والياقوت مغطياها

شفايفها اللي مجربتهاش . . . عسل رايق ومخلوط بمية

يستمتع بيها النعمان، هدية من ربنا . . . متجددة، وعندها بدل الشخصية مية

- والله أنا مش فاكر إن أنا قلت الكلام دا قبل كدا.

- إيه دا؟ بجدا؟ ومين أمال اللي اتطوع من نفسه كدا ونسبها لك؟

- معتقدش إنهم نسبهالي على سبيل التطوع على قد ما يمكن عملوا كدا
من باب الفتى أو غلطوا . تلاقبها لراجل من قبيلة "ثعلبة ابن سعد" .

يرد "نابعة بني جعدة" على "الذبياني" ويقول:

- أنا فعلا مرة كنت ما شي مع شاب في الجاهلية راجين على "الحيرة" ،
فقالى القصيدة دي وقالى إن هو اللي ألفها، وقال إن هو من قبيلة
"ثعلبة ابن عكابة" ، لكن فيه ناس شموا خبر ووقعوا بينه وبين الملك
قبل ما يوصل ، فرجع مطرح ما جه ومقلش القصيدة .

- شفتوا بقى إنه كان عندي حق .

ساعتها هتتلفت "للنابعة الجعدي" وهتقوله:

- ما تقولنا قصيدتك إياها اللي بنتتهي كل أبياتها بحرف الشين .

- أنا عمري ما قلت قصيدة بنتتهي بالشين . غير كدا ، القصيدة اللي انت
تقصدها دي فيها كلمات ولا عمري سمعتها قبل كدا أساساً .

- يظهر يا أبو ليلي (النابعة الجعدي) إن طولة قعادك في الجنة والشرب
والأكل اللي يجنونا واللي عمرك ما دقت زيهم خليتك تنسى كل اللي
تعرفه . ومش بلومك ، ما هو أصل "إن أصحاب الجنة اليوم في شغل
فاكهون ، هم وأزواجهم في ظلال على الأرائك متكئون ، لهم فيها فاكهة
ولهم ما يدعون" .

طب إنت في بيت الشعر اللي قلته بتاع:

مش معروف عننا إننا نرجعها سليمة . . . ومش غريب (مستنكرا) علينا إننا
نرجعها مجروحة

انت قلت "مستنكراً" بتنوين فتحة ولا تنوين كسرة؟

لنوين فتحة طبعاً .

طب إيه قولك لو حد قالها بتنوين كسرة؟

أبهله وأقول عنه إنه ما يفهمش حاجة .

الله يرحمه بقى "سيبويه" ، هو غلط وقالها بتنوين كسرة ، وانت الأصح
عشان انت يا "أبو ليلي" أفصح منه لإنك معجون في اللغة من صغرك ،
واتعرفت على ثقافة الجاهلية والإسلام سوا .

وبعدين تبص "للأعشى" وتقوله: ما تسمعنا قصيدتك اللي مظلمها

ياقول:

باريتني أموت بين حبات الرمل . . . في مكان مش ساكنه حد

فيرد عليك الأعشى ويقولك: ولا أعرف أي حاجة عن القصيدة دي ،
انت اللي شكلك بقيت متخصص في القصيد المتألفة والمنسوبة لناس تانية .

هيمر عليكم شوية وز من الجنة ، وهيقف عندك كأنه مستني أمر
معين ، وعشان وز الجنة بيسمع ويتكلم فهتقولهم:

ما لكو واقفين كدا ليه؟

ربنا بعتنا عشان نغني ليكو ونظبط مزاجكو مع الشرب .

طيب يلا على بركة الله ، ورونا شطارتكم .

الوز فجأة هيتحول لجواري صدرها ناهد ومشدود ، لابسين جلابيات
حلوة ، وشايلين في أيديهم كل الآلات الموسيقية اللازمة ولا كأنهم أحسن

عازفين في الجنة . فانت يا شيخنا تستغرب أوي من المنظر دا ، وإن كنت طبعاً مؤمناً بقدره ربنا على كل حاجة ، وتسال واحدة منهم وتختبرها : " طيب سمعينا كدا حاجة لـ "النابعة الذيباني" .

فتغيبلكو قصيدة ليه ، بصوت في منتهى الرقة والسلاسة لدرجة إن لو كان اللي قاعدين صنم كانوا نطقوا ورقصوا من حلاوة صوتها . انت تنبهر بيها وتقولها : " طيب سمعينا حاجة ثانية وغيري نوع الموسيقى " .

الجارية هتغني وتعزف اللي انت عايزه بشكل يجلي حتى " الغريض " المطرب لو كان موجود يعترف إن ما يقدرش يغني أحسن منها . وانت هتعتقد تطلب منها تعملك لحن ورا الثاني لغاية لما تعزفك كل الألحان المعروفة وانت تتسلطن أوي منها . ولما تتأكد تمام إنها أستاذة على العود ، هتهمل وتكبر ربنا ونحمده على نعمه وتهقولها :

- يالهوي عليكى ، انت مش كنتي من حبة صغيرين بس وزة بتطير ، إزاي عرفتي تعزفي وتغني بالشكل المبهر دا؟ والله دا انتي حتى لو كنتي اتولدتي بين أحسن المطربين ، مكنتيش تبقى بالإبداع دا .

- هو انت لسه شفت حاجة من قدرة ربنا ، دا انت كأنت واقف على الشط وقدامك لسه محيط معرفة كبير تعوم فيه . وسبحان من يجيي العظام وهي رميم .

وفي عز ما انتو قاعدين تتكلموا ، هبعدي عليكم شاب في إيده عصاية من الباقوت ، ويسلم عليكو فتساله :

انت مين؟

أنا " لبيد ابن ربيعة ابن كلاب " .

ما شاء الله ، نسب يشرف ، وإن كان مفيش مشاكل لو كنت قلت اسمك الأول بس . المهم ، إيه أخبارك في الجنة؟

أنا الحمد لله عايش عيشة فوق الوصف ، ولا بكبر في السن ولا بمرض أبداً .

سبحان الله ، كأنت مقلتش في الدنيا :

أنا زهقت من الحياة وطولها . . . ومن سؤال الناس : " لبيد " عامل إيه؟

أو كأنتك مش انت اللي قلت :

امتى أموت بقى؟ وأنا مبخفش . . . أنا عشت كثير وكفافية أوي كدا

أنا زهقت من الدنيا اللي ما بتخلصش . . . ومين في الدنيا يستحمل كدا؟

طب ما تقولنا قصيدتك اللي بنتتهي كلها بحرف الميم .

لا يا عم ملياش فيه ، أنا سبت الشعر في الدنيا ، ومش هرجعله في الآخرة ، وربنا عوضني عنه اللي أحسن منه .

طيب أنت كنت تقصد إيه في البيت اللي يقول :

لو معجبينش أي مكان أسيبه . . . إلا لو الموت معنا من كدا

" معنا " دي عايدة على الناس كلها؟

- لأ ، عليا أنا بس ، زي مثلا لما تقول لشخص : " لو محتاج فلوس ،

نسلفك " ، معناها إن انت اللي هتسلفه .

- طيب انت كان قصيدك "المكان اللي ميعجبنيش أسببه إلا لو الموت قبض روحي" ولا "لو المكان ميعجبنيش يارب الموت يجي يقبض روحي"؟

- أقصد التفسير الأول.

- طيب، ربنا يكرمك.

هتسأله في مواضيع ثانية كانت شغلاك، بس "ليبد" هيبص لـ "الأعشى" ويقوله:

- يا سبحان الله! ربنا غفر لك بعد كل اللي عملته في الدنيا ودخلت الجنة؟
فهترد إنت يا شيخنا عليه وتقوله:

- انت قصيدك على الكام بيت اللي الأعشى اتكلم فيهم عن إنه شرب خرة وزنى؟ والله ممكن يكون معملىش أي حاجة من اللي قاله في قصايديه وتكون فشخرة كدابة، أو ممكن يكون حقيقة، في الحاليتين ربنا سامعه ودخله الجنة. ما هو ربنا قال: "قل يا عبادي الذين أسرفوا على أنفسهم لاتقنطوا من رحمة الله إن الله يغفر الذنوب جميعا إنه هو الغفور الرحيم" وهو برضه اللي قال: "إن الله لا يغفر أن يشرك به ويغفر ما دون ذلك لمن يشاء ومن يشرك بالله فقد ضل ضلالا بعيدا."
وانت يا شيخنا هتقول "للنابعة الجعدي":

- عارف يا أبو ليلي، أنا بحب أوي القصيدة بتاعتك اللي وصفت فيها واحدة ست بأحلى الأوصاف وأجل العبارات، بس برضه ستات الدنيا ما يجوش حاجة جنب بنات الجنة الحلويين دول.

وفجأة يخطر على بالك يا شيخنا، يا رب دائما كدا كل الناس تحبك، صوت مغنيات القاهرة وهما بيغنوا في العراق القصيدة بتاعة الشاعر "المخيل السعدي" اللي بتنتهي كلها بالميم، فيجروا فجأة الحوريات اللي كانوا من أوبة حبة وز، ويغنوا الأغنية اللي خطرت في بالك اللي بتقول:

يا هو سيرة رباب حبيبتى، وسيرتها تعب... والراحة للعاشقين مجرد كلام ولو مر خيالها عليا، أبكي، ودموعي تبقى... لؤلؤ في خيط من غير نظام وما يمرش عليكو حرف ولا حركة، إلا وانتو في منتهى الانبساط والفرح. لو قارنتو سعادتكو لحظتها بكل السعادة اللي حسوا بيها البشر من أول خلق آدم لغاية يوم القيامة، يبقى كأنكو بتقارنوا محيط مية بدموع طفل، أو جبل عالي بذرة تراب.

وتقول لصحابك: "طيب سمعتوا الأبيات لنفس الشاعر اللي بتقول:"

بتلومني ومش عارفة إن... بكرة معندهاش عنه خبر

بتقولي إن الغنى خلود... وإن الآخرة بيقرها الفقر والعدم

قولتلها والله لو طلعت على... أعلى جبل، أحاول فيه أعتصم

هيا دور عليا الموت ومجيبيني... ومفיש مهرب من حكم ربنا المنتقم

وتكمل كلامك وتقولهم: "والشاعر "مخيل السعدي" قال الكلام دا لي زمن الناس فيه كانت ماسكة الشوك بإيديها، الأم خايقة على ضناها من الموت، ومرعوبة عليه، والناس بقت بتخاف من الفقر ويتقي شره، وبقوا يهبوا الفلوس ويبتهافتوا عليها، والناس الجوع والعطش واكلهم، حافين

وجلدتهم شقق، والجنة لولا رحمة ربنا وعفوه عن الناس كانت هتبقى
فاضية، وسبحانه لما قال: " الحمد لله الذي أذهب عنا الحزن إن ربنا لغفور
شكور الذي أحلنا دار القامة من فضله لا يمسننا فيها نصب ولا يمسننا فيها
لغوب ". سبحانه اللي حول المغنيات دول من وز حوريات، وخواهام
بحكمته وعلمه يحفظوا كل الأشعار والأغاني دي اللي عمرهم ما سمعوها
قبل كدا، وخواهام بيدعوا في الغنا والموسيقى من غير أي غلطة، رغم إنه في
الدنيا كان عشان واحدة جارية تحفظ بيت ولا اتنين من الشعر تاخذلها شهر،
وتقبض انشيء الفلاني.

" النابغة الجعدي " وهو قاعد بيسمعك هيقول:

- ألا بالحق يا " أعشى "، هي رباب اللي ذكرها " السعدي " هي نفسها
رباب اللي انت ذكرتها لما قلت:

أول ما الدليك إدين . . . مليت لـ " رباب " الكاس

- جرى إيه يا " جعدي "؟ شكلك تقلت أوي في الشرب في الدنيا ودماغك
خفت وشكلها لسه خفيفة لغاية دلوقتي . هو انت ما تعرفش إن الستات
اللي اسمهم رباب أكثر من الهم على القلب، ما فاضلش غير إنك تقول
إن رباب إياها، هي نفسها اللي قال فيها الشاعر:

ما لهم أهلك يا " رباب "؟ . . . عنيهم ضاقت من الغضب

أو تكونش هي نفسها اللي ذكرها " امرؤ القيس " لما قال:

قبل ما يقع المقدر، سبت بيت لـ " هند "، ولـ " رباب "، و " فرتنى "، و " لميس "

انك بتكلمني أنا بالطريقة دي يا صايح يا صايح باللي مت وانت كافر،
وشهدت على نفسك إنك عملت الحرام؟ على الأقل، أنا شفت النبي
وسمعتة القصيدة اللي كتبها فيه اللي بقول: " مسكنا السما في إيدنا،
وهمدنا في العالي . . . بس لسه عايزين أكثر، ونبقى في العاللي "، فالنبي
فالي: " في العاللي فين يا " أبو ليلي "، فقلتله: " في الجنة معاك وبيك يا
لي، " فقالني: " يسمع من بقك ربنا " .

اوعى تكون افكرت نفسك حاجة عشان شوية جهلة قالوا عنك إنك
رابع احسن أربع شعرا. دا كذب. أنا نفسي في الشعر أطول منك ويعرف
أصرف احسن منك، وكتبت أبيات شعر أكثر من أي شاعر عربي كتب
ليلى. وانت كنت كل اللي بتعمله إنك تتكلم بالباطل وتفتري على أهلك
الأفاضل النبلا، وحتى لو كنت بقول الصدق، كان المفروض تتكسف على
ملك من اللي كنت بتكتبه. وعملت خير مراتك إنها اتطلقت منك، سابت
قلب ملوش غير في الرمرمة على بواقى الأكل المقرف بتاح الملوك.

انت بتهرتل تقول إيه؟ دا بيت واحد بس من أبيات شعري بمية من بتوعك.
مش بكترة الكتابة هي على فكرة، كل كلامك فاضي ورغي فارغ. شكلك
نسبت إن أنا من قبيلة " ربيعة الفرس " وانت من " بني جعدة " اللي مشهورة
بالجبن والهروب. بقى بتعايرني بياني بمدح الملوك؟ دا قصر ديل يا أزعر، انت
لو كنت تقدر تكتب زبي للملوك كنت بعث أهلك وعيالك عشانهم، لكن
انت اتخلقت جبان وخرع، تحاف تطلع من بيتك لو الدنيا ضلمة، ولو الدنيا
حر شويتين تفرهد وما تخرجش بره بيتك. وبتكلمني عن طلاقنا أنا

و "هزانية" وانت عارف إنها كانت سعيدة معايا، وعلى كل حال، عادي، كل الناس يتطلق، الملوك والعامّة.

- اسكت يا تايه يا ابن التايهة، والله دخولك الجنة دا كان غلطة، بس ربنا عايز كدا بقى هتقول إيه. انت حقت تكون في آخر درجات النار، ودخلها اللي أحسن منك، ولو كان يتنع إن ربنا يغلط، كنت أكيد عرفت إنه غلط لما دخلك الجنة. مش انت اللي قلت:

دخلت عليها لما ناموا الحراس... وكانت هي من غير هدوم
لعبتنا مع بعض لما شعبنا... ويعدين راحت هي في النوم
فغطست فيها وحسست على بطنها... اللي كانت بأحلى الروايح بتفوح

ويعدين أنت بتستقل بـ"بني جعدة"، دا انت وقبيلتك بكل اللي عملتوه متسووش ولا يوم واحد من أيام قبيلتي. ويتكذب ويتقول عليا جبان، وأنا أشجع منك ومن اللي خلفوك، وأصبر أكثر منك على لياالي الضلمة والبرد، وأستحمل عنك أيام الحر والصهد.

وفجأة ينط "الجعدي" على "الأعشى" ويضربه على راسه بكور
دهب، فتدخل انت، ربنا يبارك فيك يا رب، وتقولهم:

- خناقات الشوارعية دي مش في الجنة، دي مكانها الدنيا بين السفلة وعديبي الرباية. وانت بصراحة كدا متسرع يا "جعدي". وشكلهم كان عندهم حق لما الحاكم جلدك لما اتسرع ودخلت في خناقة لواحد استتجد بيك وانت متعرفش مين اللي على حق ومين اللي على باطل، والحاكم جلدك عشان الرسول قال: "اللي يتصرف تصرفات الجاهلية

مبقاش مننا". ولولا إن ربنا قال في كتابه الكريم: "لا يصدعون عنها ولا ينزفون" كنت افكرت إن خمرة الجنة لحست دماغك. لكن "الأعشى" ما يبشربش في الجنة غير لبن وعسل، عشان ربنا حرم عليه أساسا خمرة الجنة، وهو راجل وقور، ويعرف يتصرف كويس ويهدوء في الشنايد. وهو عامل زي أبيات الشعر اللي كتبها "أبو نواس" لما حرمه الخليفة من شرب الخمر:

مثلوموش عليا إن بقيت ما يبشربش خمرة... متعني عنها الخليفة وما
أقدرش أقول ولا كلمة

أخري دلوقتي اني بس أشوفه أو أشمه... فادوه لغيري، وأنا هكتفي
بصحبتيكو واللمة

أنا زي اللي مش قادر يجارب بنفسه... فبقي يبشجع اللي قادر يجارب
وعنده همة

فإرد عليك "النابهة الجعدي" ويقولك:

متناسش إن في الدنيا كان فيه ناس دماغها بتفوت لما بتشرب لبن،
وخاصة المنفسنين اللؤما، زي ما قال الشاعر "الراجز"

يا "ابن هشام" اللين بوظ الناس... مش شايف كمية عنفهم بقت عاملة إزاي؟

ومش أهلنا زمان قالوا: خافوا من غضب الناس لو زدوها في شرب
اللين؟

فانت تدخل تاني عشان تهدي الموقف وتقولهم:

- يا جماعة خدوا بالكو لبعدي ملاك علينا واحنا بنتخاق كدا فيقول لربنا ، وما نخلصش الحكاية على خير ، هو صحيح ربنا مش محتاج حد يقوله إيه اللي بيحصل في الجنة ، بس هي العملية كانت ما شية كدا أيام الدنيا ، وإذا كان آدم خرج من الجنة لسبب تافه ، فما تستبعدوش إن حد من ولاده يحصل معاه نفس الحاجة . بس قولي يا "أعشى" بصراحة ، انت لسه بتحن لشرب الخمرة؟

- لا والله أبداً ، ولا بتيجي على بالي أساساً ، وسبحانه اللي صبرني على كدا وخالتي أنساها .

فيقوم "الجمدي" وهو غضبان ، فتزعل يا شيخنا ، ربنا بيعد عنك أي زعل ، ومرتضاش إنه يمسي كدا وهو غضبان ، فتقوله :

- يا أبو ليلي ، ربنا بكرمه وعطفه عملنا حور العين اللي كانوا وز دول ، خدلك واحدة منهم البيت معاك ، تسمعك أحلى الأغان ، وتمزفلك أحلى عزف .

فيرد "ليبد ابن ربيعة" :

- ما هو لو كل واحد خدله حورية من دول ، الموضوع هينتشر في الجنة ، وهيسموننا بعد كدا : "رجال الوز" .

فتنتبهوا فعلاً للموضوع دا وامتأخدوش حوريات من حوريات الوز دول .

ويعدي عليكو "حسان ابن ثابت" ، فتقولوله :

أهلا يا "أبو عبد الرحمن" ، تعالى أقعد معانا نتكلم شوية . فيقعد معاكو لتسألوه : فإكر الخمرة إياها اللي قلت عليها وانت شاب :

شفايفها ولا خمرة "بيت راس" . . . مخلوطة بالمية والعسل

أو بطعم التفاح اللي بيخلي . . . ريحة بقها بتضرب بيه المثل

وكسفتش إنك تقول الأبيات دي ، في قصيدة يتمدح فيها النبي؟

لا ، لأن النبي كان عقليته مفتحة وبيقبل الكلام دا أكثر ما انتو متخيلين ، وبعدين أنا ما قلتش أي كلام وحش ، ومقلتش إني شربت خمرة ، أو اني عملت حاجة حرام ، أنا مجرد وصف ريق واحدة ست ، ممكن تكون الست دي حلالي ، وممكن أكون بتخيل . وبعدين دا النبي شفع للأعشى " وهو كان عامل بلاوي مسيحة في الدنيا . النبي كان في منتهى الطيبة . يعني لما حصل اللي حصل في حكاية "الإفك" وأنا اتكلمت وحش في حق مراته ، جلدني أنا و"مسطح" ، بس بعد كدا سألني وإداني "سبرين" أخت "مارية" اللي خلفت منها "عبد الرحمن" وهي خالة "إبراهيم" ابن النبي .

وانت يا شيخ ابن القارح ، هيكون نفسك تسأله عن شوية حاجات في النحو في قصايد ، بس هتسكت عشان ما تبوظش القعدة على صحابك .

واحد من القاعدين هيقول "حسان" :

بس هو انت ليه الناس قالوا عنك إنك جبان؟

مين اللي قال كدا؟ دا أنا وأهلي أشجع ناس في العرب كلهم . مش احنا اللي وقفنا مع الرسول وساعدناه وحاربنا معاه لما مكنتش فيه حد عايز

يسمع كلامه؟ مش احنا اللي وقفنا في وش سهام قبيلة "ريعة"
و"مضر" وكل العرب؟ لو كنت في بعض الأحيان بعمل حسابي قبل ما
أتصرف، فدا كان على سبيل الحرص مش أكثر، زي ما ربنا قال في كتابه
الكريم: "ومن يولهلم يومئذ دبره إلا متحرفا لقتال أو متحيزا إلى فئة فقد
باء بغضب من الله وماواه جهنم وبئس المصير".

ويتفرقوا الناس اللي كانوا في القعدة دي بعد ما يكونوا قعدوا يتكلموا
في اللجنة قد عمرهم في الدنيا أضعاف مضاعفة.

وأثناء ما انت يا شيخنا بتكمل لف في الجنة، هتلاقي خمس أشخاص
راكبين خمس جمال، فتقولهم:

- انتو مين؟ ربنا يديم عليكو نعيمه، أنا مشفتش أحلى من عيونكم في
حياتي.

- احنا "عور قيس" كنا خمس شعراء عيننا عورا، "تميم ابن مقبل
العيجلاني"، "عمرو ابن أحر الباهلي"، "الشمخ، معقل ابن ضرار
"، "عبيد ابن الحصين" و"حميد ابن ثور الهلالي".

فتقول "للشمخ ابن ضرار":

- هو أنا كان عندي شوية استفسارات لكام قصيدة ليك كدا.

- أنا مش فاكر ولا بيت واحد من قصايدى، نعيم الجنة لهاني عن كل حاجة.

- عيب عليك يا مؤمن تقول كدا، انت متعرفش إن قصايدك دي كانت
أنفعلك من بناتك؟ انت بسبيهم بقيت مشهور في كل حته. زي قصيدة

للنابغة الذبياني "كانت أنفعله من بنته "عقرب"، دا يمكن حتى بنته
لكون زودت همومه لما انحطفت ومعرفش ياخدلها مهر مناسب. ولو
هايز يا سيدي، أنا أقولك قصايدك كانت بتقول إيه.

طلب، سمعتي، ربنا يكرمك.

طلب فاكر القصيدة اللي مطلعها يقول: "لوفيت العالم كله... زي
الفوس مش هتلاقي مثيل".

لا والله مش فاكرها. أنا الجنة خدتني عن الدنيا باللي كان فيها. زي ما
ربنا قال: "إن المتقين في ظلال وعيون وفواكه مما يشتهون كلوا واشربوا
هنيئا بما كنتم تعملون". أنا في الدنيا كنت بعمل الحاجات دي بغرض
إنهم يسلفوني ناقة أسترزق منها مثلا، أو يدوني أكل يكفي عيالي لمدة
سنة، لكن دلوقتي، بفضل ربنا، أمد يدي أخذ اللي أنا عايزه من اللين،
أي نوع من اللين: جمال، بقر، خرفان، معيز، ولو عايز لبن من الخرفان
الجبلية، هيبقى قدامي في ثواني أنهار منه أكبر من "دجلة" و"الفرات".
على عكس الدنيا، كنت أقعد أحلب وأحلب في خروف، ومكنتش
يطلعلي منه ولا حتى نص كباية.

تلخص كلامك مع "الشمخ"، فنبص "لعمرو ابن أحر" وتقله:

تعالى يا "عمرو" انت فين؟

أنا هنا أهو.

طيب قولني قصيدتك اللي بتقول حته منها: "راح الشباب و"العمر"
راح... والأخوات غيرهم الزمن". كان قصدك إيه بكلمة "عمر"،
"السن" ولا اللدنة اللي بتلرزق بين السنان؟

- كل الطرق تؤدي إلى روما، مش فارقة كنت أقصد أنهى معنى. أنا
 الرعب اللي شفته يوم القيامة نساني اسمي وكل الشعر اللي قلته، انت ما
 سمعتش ربنا لما قال: "يوم ترونها تذهل كل مرضعة عما أرضعت
 وتضع كل ذات حمل حملها وترى الناس سكارى وما هم بسكارى ولكن
 عذاب الله شديد". والغريب فعلا بقى إن انت رغم إنك حضرت يوم
 القيامة، لسه فاكر كل الشعر دا.

- أنا كنت بدعي ربنا كثير في الدنيا إني بتعني بالأدب اللي أعرفه في الدنيا
 والجنة، وربنا استجاب لدعايا. عموما، أنا عجبتني ليك قصيدة كانت
 بتقول:

أنا شاب ما بيخفش من حاجة . . . وأنا هنا زينة كل الشباب
 زي ما أكون غصن أخضر . . . في الحرم، ناعم زي التراب
 أوزي ما أكون خمرة "قيل" . . . وكل حاجة عندي بحسب

انت قصدك إيه بـ "قيل" صحيح؟ عشان قيل ممكن تيجي بمعنى
 ملك، أو اسم شخص، زي "قيل ابن عتر"؟
 - المعنيين يتفعوا.

- متهيألي انت كان قصدك "قيل ابن عتر" عشان بعد كدا قلت:
 "والجرادتين بتغني عشانهم . . . وفي رقيبته مرجان ودهب". وزمان
 قالوا إن كلمة الجرادتين دي كانت أسامي مغنيتين عند "الجرهمي" وغنوا
 لقبيلة "عاد"، اللي كان "قيل" واحد منهم، وهم راجحين يججوا، فقبيلة
 "عاد" اتهيلوا من صوتهم ونسبوا الحج والطواف، ونسبوا حتى هم جم

ليه، ونسبوا يسألوا ربنا عن اللي عايزينه. فأتدمرت "عاد" وهم
 مدهولين.

و أنا كنت كمان لقيت قبل كدا في كتاب "الأغاني"، أغنية يقولوا
 إنها للجرادتين، فاستغربت أوي، ومتهيألي إنها مش بتاعتهم فعلا. أصل
 الكلام دا كان في عصر هارون الرشيد، فمين بقى قال للناس اللي في عصر
 هارون، إن دي أغاني الجرادتين؟ وإزاي هم أتأكدوا من كدا؟ مش معقول
 أبدا، وأعتقد إن كله كذب.

- أولا مش عشان أنا ذكرت الجرادتين يبقى كان قصدي "قيل ابن عتر"
 حتى وإن كان من ضمن الحجاج اللي غتلتهم الجرادتين. ثانيا، مش لازم
 يكون موضوع الهارون كذب، لأن العرب بقوا بيسموا أي مغنية جرادة،
 عشان كان مرة زمان كان فيه مغنية اسمها جرادة، زي ما الشاعر قال:
 "أحنا نشرب والجراد يغنينا".

بعد ما تسأل "عمرو ابن أحرر" كام سؤال في الصرف، تدخل على
 الثالث وتقول:

- فين "تميم ابن معقل العجلاني"؟

- أنا هنا أهو.

- فيه بيت شعر ليك يقول: "بيتك الخالي يا سلمى ما بتملش ناقتي
 "مرانة" من مرواحه". "مرانة" دا كان اسم ناقتك فعلا، ولا كان اسم
 واحدة ست؟

- أنا رجلي ما دخلتشر الفردوس، إلا وكل الشر وكل كلام الشعر عمي
تماما من مخي. أصل أنا اتبهذلت جامد أوي واتحاسبت حساب شديد.
واتقالي: "انت كنت من ضمن الناس اللي حاربوا "علي ابن أبو
طالب"، وطلدلي "قيس ابن عمرو ابن ملك" وهو كان بيكرهني عشان
كان بيأيد "علي" وفضل يتهمني ويبهدل فيا، وما فلتش من النار غير
بعد ما خدتلي كام لسة عخرمة. لكن انت حافظ كل حاجة وأناك
ممرتش أساسا بيوم القيامة، والمنادي عمال يقول فين فلان ابن فلان،
وملوك الدنيا الجبارين يبشدهم على الجحيم، والملكات بيتلسوعوا
بالنار وجلدهم وجسمهم يتحرق، وهم عمالين يصرخوا: "في أي حد
يفدينا؟ في أي عذر بجمينا؟" والعيال الأغنيا الفرفورة بيعووا زي الدبابة
في سلاسل من نار، وبيقولوا: "احنا اللي كان معانا فلوس بالهليل، وكنا
الكل في الكل في الدنيا، وياما ساعدنا ناس، مفيش دلوقتي أي حد
يساعدنا أو يفدينا؟" فسمعوا صوت من عند العرش بيقول: "أولم
نعمركم ما يتذكر فيه من تذكر وجاءكم النذير فذوقوا فما للظالمين من
نصير". وبعتنا لكو رسل من بعد رسل، وهم يحاولوا يوصلوكوا لبر
الأمان، واتقالكو: "واتقوا يوما ترجعون فيه إلى الله ثم توفى كل نفس ما
كسبت وهم لا يظلمون" لكن اتو كنتو مشغولين بلذات الحياة وغرقانين
فيها لشوشتكوا، وناسيين خالص الآخرة. دلوقتي الحق بان، والنهاردا
محدث هيتظلم، لأن ربنا النهاردا هو اللي هيحكم بين العباد.

وهتكمل يا شيخنا كلامك مع الاتنين الباقيين من الشعرا الخمسة.

- طيب فين "عبيد النمريري"؟

أنا أهو.

إن شاء الله ما تبقاش زي صحابك مش فاكر أي حاجة.

يسمع من بقت ربنا. يلا اسألني لما نشوف، بس خليك رحيم معايا
والنبي.

متخفش، هو سؤال واحد. هو انت صحيح زي ما قال "سيبويه"
نصبت كلمة أصلا مجرورة في قصيدتك اللي بنتتهي كلها بحرف "اللام"
اللي عملتها عشان تمدح "عبد الملك ابن مروان"؟

أبوة حقيقي.

تسييه وانت راضي عن إجابته، وتروح للأخير "حميد ابن ثور"
وتقوله:

يا "حميد"، انت كتبت كلام جميل أوي لما قلت:

لظري ضعف وكان زمان ٦/٦ . . . ما كفاية بقى يا مرض سيبيني في حالي
والموت هييجيني صبح أو ليل . . . وهو عارف كويس أوي فين مكاتي

إيه بقى أخبار نظرك دلوقتي؟

- أنا دلوقتي لو واقف في آخر حنة في غرب الجنة، أشوف صحابي لو
واقفين في آخر حنة في شرقها، رغم إن بيني وبينهم مسافة آلاف السنين
الضوئية اللي كنا عرفناها في الدنيا. سبحانه، قادر على كل شيء.

- انت كمان أبدعت في القصيدة بناعتك اللي بنتتهي كلها بالبدال اللي قلت
فيها:

سنة ورا سنة والجمال على حالها ضعفانة . . . لغاية لما جت سنة بقت
صحتها زي الحديد

- مش فاكِر أنا الأبيات دي ولا غيرها، أنا كل اللي بفكر فيه دلوقتي هم
الخور أم رجلين مكبظة .

- يعني انت بتنكر إنك انت اللي قلت القصيدة دي؟ وأنا اللي كنت فاكِر إن
الشاعر "القطامي" هو اللي ناقل منك أسلوبك في الشعر . بس كذا ممكن
يكون هو اللي كان سبقك وانت اللي نقلت منه، وخاصة إن اتو الاتنين
كنتو عايشين في نفس الفترة .

- يا عم مش فارقة مين ناقل من مين، نعم ربنا اللي إدهالي في اللجنة شغلتنني
عن الحاجات اللي كنت بعملمها في الدنيا . "ولا خوف عليهم ولا هم
يجزنون" . وقت ما كنا في الدنيا، كان الواحد يعصر مخه عصر شهور
طويلة أو سنة كاملة عشان يكتب قصيدة مديح في واحد غني، ويا إما
يرجع وقفاه بيأمر عيش، يا إما يدريك مبلغ ما يكفينش عيش حاف .
عموما الشعر عند العرب من أفضل الحاجات اللي كانوا بيمعلوها .

شوية ويبيلكم، الشاعر "ليد ابن أبي ربيعة"، فيعزمكم تروحوا معاه
بيته في حنة اسمها "القيسية"، وحلف عليكم بالجامد لروحوا معاه . واتو
بتمشوا هيظهر قدامكو فجأة ثلاث قصور عملاقة جميلة جدا، فيسألك
"ليد":

- تعرف يا ابن القارح يا أدينا يا حلبي القصور دي بتاعة مين؟
- لا والله معنديش فكرة .

دول ثلاث قصور ربنا اداهولي عشان الأبيات الثلاثة اللي أنا قلتها:

الأولى:

أحسن عبادة إنك تتقي ربنا . . . وربنا هو اللي في إيده كل شيء

والثانية:

الحمد لله اللي ملهوش شريك . . . هو اللي في إيده الخير، واللي عايزه يكون

والثالثة:

أحسن واحد اللي ربنا بهديه . . . يبقى باله رايق وأحسن من التايهين

فربنا حوَّلي الأبيات الثلاثة دول لبيوت في الجنة أسكنها على طول .

فتعجبوا كلكم وتقولوا: "سبحانه، قادر على كل شيء" .

(٣)

المعري بيتخيل إزاي ابن القارح دخل الجنة

انت يا شيخنا لما تلاقيهم مختارين من ذاكرتك في الشعر تقولهم:
طلب أنا هحكيكو حكايتي . أنا لما قمت من القبر، ووقفت في ساحة
القبامة، افتكرت الآية اللي بتقول: "تخرج الملائكة والروح إليه في يوم كان
مهداره خمسين ألف سنة، فاصبر صبراً جميلاً" عشان الوقت طال عليا أوي،
وعطشت جامد والحر بقى لا يطاق ومفيش حتى نسمة هوا واحدة، وأنا
أساساً راجل بعطش بسرعة جدا، وعرفت إن دا كدا آخري وإني مش هقدر
استحمل أكثر من كدا. بس أخيراً جالي الملك اللي معاه الكتاب اللي فيه
أعمال الكويسة، فلقيت حسناتي أقل من نبات ميت في سنة مفيهاش مطر،
بس في آخر الصفحة شفت تويتي كأنها كشاف نور حد رافعهولي عشان
أشوف بيه الطريق. فلما فضلت واقف كدا حوالي شهر أو شهرين،
ونخفت من كتر عرقي لأغرق فيه، فكرت في فكرة نميسة، وهي إني أقول
بيت شعر حلو في "رضوان"، حارس الجنة. وبدل بيت "امرؤ القيس"
بتاع: "أنا عايز أعيط على ذكرى الحبيب والعرفان" شلت عرفان وحطيت
"رضوان"، وبعدين اتزاحمت في الناسو لغاية لما وقفت في مكان يسمعي

ويشوفني منه كويس . بس هو ولا هو هنا ، ومعتقدش حتى إنه خد باله أنا
كنت بقول إيه . اتضايقت شوية كدا بيحي بتاع عشر أيام من بتوع الدنيا
وبعدين رحتم عملتله بيت ثاني على وزن بيت كان عمله الشاعر "جبريل"
فطشني زي المرة الأولى بالظبط ، وكأني بمحاول أحرك جبل بصباح واحد ، أو
عايز أطلع عسل من التراب . وفضلت كدا شغال على كل الأبيات اللي
أعرفها اللي ممكن أبدل كلمة فيها بـ "رضوان" لغاية لما خلصت كل البيت
عندي ، وهو مش مركز معايا خالص أساسا . ولا شكله حتى كان فاهم أنا
كنت بقول إيه . وبعد خلاص ما غلب حماري ندهت بأعلى صوتي :

- "يا رضوان" ، يا اللي ربنا ما تمكنا على فردوسه ، مش بترد علينا إيه؟
مش سامعني ولا إيه؟

- سمعتك بتقول "رضوان" بس معرفتش عايز مني إيه . طلباتك إيه يا
مسكين؟

- أنا راجل ملياش صبر على العطش ، ومدة الحساب طولت ، وأنا معايا
صك بالتوية ، والصك دا يمحى الذنوب كلها ، وأنا عمال أمدح فيك
بأشعار كتير وحطيت فيها اسمك كمان .

- يعني إيه أشعار؟ أنا أول مرة أسمع الكلمة دي .

- الأشعار جمع شعر ، والشعر هو الكلام اللي ليه وزن ، لو زاد عليه أو
نقص نحس على طول إن فيه حاجة غلط ، وكانت الناس في الدنيا
بيستخدموه ساعات عشان يقربوا به من الملوك والباشاوات ، وأنا قتلتك
شوية منه عشان تسمجلي أدخل الجنة من الباب دا ، عشان أنا استطولت

الولفة بصراحة ، وأنا راجل ضعيف ومش حمل الوقفة دي ، وأنا طلبت
من ربنا المغفرة وشايف إنني أستحقها إن شاء الله .

انت فهمك على قدك شكلك ، انت عايزني أدخلك الجنة من غير إذن
ربنا؟ يا لهوي عليك ، "وأن لهم التناوش من مكان بعيد" .

فسيته ورحتم عند حارس ثاني للجنة اسمه "زفر" وعملته شعر على
وزن شعر لـ "ليبد" وسمعتوه ، بس ولا الهوا ، ولا كإني بكلم حيطه . ما
بفلس بيت ينفع أبدل كلمة منه بـ "زفر" إلا وقتتهوله ، بس ولا اتهرلته
شوية حتى ، فقلتلته :

والله مش معقول كدا ، الواحد في الدنيا كان يقول بيتين ولا ثلاثة لأي
ملك أو رئيس ، فيظبطه ويديله كل اللي نفسه فيه ، وأنا قلت فيك شعر
لو كان اتجمع كان اتعمل ديوان بحاله ، بس انت ولا كإنيك سمعت منه
ولا حتى كلمة .

أنا ما حستش بأي حاجة من اللي انت قلتها ، ومتيألي إن اللي انت قلته
دا من كلام "إيليس" ، وكلام "إيليس" ما يدخلش على الملايكة ،
الكلام دا يشي بس على الجن ، وهم علموه لولاد آدم . المههم ، عايز إيه؟

عايز أدخل الجنة بقى ، تعبت .

مكنش يتعز ، بس مفيش في إيدي حاجة أعملها لك . إنت من أنهي أمة؟

أنا من أمة "محمد ابن عبد المطلب" .

- عندك حق، دا نبي العرب، وعشان كدا عمال تقولي شعر، عشان
"إبليس" اللعين خلى كل سكان منطقة العرب يتعلموا الشعر، رجالة
وستات. أنا هنصحك نصيحة لوجه الله، عايز تخرج من هنا، يلى
عليك وعلى النبي، هو يساعدك في اللي انت عايزه.

زهقت منه ومن قلة حيلته، فضلت أمشى بين الناس، فلقيت راجل
متور وحواليه رجالة نورهم ولا الشمس، فسألت مين دا، فقالولي دا "حمزة
ابن عبد المطلب" اللي قتله "وحشي"، واللي حواليه دول كانوا شهداء
غزوة "أحد". فقلت بيني وبين نفسي: الشعر هينفع مع الناس دول أكثر
من حراس الجنة، عشان دول واخدين على الشعر وهم أصلا شعرا
و"حمزة" هو وكل عيلته شعرا أبا عن جد. فعملت شعر على وزن أبيات
"كعب ابن مالك" كان عملها من زعله على موت "حمزة". قربت منه
وناديت: يا حمزة، يا سيد الشهداء، يا عم الرسول، يا ابن عبد المطلب،
فلما جالي قتلته الأبيات اللي عملتهاله فقلالي:

- يخرب بيتك، انت جاي تمدحني في الظروف اللي احنا فيها دي؟ انت ما
سمعتش الآية: "لكل امرئ يومئذ شأن يغنيه"؟

- سمعتها، وسمعت اللي بعدها كمان: "وجوه يومئذ مسفرة، ضاحكة
مستبشرة، ووجوه يومئذ عليها غبرة، ترهقها قفرة، أولئك هم الكفرة الفجرة".

- أنا مقدرش أعملك حاجة في اللي انت عايزه دا، بس هبعث معاك واحد
يساعدك تقابل "علي ابن أبو طالب" وهو يكلم النبي في موضوعك.

بعثت معايا راجل لأمر المؤمنين. والراجل حكاه حكايتي، فقلالي
علي: "وريني يابني كتاب أعمالك الكويسة". لما طلب مني "علي"
الكتاب، افكرت إن أنا كنت شفت في الزحمة دي شيخ كان بيدرسلنا نحو في
الدنيا، اسمه "أبو علي الفارسي"، وكان ملموم عليه ناس بيقولوله: "انت
لهدت علينا في الدنيا وظلمتنا" فلما الشيخ شافني شاوري لي إني أجي. فلما
وصلت عنده، لقيت عنده ناس كثير من ضمنهم "يزيد ابن الحكم الكلبي"
وهو بيقله: "الله يخرب بيتك، رفعت المنصب ونصبت المرفوع، وخليت
دهالي الشعر بتاعي تبوظ". وواحد ثاني قاله: "انت جيت تفسيرات الشعر
بتاعي دي مين؟ دا مفيش حد قال كدا أبدا في العرب قبل كدا." وواحد
ثالث زعق له وقال: "مجنون أنا عشان أقول الكلام اللي انت قلت إن أنا
لله؟" والناس متجمعه عليه عمالين يلوموه على تفسيراته، فقتلهم: "يا
جماعة، كل دي أمور هينة، سيبوا الراجل في حاله، دا مهمماكان برضه هو
اللي عمل كتاب "كتاب الحججة" عن القرآن الكريم، وبعدين هو
مفلكومش حد، ولا سرق منكو فلوس، فابعدوا عنه وشوفوا حالكو".

أنا فضلت شوية كدا أهدي النفوس بينهم، بس فجأة بيص كدا،
لهدت صك التوبة وقع مني، رجعت أدور عليه بس برضه ملقيتيهوش،
فالتحزبت وخفت وقلقت جدا، فقلالي أمير المؤمنين:

- متقلقش، عندك شاهد بموضوع التوبة دا؟

- أه، القاضي بتاع حلب والمساعدين بتوعه.

- اسمه إيه؟

- "عبد المنعم ابن عبد الكريم".

فراح واحد نادى على "عبد المنعم"، وسأله: "انت شاهد على صلح التوبة بتاع "ابن القارح"؟" فمحدث رد عليه، وأنا اترعبت وابتديت أترعش، فنادى ثاني، بس برضه محدش رد عليه، فنادى ثالث مرة، فره عليه صوت وقال: "أيوه، أنا شفت "ابن القارح" وهو بياخذ صلح التوبة، خد الصك متأخر، بس أنا وكل مساعديني شفتاه". وروحي رجعت فيا بعد ما رد، وقمت وخذت نفسي مرة ثانية، وقلت لأمر المؤمنين على طلبي. بس معبرنيش وقالني: "انت عايز حاجة مستحيلة، وعندك ولاد أبوك آدم، شوفهم عاملين إزاي". سبتة وطلعت أجري على حوض المية بتاع النبي ووصلت بالعافية، وشربت منه حبة خلونني ما أعطش بعد كذا أبداً. والكفرة كانوا يبحاولوا يقربوا من الحوض هما كمان يشربوا، بس كانوا حراس الجحيم بيمنعومهم ويبضربوهم بعصيان بتطلع نار، فيرجع الكفرة وفيهم اللي تحرق وشه أو أيده وعمالين يزعقوا ويلعنوا.

فضلت ما شي بعدها لغاية لما رحنت عند أهل النبي الأصول ولاد الأصول. وقتلتهم:

- أنا لما كنت في الدنيا، لما كنت آجي أكتب أي كتاب، كنت بقول الخاتمة، وصلى الله على سيدنا محمد وعلى أهله الطيبين الأخيار، ومتيألي يعني دا ممكن يشفعلي اني أطلب منكم طلب.

- عايز إيه؟

- بصوا هي سننا فاطمة دخلت الجنة من زمان، بس هي كل شوية، حوالي كل ٢٤ ساعة من وقت الدنيا، بتطلع من الجنة تسلم على أبوها اللي قاعد برة

عشان يحكم بين الناس، وبعدين بترجع ثاني على الجنة، فلما تخرج المرة الجاية، قولوها على حكايتي، يمكن هي توصل لأبوها موضوعي.

فلما جه وقت خروجها ونادى ملك على الناس إنهم يبصوا في الأرض لغاية لما فاطمة تعدي، اتلم عليها ناس كثير رجالة وستات من نسل أبو طالب، عمرهم ولا شربوا خمر ولا عملوا أي حاجة من الكبائر. فلما شافتهم سألتهم:

ما لكم متجمعين كدا ليه؟ عايزين حاجة؟

احنا كويسين الحمد لله، ومستمتعين بنعم الجنة، ومش مستعجلين على دخولها قبل معادنا، لإننا واثقين في ربنا لما قال: "إن الذين سبقت لهم منا الحسنى أولئك عنها مبعدون لا يسمعون حسيها وهم فيما اشتهدت أنفسهم خالدون لا يحزنهم الفزع الأكبر وتلقاهم الملائكة هذا يومكم الذي كنتم توعدون".

وكان موجود في اللمة دي "علي ابن الحسين" وولاده "محمد" و"زيد" وناس ثانية من الصالحين، وكان فيه واحدة ثانية مع سننا "فاطمة" لها هيبتها وعظمتها كدا، فالناس سألت مين دي، فقالولهم دي "خديجة بنت خويلد"، وكان حوالين سننا "خديجة" شباب راكبين احصنة من النور، فقالوا: مين دول؟ فقالوا دول ولاد النبي الرجالة "عبد الله، والقاسم، والطيب، والظاهر، وإبراهيم".

فحاولوا الناس اللي في اللمة دي يتشفعولي:

- يا أهل النبي، دا واحد ابن حلال، وخد صك التوبة خلاص، ومكاهه
الجنة كدا كدا، وهو اترجانا نكلمكم، نكلموا النبي، في إنه بفوت
الموقف دا، ويستعجل دخوله الجنة.

فقال "فاطمة" لأخوها "إبراهيم":

- شوف طلبات الراجل دا يا "إبراهيم".

فقال "إبراهيم" تعال معايا يا "ابن القارح"، وشدني على
حصانه. فضلت الخيل تشق الطريق بين الناس، بس لما الزحمة زادت أوي
طارت، وأنا ما سلك في "إبراهيم"، لغاية لما وقفت الخيل عند النبي، فسأل
النبي ستننا فاطمة:

- مين الراجل الغريب دا؟

- دا راجل اتشفع ليه ناس من أهل البيت الطاهرين.

- طيب استني لغاية لما أشوف كتاب أعماله.

لما شاف إن كتاب أعماله آخره محتوم بختم التوبة، شفعلني،
وسمحلني إني أدخل الجنة. فلما مشيت ستننا فاطمة، اتشعلت في حصان
"إبراهيم". ولما خلصنا من الزحمة، قالولي: "دا الصراط، عدي عليه".
الصراط كان فاضي ما عليهوش حد غري. حاولت أعديه، بس لقيتني
كنت هقع، فراحت ستننا فاطمة قالت لجارية من جواربها: "يا فلانة،
ساعديه". حاولت تساعدني بس أنا كنت عمال أترجح بين وشمال،
فقلتلها:

بهي بقي، لو عايزة تساعدني فعلا، اعلمي معايا زي ما قال الشاعر:
"يا ست الكل لو تعبتني مني، ابقي شيليني هيليا بيلا".

و"هيليا بيلا" دي اللي هي إيه؟

بعتني تشيليني "أويا" كدا زي العميال وعدي انتي بيا.

فشالنتي وعدت بيا بسرعة البرق، وأول ما وصلت الناحية الثانية،
سنا "فاطمة" بضت للجارية وقالتلي: "خليها لك، تخدملك في الجنة".
لما وصلت عند باب الجنة قابلت "رضوان" فقالي:

معاك إذن دخول؟

لا.

يبقى ما ينفعش تدخل. هات الإذن وأنا أدخلك.

فوقفت مختار مش عارف أعمل إيه، وكان فيه شجرة صفصاف كبير
لرربة من باب الجنة من جوة، فقلت "لرضوان":

طب هاتلي ورقة من الشجرة اللي وراك دي أروح آخذ الإذن عليها.

لا، ما بخرجش حاجة من الجنة إلا بأمر من ربنا سبحانه وتعالى.

لا إله إلا الله، إنا لله وإنا إليه راجعون، والله لو الأمير بتاعنا في الدنيا كان
ليه حارس زيك كدا، ما كناش عرفنا نطلع منه نكلة.

بص "إبراهيم" وراه، فلقاني واقف بعيد عنه مش عارف أدخل،
فراج راجع وشدني شدة، لقيت نفسي بعدها جوة الجنة معاه. وأنا وقفت في
الموقف دا ست شهور من شهور الدنيا. عشان كدا أنا لسه فاكر كل حاجة

حصلتلي في الدنيا، المصاعب والأهوال اللي شفتها في الموقف، مكتتش أورا
لدرجة إنها تفقدني الذاكرة.

(٤)

عزومة الجنة

هبيخطر على بالك بعد كدا إنك تعمل عزومة كبيرة، تجمع فيها أكبر
عدد ممكن من الشعراء، مسلمين ومشي مسلمين، وكل العلماء اللي كتبوا
عن اللغة العربية وكتبوا قواعدها وأصولها في كتب، وحتى الناس اللي
ملهاش باع طويل في الأدب. والعزومة تبقى عاملة زي عزومات الدنيا،
وخاصة إن ربنا قادر يجيبلك كل اللي نفسك فيه وكل اللي انت عايزه بسرعة
ومن غير أي صعوبة. بس رغم كدا يا شيخنا، مزاجك يهفك إنه بتبنيك
طواحين في الجنة عند نهر "الكوثر" وتتمزج كدا وانت بتسمعها وهي
بتطحن الدرة بتاعة الجنة، اللي هي أحسن مليون مرة من الدرة اللي
"الهذلي" قال فيها شعر. الفرق بين درة الجنة ودرة الدنيا، زي الفرق بين
السماء والأرض. وتطلب من ربنا كمان، إنه يجيبلك حور عين معاهم
طواحين إيد، ويقعدوا يطحنوا الدرة بإيديهم، وتبقى طواحين الإيد،
واحدة من الماس، وواحدة من الذهب وطواحين تانية من جواهر مسمش
عنها أهل الدنيا أساسا. ولما تشوف منظرهم كدا وهما يطحنوا، تشكر ربنا
وتفكر بيت الشعر اللي بيقول:

حضرت لضيو في خدامتين... زي العسل أوي وحلويين

وتبسملهم وتقولهم: "أبوة كدا يا بنات، اطحنوا كدا: بين شمال، وبين وشمال".

وبعدين تفكر: "وليه كمان ما أشوفش البهايم وهي بتطحن؟" فنظروا فجأة قدامك طواحين كثيرة من الجواهر بيلف فيها جمال قوية وعقبة، وبهايم من كل صنف ونوع. ولما بتجتمع عندك كمية الدقيق اللي انت شايفها كالمية للعزومة، يجوا الولدان المخلدون جري ويجيبوا معاهم جديان وحمام، وطواويس، وفراخ، وكناكيت، وبقر، وخرفان، ومميز، وجمال عشان يدبحوها، فتسمع أصوات الجمال وهي بتتدبح وتشوف رغاوي بقها، وماما الخرفان، وصوت الديكة، ولكن رغم كل حاجة، الحيوانات مش هتحمس بأي ألم وهي بتتدبح، رحمة من عند ربنا، هيبقى كله كإيه تمثيلية وهزار. وسبحانه وتعالى على إبداعه في خلق حيوانات وطيور من كل لون وصنف ونوع.

فلما تتدبح كل الحيوانات والطيور، هتنادي على الملايكة عشان يجمعولك كل الطباخين اللي في الجنة اللي كانوا من حلب من أول ما ربنا خلق حلب، فيجيبك عدد مهول، وتؤمرهم إن يطبخوا الأكل دا عشان العزومة. ودا من نعم ربنا على الناس في الجنة، لأنه قال: "وفيها ما تشتهي الأنفس وتلذ الأعين وأنتم فيها خالدون وتلك الجنة التي أوردتموها بما كنتم تعملون. لكم فيها فاكهة كثيرة منها تأكلون".

وأول ما يجي الأكل، يروح الولدان المخلدون عشان يجيبوا المدعويين، فميسبوش أي شاعر أو أديب ليه علاقة بالأديب من قريب أو بعيد إلا

والله، فيجتمع عندك كمية ناس رهيبة، فيحطوا الأكل على ترابيزات من الذهب فوق صواني من الفضة، ويوزعوا عليهم أطباق الأكل. لما يخلصوا الأكل، بيتندي بتوزع عليهم المشروبات وتيجي المطربات تغني. وتقولهم: "أي واحد كان مطرب في الدنيا وربنا غفرله ودخله الجنة يجي عندي".

هيجيبك مجموعة كبيرة من السنات والرجالة، بس "الجرادتين" ما يجوش، رغم إن فيه واحد أكد إن هو شافهم في الجنة، فتنده وتقول: "هاتولي الجرادتين فوراً". فيركب شوية من الخدامين بتوعك ناقة من بتوع الجنة، وروحوا يجيبوهم بسرعة البرق. فتسلم عليهم وتبسملهم وتقولهم:

قولولي بقى انتو إزاي دخلتوا الجنة؟

ربنا غفرلنا ذنوبنا ومنا واحنا مؤمنين بكل أنبياءه ورسله.

طب بقولكو إيه، ما تغتولنا القصيدة اللي بنتتهي بالحاء، اللي مرة يقولوا دي بتاعة "عبيد ابن الأبرص" ومرة يقولوا: لأ، دي بتاعة "أوس التميمي".

ورغم إن الجرادتين عمرهم ما سمعوا أصلاً بـ"عبيد" أو "أوس" إلا إن الإلهام ينزل عليهم بكلمات القصيدة فيلحنوها ويبتدوا يغنوها ويطربوا كل اللي قاعدين، ويفرحوا قلوبهم بصوتهم الجميل، ويخلوهم يحمدا وربنا على نعمته عليهم في الجنة بعد قرف الدنيا ومشاكلها.

فيخطر على بالك يا شيخنا إنك تشوف سحابة، زي السحابة البديعة اللي وصفها مرة شاعر في قصيدته وقال: "وسحاب محمل مطر كثير، جاي علينا من الجنوب بالخير"، فيبعثلك ربنا سحابة أحلى منها، اللي يشوفها يظن إنه عمره ما شاف في جمالها قبل كدا، متزينة في نصها وأطرافها

بالبرق، ويتمطر مية ورد من الجنة وبدل الثلج، ينزل حبات صغيرة لعلها
من الكافور، سبحان الله القادر إن هو يحققنا أي مطلب ومش ببعجزه أي
تصور يبي في دماغنا.

تبص حواليك فتشوف الشاعر "جران العود النمبري" فتسلم عليه
وترحب به، وتقول لشوية من المطربات: "ما تسمعونا حاجة من قصائد
الراجل الجميل دا؟" فتغني المطربات، لكن واحدة بالذات منهم صوتها
يعجب الناس أوي، فتسألكو المطربة:

- انتو عارفين أنا مين؟

- لا والله ما نعرفش.

- أنا "أم عمرو" اللي الشاعر قال فيها:

ما تبعديش عني الكاس يا أم عمرو... دا أحلى كاس هو كاس الصبح

فيعجب بيها الجماعة أكثر ويسألوها:

- صحيح هو مين اللي قال البيت دا؟ "عمرو ابن عدي"، ولا "عمرو ابن
كلثوم"؟

- والله اللي أنا اعرفه إن أنا كنت قاعدة مع "عمرو ابن عدي" لما جم
"مالك" و"عقيل" بخدوه، وساعتها قال البيت دا. يمكن بقى "عمرو
ابن كلثوم" أعجب بالبيت دا وزوده في قصيدته.

فلما نسمع الحكاية دي نتفكر الأبيات اللي قالوا إنها بتاعة "الخليل ابن
أحمد"، و"الخليل" كان قاعد معاكو في العزومة، فتحس إن الأبيات دي

صحبائك مشيوا يا حلوة... يا تروحي معاهم يا تخليكي هنا

كانوا قمر ١٤ الأريمة... يا تسطيني زيهم يا شمسي من هنا

فتنهز الجنة من الرقص والضحك. فتسأل "الخليل":

- مين اللي قال الأبيات دي يا "أبو عبد الرحمن"؟

- معرفش.

- واحنا في الدنيا كنا فاكرين إن الأبيات دي بتاعتك.

- مش فاكِر إن أنا قلت الكلام دا قبل كدا. ويمكن يكون عندكو حق، الله
أعلم.

- نسيت يا "أبو عبد الرحمن" وانت كان مفيش حد أبداً عنده ذاكرة زي
بتاعتك؟

- اللي بيعدي على الصراط، دماغه وذاكرته بيقوا أنصف من الصيني بعد
غسيله.

ويجي على بالك يا سيدنا تشرب مشروب الشعير أبو فقايع اللي كانوا
بيعملوه في الدنيا، فتلاقي ربنا في لحظة عملك نهر شعير، البق الواحد
بالدنيا وما فيها من يوم ما اتخلقت ولغاية يوم القيامة. فتقول: "سبحان
الله، بس أنا اللي كان نفسي فيه فعلا إن بياعين الشعير يلفوا علينا يسقونا

زي ما كان بيحصل في الدنيا " . وقيل ما تكمل جملتك ، يكون ربنا جمع كل
بباعين الشعر اللي في الجنة ، منهم اللي كان من العراق أو الشام أو غيرهم ،
وجابهم عندك وقدامهم ولدان مخلدون بيساعدوهم .

ويعدي ما بينكم وانتو قاعدين طاووس من الجنة آية في الجمال ،
فيصله " أبو عبيده " ويتخيله وهو مطبوخ بالخل ، فيتحول للحمة مطبوخة
على صينية من ذهب . بعد ما يخلص أكل ويشبع ، يتجمع عضم الطاووس
ويرجع ثاني زي ما كان . فيقولوا الجماعة : " سبحان من يحي العظام وهي
رميم " . دا زي ما ربنا قال بالظبط : " وإذ قال إبراهيم رب أرني كيف تحيي
الموتى قال أولم تؤمن قال بلى ولكن ليظمن قلبي قال فخذ أربعة من الطير
فصرهن إليك ثم اجعل على كل جبل منهن جزءا ثم ادعهن يأتينك سعيا
واعلم أن الله عزيز حكيم " . فتقولهم :

- اعربولي " يظمن " اللي في الآية .
- منصوبة بحرف اللام اللي بمعنى " عشان " .
- وينفع تنعرب حاجة ثانية غير كذا؟
- مش جاي دلوقتي حاجة ثانية على بالننا .
- ممكن تبقى مجزومة بحرف لام الأمر بمعنى " خلي " يعني أنا أه آمنت ، بس
خلي قلبي يظمن .
- تصدق تمشي برضه .

وتعدي عليكم وزة مكلبطة ، فيتمناها شوية من الجماعة مشوية ،
فتبقى مشوية قدامهم على صينية من الزمرد ، وبعد ما يكلوها ، ترجع ثاني
وزة حية ، فيتمناها مجموعة ثانية تبقى معمولة كباب ، ومجموعة تالته بالفلفل

الحراق . وراعبة باللبن والخل ، والوزة تفضل تتعمل على حسب رغبة كل
مجموعة . وتنفض العزومة ويروحوا الناس وهم مبسوطين .

(٥)

الهوريات

وبعدين تقعد لوحذك مع حوريتين ، فلما يبهرك جمالهم تحزن وتقول :
" والله أنا حز في نفسي موت " امرؤ القيس " . أصل انتو فكرتوني بيه لما
قال :

كانوا الاتنين لما يقوموا من مكانهم . . . يفوح منهم مسك نسيم الصبح
والقرنفل

بس هم فين وانتو فين؟ القعدة معاكم ولو دقيقة واحدة من دقائق
الدنيا ، بكل كنوز الدنيا ويبقى قليل عليكم كمان . "

وتقرب على كل واحدة منهم وتبوسهم وتبلع ريقهم وتقول : " امرؤ
القيس " دا بجد مسكين ، مسكين حقيقي يعني ، عضمه بيتحرق دلوقتي في
جهنم في الوقت اللي افتكرتله بيته اللي بيقول :

طعم النيذ والنسيم وندى الصبح . . . على سنانها اللي في بياض الثلج

فتستغرب واحدة من الحوريتين وتضحك، فتسألها:

- بتضحكي على إيه؟

- انت عارف أنا مين يا "ابن القارح"؟

- واحدة من حور الجنة اللي ربنا خلقهم عشان المتقين، وقال فيهم "كأنهن الباقوت والمرجان".

- أنا بقيت كدا دلوقتي بفضل ربنا، لكن أنا كنت في الدنيا اسمي "حمدونة" وكنت ساكنة في حلب، وأبويا كان عنده طاحونة، وجوزي كان شغال في الخردة، وطلقتني عشان ريحة بقي كانت وحشة، غير إن أنا أساسا كنت من أوحش ستات حلب، فزهقت من الدنيا وسبتها واتفرغت للعبادة وعشت من عرق جبينى من الغزل والخياطة، بقيت زي ما انت شايف كدا.

فتروح سالاك الثانية:

- طب انت عارف أنا كمان مين يا "علي"؟ أنا "توفيق السودا" اللي كنت يشتغل في مكتبة دار العلم اللي في بغداد، وكنت بوذي الكتب للخطاطين عشان يعملوا منها نسخ تانية.

- لا إله إلا الله، كنتي سودا فبقيتي أبيض من القشطة.

- مستغرب ليه؟ مسمعتش الشاعر اللي قال:

لو ذرة واحدة بس من نوره . . . لست كل سود الدنيا، هتبيضهم

فيعدي عليك ملاك، فتقوله:

تعالى هنا يا بني احكي لي عن حور العين، مش ربنا قال: "إنا أنشأناهن إنشاء، فجعلناهن أبكارا، عربا أثريا، لأصحاب اليمين".

بص، هو فيه منهم نوعين، فيه منهم اللي اتخلق في الجنة وميعرفش غيرها أساسا، ونوع تاني ربنا حوله من الدنيا عشان أعمالهم كانت صالحة.

بجد؟ طب ألاقي فين اللي عمرهم ما عاشوا في الدنيا وما شافوش غير الجنة؟ وأعرفهم عن غيرهم إزاي؟

تعالى ورايا وأنا أوريك عظمة ربنا.

فتمشي وراه، فيوديك لجنينة ما يعلم بيها إلا الله، ويقولك: "خدلك فاكهة من الشجرة دي، واكسرها، الشجر دا اسمه شجر الحور".

فتاخذ أي فاكهة وتكسرها فتخرج منها حورية عينيتها واسعة وجمالها بجنن، وتقولك:

- انت مين؟

- أنا "علي ابن منصور القارح".

- ياإيه، دا أنا مشتاقة أشوفك من زمان أوي، من قبل ما ربنا يخلق الدنيا يجي بأربع آلاف سنة كدا.

فتسجد لربنا تشكره وتقول: "دا زي ما جه في الحديث القدسي: 'أعددت لعبادي المؤمنين ما لا عين رأت، ولا أذن سمعت، بله ما اطلمتم عليه'".

بس وانت ساجد تاخذ بالك إن الحورية دي رغم جمالها رقيقة، فترلع
راسك من السجدة، تلاقي فخادها بقت ضخمة بشكل مبالغ فيه، فتدهمي
ربنا وتقوله:

- يا رب، انت القادر على كل شيء، أنا مش عايزها ولا رقيقة ولا نحيلة،
يعني تكون مبربة كدا بس.

- الحورية بتاعتك، شكّلها زي ما انت عايز، كل اللي عليك إنك تتمنى
بس.

(٦)

رحلة "ابن القارح" لأهل النار

ويخطر على بالك يا مولانا إنك تروح عند أهل النار عشان تشوفهم
عاملين إزاي وتشكر ربنا أكثر على نعمته، زي الآية اللي بتقول: " قال قائل
منهم إني كان لي قرين يقول أتذك لمن المصدقين أئذا متنا وكنا ترابا وعظاما
أنا لمدينون قال هل أنتم مطلعون فاطلع فرآه في سواء الجحيم قال تالله إن
كادت لتردين ولولا نعمة ربي لكنت من المحضرين " .

فتركب حاجة، وتتمشى في الجنة فتعدي على مدينة مش شبه مدن
الجنة، ومش منورة زي الباقي، فيها ترع مية ضيقة وأشجار مبتخليش أي
نور يدخل المكان، فتسأل شوية ملايكة:

- إيه المدينة دي يا جماعة؟

- دي جنة العفاريت اللي آمتوا بسيدنا محمد، اللي ربنا ذكرهم في سورة
الأحقاف وسورة الجن .

- أنا لازم أدخل أشوفهم، أكيد عندهم حاجات غريبة تشد انتباهي .

تدخل المدينة دي، فتلاقي شيخ قاعد على باب مغارة. تسلم عليه،
فيرد عليك السلام ويسألك:

- انت مين يا إنسي؟ وإيه اللي رماك علينا؟ احنا عمرنا ما ورد علينا حد زيك.
- سمعت إن التو جن مؤمنين، فجيت أشوف أخباركم وأحوالكم،
وأشوف لو عندكو شعر عفاريتي.

- انت جيت للشخص الصح. قولني بقى عايز تعرف إيه؟
- اسمك إيه؟

- اسمي "خيتمور"، من قبيلة "الشيصبان". واحنا مش من ولاد
"إبليس"، إحنا من الجن اللي كانوا موجودين على الأرض من قبل ما
آدم يتخلق.

- طب احكي لي عن أشعار الجن. خاصة إن كان فيه واحد في الدنيا اسمه
"المرزباني" كان جمع شوية من أشعار الجن.

- دا هبل، اللي يعرفه البشر عن أشعار الجن، هو بالظبط اللي تعرفه
الجاموسة عن علم الفلك أو عن التخطيط العمراني. انتو آخركم ١٥
وزن للشعر، لكن احنا عندنا آلاف الأوزان، عمركو ما سمعتوا عنها.
وكل الشعر اللي تعرفوه، شوية أطفال عيال عندنا هم اللي همسوا بيه في
ودانكو، ودول يا دوب شوية من شعرنا، يعني اللي تعرفوه زي سلاكة
سنان مقارنة بغابة أشجار. دا أنا نفسي قلت شعر قبل ربنا ما يخلق آدم
بحوالي مرحلة أو مرحلتين كدا. أنا عارف إنكو فرحانين أوي بقصيدة
"امرؤ القيس" اللي مطلعها يقول:

تعالوا نقف نعيظ على ذكرى الحبيب

لدرجة إنكو بتحفظوها للعيال في المدارس، ولو حبيت، أنا أعملك
دلوقتي حالا ألف بيت على نفس الوزن، وألف على كل وزن من الأوزان
الدانية. وكل الهليلية دي على شاعر مات كافر وعمال بيتشوي دلوقتي في نار
جهنم.

ما شاء الله عليك يا شيخ، ذاكرتك حديدية.

انت فاكر إن احنا زيكم، ذاكرتنا بياكلها النسيان والرطوبة ويتصدي؟ لأ
طبعا، انتو اصلكو اتخلقتو من طين، لكن احنا من نار.

طب ما تقولي حاجة من الشعر دا؟

طبعا أقولك، ما أقولكش ليه؟ دا أنا ممكن أفضل أقولك شعر ما
يكفيهبوش كل كتب الدنيا.

طب قول وأنا أكتب وراك. ولا أقولك، لأ مش هكتب. أصل أنا لما
كنت في الدنيا قعدت أجمع في شعر ما نفعنيش بمجاجة. أنا كنت بجمعه
عشان أقوله للرؤساء عشان اتقرب بيه منهم، فكانوا بيتكرموا عليا
بمجات ما تسدش جوعي. وبصراحة تبقى قلة عقل مني لو سبت كل
نعم اللجنة عشان أقعد أكتب في شعر العفاريت، وخاصة إن يوم القيامة
خلي معظم أهل الجنة ينسوا حاجات كتير، فبقيت أنا، الحمد لله، أكثر
واحد فيهم حافظ شعر. بقولك إيه؟ سيبك من الموضوع دا. انت عندك
ولاد؟ يقولوك "أبو" إيه يعني؟

يقولولي "أبو هدرش". وأنا خلقت عيال ياما، بقوا قبائل كتيرة، فيه
منهم اللي في النار دلوقتي وفيه منهم اللي في الجنة.

- طيب يا " أبو هدرش " انت ليه شايب رغم إن أهل الجنة شباب؟

- دي من نعم ربنا على أهل آدم في الجنة، لكن احنا خلاص معندناش الميزة دي، عشان لما كنا في الدنيا، كان عندنا القدرة إننا نتحول لأي حاجة إحنا عايزناها، يعني بقى على شكل تعبان أو عصفورة، أو حمامة، فانتشالت من الميزة دي في الجنة وبقينا على شكلنا الحقيقي، وربنا عوضكم في الجنة.

يااه، متفكرنيش، دا الواحد شاف أيام معاكو في الدنيا متنسيش. أنا شفت منكو شر كثير، وانتو شفتو مني برضه شر كثير. دخلت مرة بيت كنت عايز أركب بنت عندهم، فعملت نفسي فار، فجابولي قطعة، فعملت نفسي تعبان واستخبيت تحت جذع نخلة كان موجود هناك، بس كشفوني برضه، فخفت أتقتل، فحولت نفسي لرياح خفيفة واستخبيت بين خشب السقف، فشالوه، بس مشافوش حاجة، فاستغربوا أوي وقالوا: " مفيش مكان هنا ممكن يستخبي فيه ". سبتهم يستغربوا ونطيت على بنت قاعدة تحت ناموسية، فلما شافتني اتصرفت. أهلها كلهم اتملوا وجابولها دكاترة، وجابولها ستات بتخرج الغفاريات، ومسابوش رقية إلا وقالوها عشان أخرج وأنا ما بخرجش، وقعدوا يدوها في أدوية تشربها، وأنا لا بد في جسمها ما يتحركش. فتعبت ومرضت أوي، وأنا ما سك فيها ما سبتشاش غير لما ماتت. دورت على واحدة تانية وتالته ورابعة، لغاية لما ربنا تاب عليها وبطلت. ومن ساعتها ما ببطلش أشكره وبذكراه دايمًا في أشعار زي:

ليك الحمد ياللي محيت ذنوبي... غفرتها بفضلك ومسحت عيوبى

- الله عليك يا " أبو هدرش ". باين عليك من أسلوبيك إنك أستاذ في الشعر. بس قولني صحيح، هو انتو عندكم لغات زينا؟ يعني عندنا احنا الإنس، تلاقي العرب مش يفهموا الروم، ولا الروم يفهموا العرب.

انت بتتكلم إزاي؟ احنا في منتهى الذكاء، وأي حد فينا لازم يكون عارف كل لغات الإنس، بالإضافة للغة للجن متفهمواش انتو. طب انت عارف إن أنا اللي نبهت الجن بإن القرءان نزل؟ كنا مرة بتتمشى راجحين اليمن، فعدينا على يثرب، " فسمعنا قرآنًا عجبًا يهدي إلى الرشد فأمنَّا به ولن نشرك بربنا أحدًا " فرجعت لأهلي وقولتلهم اللي سمعته، فأمنت مجموعات كبيرة منهم بسرعة. واللي خلاهم يصدقوا كلامي كمان، إنهم اترجموا بنجوم مولعة لما حاولوا كالعادة كتصنوا على السما.

طيب يا " أبو هدرش "، بما إنك ما شاء الله عليك علمك عزيز كدا، قولني، هو كان فيه رجم للغفاريات قبل الإسلام؟ أصل فيه ناس بتقول إنه ظهر بس مع الإسلام.

هو كان فيه، بس مش بالكثرة اللي حصلت بعد ما الإسلام نزل. وعموما ناس كثير وجن كثير بيكدبوا، والصدق كان قليل أوي في الدنيا، وعشان كدا الصادقين دايمًا نهايتهم حلوة. وأنا قلت في الموضوع دا قصيدة بتقول:

محدث بقى سامع للجن حس... واتكسرت أصنام مكة في ثانيتين

وطلع من " هاشم " نبي يسمع... كلام الله، ويهدي الصالحين

يجلد اللي يبشرب، ويرجم... اللي بيزنوا، وبالذات المنجوزين

واحنا الجن كان مفيش حد... يقدر علينا، وكنا مقترين

تحلينا الأخ يقتل أخوه... من الغيرة والحسد، وكنا ظالمين

لغاية لما سمعنا كلام... القرءان، فاهتدنا وبقينا مؤمنين

انت هتمعجب جدا يا شيخنا بشعر الجنى دا، بس مش هتتحب تطول عليه أكثر من كدا، فتستأذنه وتسلم عليه وتمشي، وتكمل طريقك للجحيم بسرعة، بس تشوف أسد عمال ينهش في قطع بقر بحاله مع عيالهم، وحوالي ميتين راس مرميين جنبه. فتقول لنفسك: "أيام الدنيا، كان الأسد من دول لو لقي معزة رقيقة ياكلها، يقعد فيها كام يوم ما ياكلش غيرها". فربنا يلهم الأسد إنه يتكلم، وهو عرف إنت بتفكر في إيه، فيقولك:

مش انتو في الجنة يتقعدوا تلهطوا رز بالبن والعسل والقشظة ستين طويلة من عمر الدنيا ولا بتطلوا أكل ولا بطنكو بتتملي؟ هو أنا كمان زيكو كدا، أكل اللي أنا عايزه، ولا الفريسة يتحس بوجع ولا أنا بزق من الصيد، بالعكس، احنا الاتنين بنستمتع بالموضوع دا. انت عارف أنا مين يا عسولة انت؟ عارف انت الحكاية بتاعة "عتبة ابن أبو لهب"؟³ دا كان النبي جوزه بنته "رقية" وبعد ما نزل عليه الوحي، راح "عتبة" للنبي وقاله إنه كفر بيه وطلق بنته، فالنبي دعا عليه إن ربنا يسلم عليه كلب من كلابه. فخرج مرة مجموعة من الناس ومعاهم "عتبة" عشان يروحوا الشام. وهم نايمين لبيل طلع عليهم أسد، فضل يشمشم فيهم واحد ورا الثاني لغاية لما جه عند "عتبة" وهجم عليه وأكله، أهو أنا بقى الأسد دا. ربنا خلاني أجوع قبلها بكام يوم عشان تبقى الهجمة بموتة على طول، ودخلت الجنة للسبب دا.

3 الحكاية دي فيها خلط كبير في أحداثها بين "عتبة" وأخوه "عتيبة".

وتعدي على ديب عمال ينهش في قطع ورا الثاني، وكل ما يفترس هوان، يرجع ثاني حي ولا كأن أي حاجة حصلت، فتعرف إنه زيه زي الأسد فتسأله:

• وانت حكايته إيه يا ديب؟

• أنا اللي اتكلمت مع "الأسلمي" أيام ما كان النبي لسه عايش. بص، أنا كان بقالي عشر أيام مكلتش أي حاجة، ومبقاش فيا حيل حتى أطلع أجري ورا أرنب، فلقيت في يوم معزة صغيرة ضعيفة أمها ماتت، فهجمت عليها، فصاحب المعيز "الأسلمي" خلى كلابه يهجموا عليها، فما جرتش منهم، وقعدت وقتله: "يعني انت فاكر إنك هتمنع عني رزق ربنا؟ طب ومين هيجمي معيزك لما تنشغل عنها؟" فدخلني ربنا الجنة عشان آمنت بيه وبن الأرزاق بإيده هو، مش بإيد حد ثاني.

تكمل مشي لغاية لما توصل عند الناحية الثانية من الجنة، فتلاقي بيت قديم ومهكع، فيه راجل مفيش في وشه النور اللي في وشوش كل سكان الجنة، وعنده شجرة مقرقة، والفاكهة بتاعها مش مستوية. فتسأله:

- هو انت ليه راضي تمشي كدا في الجنة؟ دا قليل أوي.

- دا كدا الحمد لله أوي، دا أنا وصلته بعد ما طلعت عيني، وبعد ما اتشفت ليا قبيلة قريش رغم إني مكلتش حابب إن هم بالذات يتشفعولي.

- هو انت مين؟

- أنا الشاعر "الخطيئة العبسي".

- وإزاي وصلت للشفاعة؟

- بالصدق.

- بالصدق في إيه؟

- بالصدق في شعري اللي قلت فيه:

ملياش مزاج أضياف حد النهاردا . . . ومش عارف أروح لمن أشتكي

ربنا اداني شخصية مشوهة . . . مفيش أوحش منها إلا خلقتي

- بس مش انت برضه اللي قلت:

جزاء الخير لازم يكون خير . . . والمعروف بين الله والناس مش بيضيع

ربنا ما غفر لكش عشان البيت دا؟

- أصل مكتش أول واحد يقول كلام بنفس المعنى، غير كدا أنا قلته آه،

بس معملتش بيه، عشان كدا ربنا محسبوش في ميزان حسناتي.

- وإيه اللي حصل مع "الزيرقان ابن بدر" اللي مكتش بتطبيقه؟

- ربنا خلّى مقامه عالي في الجنة زي ما هو كان عالي المقام في الدنيا. اتحتمله

ذنوب كتير بسبب شتيمتي له في الدنيا.

فتسيبه وتكمل مشي، فتلاقي واحدة ست واقفة عند أول مدخل

النار، فتسألها:

- انتي مين؟

أنا "الخنساء السلمية". كنت عايزة أشوف "صخر" أخويا، فبصيت

عليه في النار فلقيته زي الجبل والنار بتحرق وشه، فقاللي: "الي قلتيه

عليا في شعرك اتحقق". كان قصده على البيت بتاع:

دا صخر الناس بتهتدي به . . . كإنه جبل عالي وشعلة نار فوقيه

فتبص انت كمان على الجحيم، فتلاقي "إبليس" الله يلعنه، وهو

مكبلش بالسلاسل، وحراس الجحيم عمالين بضربوه بعصيان حديد. فتقول:

الحمد لله إن ربنا أخيرا انتقم لنا منك. دا انت ودبت كمية ناس مهولة من

ولاد آدم في ستين داهية.

انت مين؟

أنا "علي ابن منصور ابن القارح" من حلب. كنت بشتغل في الأدب

وتتقرب بيه من الملوك.

دي مهنة من أسوأ المهن. ما بتأكلش عيش وما بتشبعش بطون العيال.

وتتوقع ناس كتير في الغلط وعشان كدا كانت السبب في موت ناس كتير

زيك. مبروك عليك إنك نجيت منها. لا حقيقي يعني، ألف مبروك.

بس أنا ليا عندك طلب، لو عملتهولي هكون في غاية الشكر.

- أنا مقدرش أعملك حاجة، ويعدين ربنا خلاص قال: "ونادى أصحاب

النار أصحاب الجنة أن أفيضوا علينا من الماء أو مما رزقكم الله قالوا إن الله

حرمهما على الكافرين".

- أنا مش عايز منك ولا أي حاجة من الحاجات دي، أنا بس عايز

أعرف، ربنا كان محرم عليكم الخمرة في الدنيا وحللهالكو في الجنة، فهل

ربنا برضه حلل لكو إنكو تناموا مع الولدان المخلدون في الجنة بعد ما كان
محرم عليكم المليية في الدنيا؟

- ربنا يلعتك أكثر وأكثر، مش كفاية عليك اللي انت فيه؟ عموما، هو انت
مسمعتش الآية بتاعة: "ولهم فيها أزواج مطهرة وهم فيها خالدون"؟

- طب وإيه اللي فيها يعني؟ ما ممكن يكون إداكو الأزواج المطهرة والولدان
المخلدون برضه عشان تناموا معاهم، ما هي الجنة فيها مشروبات تانية
ومع ذلك حلل لكو الخمرة برضه. طيب سيبك من الموضوع دا، قولي
حصل إيه مع "بشار ابن برد"؟ دا ليه عندي معزة خاصة، كان بيفضلني
دونا عن باقي البشر كلهم، بدليل لما قال:

إيليس أحسن من أبو كوك آدم . . . اسمعوني يا ولاد الأشرار
معمول من نار، وآدم من طين . . . والطين لا يمكن يعمل لقام النار
هو قال الحق، بس اللي يقولوا الحق دائما الناس بتكرههم .

إيليس يا دوب يخلص كلامه من هنا، تبص يا شيخنا على الجحيم،
فتلاقي واحد بيشفو عذاب ما شافهوش حد، ويحاول يغمض عينيه
عشان ما يشوفش الضربة الجاية جيهاله منين . فيبجوا حراس الجحيم ويفتحوا
جفونه بالعافية بأسياخ معمولة من النار، وتركز أوي، تلاقيه إنه هو "بشار
ابن برد"، ربنا رجعله نظره بعد ما كان أعمى عشان يشوف العذاب وهو
بيتحدف عليه من كل حته، فتقوله:

- يا "أبو معاذ" (= بشار)، انت كان شعرك رائع، بس أفكارك ضايعة.
وأنا لما كنت في الدنيا وأفكر حاجة من شعرك كنت بترحم عليك، على
أساس إنه يمكن ربنا كان يغفرلك. كنت بتنكرلك حاجات زي:

ارجع لبيتك ومتخرجش منه . . . السنين بتعدي وانت لوحدهك
ستني بكرة وبكرة زي الحامل . . . صيعرفش اللي في بطنها إلا ربك

والبيت التاني اللي قلته في "أسماء"، كانت كمية الأخطاء النحوية
اللي فيه كثير جدا.

يا عم سيبني في اللي أنا فيه مش فاضيلك، وابعده عن وشي انت والنحو
بتاعك دلوقتي.

فتسييه وتروح تسأل عن "امرؤ القيس"، فيقولولك: "هو هنا أهو،
سامعك."، فتقوله:

يا "أبو هند"، فيه كام راوي بغدادي كانوا لما يقولوا القصيدة بتاعتك
بتاعة: "اقفوا نبيكي . . . بيزودوا حرف الـ"او" في بداية شوية أبيات
فيها. انت إيه رأيك؟

لا طبعاً أنا معملتش كدا، أمال يبقى إيه الفرق بين الشعر والنثر؟ بس هم
ولا عندهم ذوق ولا أي حس فني.

طب انت مرة في بيت شعر ليك قلت كلمة "بكر" وبكر ليها أكثر من
معنى، ممكن تبقى بيضة أو جوهره أو جنيته أو وردة أو ورق بردي،
فانت كنت تقصد أنهي معنى؟

كله يميشي.

يا لهوي لو عرفت النحويين كانوا يبشروا أشعارك إزاي. بس انت
كمان كان ليك أشهر كثير بتستخدم فيها كلمات غريبة أوي على

الودان، فانت عادي مكنتش شايفها غريبة ولا دي كانت طبيعتكم
الشعرية في أيام الجاهلية؟

- العرب اللي كانوا قبلنا ما كانوا بيهتموا بالكلمات الغريبة، لكن أنا والشعرا
اللي كانوا في نفس عصري، كنا لازم نقرا القصيدة كلها على الناس، ولو
كانوا الناس حسوا إن فيها أي حاجة غريبة كانوا رفضوها فورا.

- طب هو صحيح انت اللي اخترعت حكاية "التسميط" دي؟ أصل فيه
ناس بينسوا ليك شعر "مسمط" ويقولوا إن انت اللي قلته.

- لا والله، عمري ما عملت النوع دا من الشعر أبدا، والناس بتفتي كثير
متيألي إنه اللي قال الكلام دا عليا حد من شعراء الإسلام. دائما كانوا
ظالمني وبيكذبوا كثير. "التسميط" دا نوع رخيص من كتابة الشعر،
مش أنا أبدا اللي أعمله.

- الله ينور عليك. انت عجبتني على فكرة.

وتضرب كدا بطرف عينك، تلاقي "عنترة ابن شداد العبيسي"
بيتشوي في النار، فتقوله:

- إيه اللي حصل يا "عنترة"؟ فاكر لما قلت:

هم الشعرا سابولنا حاجة تقولها

4 التسميط يعني الشاعر يقسم البيت لأربع أجزاء، ثلاثة منهم نفس الوزن والرابع مختلف.
(الترجمة)

دا كدا ومكنتش أساسا تقريبا فيه شعرا في عصرك، دا بعد ما الوحي
أول على النبي بقى كل من هب ودب عامل نفسه شاعر. على رأي "أبو
إمام الطائي" لما قال:

لو كان الشعر بيخلص... كان خلص من زمان أوي

لكنه عامل زي السحاب مليون... مطرة عمرها ما بتنتهي

ومين "الطائي" دا؟

شاعر طلع في فترة الإسلام، استنى لما أقولك حاجة من شعره.

بعد ما تقوله شعر من بتاع "الطائي" يقولك:

هو الكلام عربي، بس فيه حاجة مش أصلية. قبائل العرب زمان
مكنتوش بيقولوا كدا.

والله انت ضحكنتي، شاطر، ناس كثير فعلا بتقول عليه كدا. والله يا
'عنترة' أنا صعبان عليا أشوفك في النار، خاصة إن لسه بترن في وداني
صوت المغنيات في القاهرة، وهم بيغنوا كلامك اللي يقول:

سمية مرات أبويا بكت وبيكتني... بعد ما خلت أبويا يضربني

يا ستي أنا عبدك، وتحت أمركو... بس بلاش أني، وابعدوا عني

دا كفاية أساسا إن انت من الناس القليلين اللي فاهمين في اللغة وبيقولوا
'محب' مش "محبوب". يلا، نقول إيه بقى. قدر الله وما شاء فعل.

تضرب تاني بطرف عينك، تلاقي "علقمة الضحل"، فتقوله:

- والله يعز عليا أشوفك في النار، وخاصة إن كان فيه قصيدتين انت قلتهن كما
ممكن يشغولك، الأولانية اللي بتنتهي بالباء والثانية اللي بتنتهي بالميم.

- يا عم امشي من هنا وشوف حالك. انت جاي تهون عليا وأنا بتشوي؟

- انت عارف، انت أصدق أبيات كتبها كانت القصيدة بتاعتك اللي
وصفت فيها الستات. أهي دي بالذات كانت المقروض تشغلك.

اسألوني أنا على الستات... وأنا أقولكم سرهم

لو المال راح أو الشعر شاب... يروح معاهم حبههم

أهم حاجة عندهم هي الفلوس... والشباب الدايم هو حلمهم

وانت لو كان مزاجك رايق كنت سأنتك عن كام حاجة كمان، بس
شكلك مش فايق لي.

وتقول لنفسك: "ياريتني أعرف حصل إيه مع" عمرو ابن كلثوم"
فيردوا عليك حراس الجحيم: "موجود هنا تحت أهو، كلمه لو عايز، هو
سامعك". فتقوله:

- إزيك ياللي كنت بتشرب الخمرة الصبح من إيدين الستات الحلوين،
وكنت آخر استمتاع في الدنيا؟

- انت بالك مرتاح ومش حاسس باللي احنا فيه، فروح اشكر ربنا إنه
رحمك من العذاب دا، وبلاش تحيب سيرة الماضي لأنه مش هينفع
بجاجة.

والله أنا صعبان عليا أشوفك وانت بتشرب مية مغلية جزء أفعالك اللي
انت عملتها في الدنيا بعد ما كان النبيت المعثق الأصلي بيتصبلك في
كاسات كريستال. صحيح، كنت سألت تحويين في الدنيا على كلمة ليك
في قصيدة كنت انت نصبتها، بس مردوش عليها، فأنا رديت بالنيابة
عنهم وقلت إنها صح منصوية.

وتبص في النار تلاقي "الحارث الشكري" فتقوله:

تعبت انت الناس معاك يا "حارث" في تفسير شوية من قصايدك، بس أنا
عجبني أوي بيت الشعر بتاعتك اللي يقول:

احلب ناقتك ومتسيش ولا نقطة... فضي ضرعها واعزم على ضيوفك

أصلهم في الجاهلية، كان لما يموت واحد، يربطوا الناقة بتاعته جنب
قبره وما يجلبوهاش، ولا يأكلوها ولا يشربوها لحد لما تموت جنب قبر
صاحبها، عشان ربنا لما يجيهم ثاني، الراجل يلاقي حاجة يركبها، ويا عيني
يبقى جزء الناقة زي ما قلت:

بعد ما لفيت بيها كل الصحرا... سابوها تموت بعاداتهم العميا

ويعدين تروح سائل "طرفة ابن العبد":

- إزيك يا "طرفة"؟ فإكر لما كنت في شعرك بتتكلم عن نفسك وانت
بتشرب الخمرة صبح ومسا؟ إيه أخبارك بقى دلوقتي؟ متهبألي دلوقتي
مبقتش بتشرب غير المية المغلية. فيه لغويين كانوا مترددين بينك وبين
"عدي ابن زيد" في بيت شعر، بس أنا أظن إنه بتاعتك لأنه أسلوبك

أوي. عموماً، ناس كثير اتكلمت عنك. فيه منهم قال إن "النعمان" ملك الحيرة اعتقلك، وفيه اللي قال إن "عمرو ابن هند" هو اللي أمر بقتلك لما شتمته في قصايدك. عموماً، انت حتى لو مكنتش سبت بقتل قصيدتك اللي بنتهي بالدادل، كانت هتبقى كفيفة بأنها تخلد اسمك في الدنيا.

- باريتني ما كنت كتبت ولا حتى حرف واحد، ولا شفت أي مكان حلول في الدنيا، وكنت بدل دا، دخلت الجنة مع الهمع والغجر، ولا إني أبقى مربوط كدا من رقبتي زي البهايم. "وأما القاسطون فكانوا لجهنم حطباً".

وتلف رقبتك بتأمل كدا، تلاقي "أوس ابن حجر" فتقوله:

- صحابك مش بيردوا على أسئلتي يا "أوس"، إن شاء الله ألاقي عندك انت إجابة. أولاً، ليه فيه أبيات كثير ليك بينسوها "للتابغة الذبياني"؟ مع العلم إن اتو الاتنين كنتو تعتبروا من الشعرا الجامدين أوي في الدنيا، فتفكر كان ليه يحصل كدا؟ ثانياً، أنا حابب أسجل اعجابي بقصيدتك اللي بنتهي باللام اللي بتوصف فيها القوس.

- أنا سمعت إن "التابغة الذبياني" دخل الجنة، فروح اسأله هو عن اللي انت عايزه يمكن يجاوبك لأن دماغه هتكون أروق مني، لكن أنا دماغي مشغولة بالنار، والعطش، وكل ما ألاقي نهر، أجري عليه عشان أشرب ألاقية مية مغلية. لكن يفيد بإيه الندم دلوقتي، أنا بس اللي مضايقتني فعلاً، إن فيه ناس دخلوا الجنة وهم أشر مني بمراحل. لكن نقول إيه بقی، المغفرة أصلها أرزاق، زي الحظ في الدنيا.

أنا بس كنت عايز أسمع منك انت، وأحكي كلامك لأهل الجنة، وأقولهم: دا "أوس" هو اللي قالي كدا بنفسه، وكان نفسي أسألك عن كلمة كتبتها في قصيدة ليك، "سيبويه" قال إنها مرفوعة وما أظنش إنها كدا، بس الظاهر إني مليش نصيب أعرف منك حاجة.

وتبص كدا تلاقي راجل متعرفهوش، فتسأله:

انت مين يا متعوس؟

أنا "عامر ابن الحليس".

انت واحد من كبار قبيلة "هذيل"، بس أنا بصراحة ما مجيش شعرك. كله بيبتدي بنفس الطلعة: "يا زهير، قولي إزاي أهرب من الشيب"، دا بدل على إنك ملكش في فن الشعر، المفروض كنت تنوع شوية. و"الأصمعي" قال إنك ما كتبتش غير ثلاث قصايد بس.

أنا مش قادر أستحمل العذاب أكثر من كدا، هو انت متعرفش إن أهل النار ما بقدروش يقولوا حاجة غير الشكوى والألم؟ روح أفرح وشوف مصلحتك.

آه أفرح، ما أفرحش ليه؟ ما أنا ضمنت الرحمة الدائمة من اللي عمره ما يخلف وعده. عموماً هو فين "صخر الغي"؟

هناك أهو، شافيه؟

- إيه يا "صخر"؟ راحت فين حبيبتك "دهما"؟ ولاعرفت تتحصل عليها لا في أرض ولا سما. كانت مزة، وانت كنت بتخاف من حيهما، عشان كدا قلت فيها:

آه منك يا دهما... مش قادر أنساكي

ومن ساعة ما عرفتك . . . خايف من هواكي

وفين ثروتك؟ تلاقيك نسينتها من كتر العذاب، وليك حق تنساها
بصراحة.

وتبص تلاقى واحد عمال يتلوى قدامك يا من كتر الضرب يا من كتر
الجوع، فتسأل: مين دا؟، فبردوا عليك: دا "الأخطل التغلبي".

- شفت عشقك للخمرة وصلك لفين يا "أخطل"؟ ياما كبارات البلد
كانوا بيتمايلوا على أشعارك اللي بتوصف فيها الخمرة والجو اللي كانت
بتعمله الخمرة.

- عندك حق، والله أنا حاولت على قد ما أقدر إنني أبعد عن الكيابر، يمكن
ربنا يغفرلي، بس أمنيتي حاجة والواقع حاجة تانية خالص.

- بس انت أصلك غلظت في حاجات كثير بصراحة: يعني الاسلام ظهر،
بس انت فضلت مسيحي وما أسلمتش، وفضلت أخلاقك وحشة،
وصاحبك "يزيد ابن معاوية"، ومشيت ورا مزاجك ومتعتك
وشهوتك، وفضلت الحاجات اللي ما بتدومش على الخير الدائم، فكنت
متوقع إزاي إن ربنا يغفرلك؟

يتنهد "الأخطل" تنهيدة جامدة، يستغرب منها حتى حراس الجحيم
ويقول:

- يااااه! فكرتني بأيامي مع "يزيد"، وريحية العنبر والريحان كانوا دايمًا
فياحجن في بيته، وكنت أهزر وأضحك معاه زي الصحاب الأنتيم، وهو

كان مستحملني وكان بيعاملني أحسن معاملة، ويبيدني هدوم ملكية
البسها. كأني سامع دلوقتي في ودائي صوت المغنيات عنده وهم يقولوا
شعره. وفاكر مرة كنا بناكل وكنت بسرкан طيبة وبهزر معاه فقتله:
"خلصت الفراخ كلها يا "يزيد" ما تبجي تاكلمي أنا أحسن"، فاتقلب
على قفاه من كتر الضحك.

ما هو دا بالظبط سبب محييك هنا. هو انت مكنتش تعرف إن الراجل دا
كان عبارة عن ذنوب ما شبة على رجلين؟ تعرف إيه انت عن معتقداته؟
كان موحد ولا ملحد؟

- معرفش حاجة، اللي أعرفه إنه كان بيعحب القصيدة دي:

يا "خالد" احكي لي، ويا بلاش الهمس . . . قولني عمل إيه "أبو سفيان" في
المسلمين

احكي لي إزاي في معركة أحد . . . رجهم كلهم لبيوتهم معيطين
احكي لي عن "علي" لما زودها . . . فخاله "معاوية" من ضمن القتلين
احكي لي، وشربني خمرة حلوة . . . معمولة بندوق على إيد المسيحيين
احكي لي، كانت من امتي حرام . . . الخمرة قبل ما يتقى الإسلام دين
احكي لي، مع إن كل الناس عارفة . . . إن محمد مات ورجع للطين

- يا نهار مش فايت! كل الشعرا اللي في الجنة أو في النار نسيوا الشعر،
وانت لسه فاكر كفرك ومنسيتهوش.

هتلاقي يا شيخنا إبليس واقف قريب منكم وسامع الحوار كله،
ويقول لحراس النار:

- والله انتو زي ما قلتنكو ولا ليكو أي لازمة أساسا .

- عايز إيه يا إبليس؟

- انتو مش شافين الرجل "ابن القارح" بيتدخل في اللي ملهوش فيه والله لو كان فيه ما بينكم ذكر بجذ، كان نط عليه جابه من قفاه هنا معانا في النار .

- العب غيرها يا إبليس، احنا منقدرش نعمل حاجة لأهل الجنة .

فانت لما تسمع يا شيخنا اللي قاله إبليس عليك، تلعنه وتشتت فيه، فيقولك :

- هو مش المفروض إن أهل الجنة ما ينفعش يشمتوا في حد؟ بس انتو الحمد لله، أول ما تسمعوا إن فيه حاجة ممنوعة تعملوها فورا .

- انت اللي بدأت بالشتمانة، والبادي أظلم .

وترجع حوارك مع "الأخطل" وتساله :

- هو انت اللي قلت الأبيات دي؟ :

بمزاجي عمري ما هصوم رمضان . . . ولا هاكل من لحمة الأضحية كثير

ولا هصحي قبل الفجر وأقول: . . . "حي على الفلاح"، زي الحمير

وهفضل أشرب وأشرب حمرة . . . لغاية لما أسكر ودماغي تطير

- أبوة، أنا اللي قلتها، وندمان أشد الندم، لكن يفيد بيايه الندم؟

فتمل خلاص من كلامك مع أهل النار، فتروح لقصرك في الجنة، بس وانت على بعد بمكن كيلو ولا اتنين من قصرك تفتكرو إنك نسيت تسأل على شعرا تاتين كثير في النار، فترجع ثاني عند النار وتنادي :

فين "عدي ابن ربيعة"؟

نقصد مين بالظبط؟

أقصد اللي التحوين يقولوا إنه قال البيت دا :

ضربت على صدرها وقالت: . . . ربنا يحملي يا "عدي" من كل شر

انت بتقول إيه احنا مش فاهمين حاجة، يعني إيه تحوين وبيت، وضح

كلامك عشان ننفذ اللي انت عايزه .

عايز اللي معروف بـ "مهلهل التغلبي" أخو "كليب التغلبي" .

عندك أهو، سامعك، قوله اللي انت عايزه .

فتقول لـ "عدي" :

- يا "عدي" والله يعز عليا أشوفك هنا في المكان دا، كفاية الأبيات اللي

قلتها في أخوك عشان تخليني أحزن عليك أكثر وأكثر، وأبياتك اللي

كتبتها في بنتك بتخلي عنيا تدمع . بس قولني، انت ليه طلعموا عليك اسم

"مهلهل"؟ فيه ناس بتقول عشان انت أول واحد "هلهل" الشعر، يعني

خلاه رقيق .

- الناس اللي بتكذب كثير . مش أنا اللي كان اسمي "المهلهل" دا قالوه

على "امرؤ القيس" . أصل كان مرة هجم علينا "زهير ابن جناب

الكليبي"، بس أخويا ما سابهوش ومشي وراه عشان ينتقم، وقال :

لما هجم علينا التناقص . . . "مهلهل" : مقيش غير الانتقام

مهلهل يعني وقفت وقلت بصوت عالي، فعشان كدا سموه

"المهلهل"، فلما مات ادوني اللقب دا بداله .

- انت كذا وضحت الأمور وريحت قلبي . طيب سؤال كمان ، هو انت اللي قلت البيت اللي أوله " السما أرعدت . . ؟ " أصل " الأصمعي " قال إن البيت دا فيه حاجة غلط .
- مش فاكرك إذا كنت أنا اللي قلته ولا لأ ، بس على كل حال قولي " الأصمعي " اعترض على إيه .
- يقول إن الفعل " رعدت " من غير ألف .
- لأ طبعاً ، " الأصمعي " غلطان ، وسواء أنا اللي كتبتيه أو حد ثاني ، فاللي كتبه واحد بيّفهم في الفصحى كويس أوي ، فخد كلامه ثقة وسيبك من " الأصمعي " واللي زيه .
- وتسأل بعد كذا يا شيخنا عن " المرقش الأكبر " ، فتلاقيه بيتعذب عذاب رهيب ، فتقوله :
- ربنا يخفف عنك يا رب ، انت كنت صعبان عليا أوي من اللي حصلك في الدنيا ، لما كنت رايح تحطب " أسماء " بنت عمك ، بس لقيت إن عمك خطبها لواحد ثاني . فزعلت أوي وتمتبت في الطريق وانت راجع ، فسباك المساعد بتاعك في كهف ، ورجع لأهلك وقالهم إنك مت ، بس " أسماء " مصدقتش ، وبعثت حد يدور عليك ويجيبك ، ورجعت لأهلك بعد ما حيوانات الصحرا كانت هجمت عليك وكلت مناخيرك . منه لله المساعد بتاعك اللي سابك كدا .
- فيه مجموعة من المسلمين مكنوش يبجحوا قصيدتك اللي بتنتهي بحرف الميم اللي أولها :

- بنادي على البيوت ما بتدردش . . . ولو بتنطق ، كانت قالت كثير كلام فيه مجموعة من أهل الأدب شافين إن القصيدة دي هي وبتاعة " المرقش الأصغر " ما يستحقوش إنهم يتصنفوا مع القصائد المهمة . بالنسبالي أنا ، أنا بجههم جدا . كان فيه ناس كمان نسبوك كام بيت ، بس ما أظنن إن هما بتوعك ، مش أسلوبك .
- والله أي حاجة ممكنة . أنا قلت شعر كثير ، فيه حاجات منه وصلتكو وحاجات لأ ، بس أنا أصلي نسيت أنا قلت إيه من طول القعدة هنا .
- فتنتقل على " المرقش الأصغر " ، وتسأله عن موضوعه مع " بنت المنذر " وخدماتها " بنت عجلان " ، فتلاقيه ناسي ، فتقوله :
- بقى حد ينسى الموضوع دا ، مش فاكرك لما كنت مصاحب " فاطمة بنت المنذر " وكانت الخدمة بتشيلك على صهرها عشان محدش يشوف آثار رجلبك ، وبعد كذا جه " جناب " ابن عمك وصاحبك ، وألح عليك يقابل هو " فاطمة " ، وبعد إلحاح وافقت ، فزعلت " فاطمة " منك وطردتك ، واثت ندمت وسبت المكان كله من خجلك وكسوفك من اللي عملته ؟ ما تقوليش إنك كمان نسيت " جناب " ؟
- متفكرنيش بـ " جناب " واللي عمله فيا ، بسببه اتعذبت في الدنيا وفي الآخرة .
- فلما متلاقيش منه رجاء ، تسيبه وتدور على " الشنفرى الأزدي " ، فتلاقيه ما بيتألمش أوي زي الباقيين ، فتقوله :

- شايئك يعني مش بتتعذب زي ما باقي صحابك بيتعذبوا؟

- أه، اللي أنا فيه دا بسبب بيت شعر كويس قلته في الدنيا.

. تلتفت تلاقي زميله في النار هو "ثابت القيسي" المشهور باسم "تاهل شر" اللي كان برضه زميله في الدنيا، فتقوله:

- هو صحيح انت كنت بتنام مع وحوش كبيرة وغيلان؟

- فترة الجاهلية دي الناس فتت فيها كثير، فاللي تشوفه انت عاقل ويمكن يحصل صدقه، واللي مش عاقل، كذبه، والزمن كله حاجة واحدة، لو كان فيه حاجة حصلت أيام الجاهلية تأكد إنه كان هيحصل تاني بعد كدا في أزمنة تانية جديدة ولغاية آخر حفيد لأدم.

- يعني مش انت اللي قلت القصيدة اللي مطلعها: "أنا اللي نمت مع الغيلان... في أرض صحرا ما شافتش المطرة"؟

ما يردش عليك، فتزهق منهم كلهم وتمشي من منطقة الجحيم وترجع على الجنة وتسيبهم يتعذبوا للأبد.

(٧)

الرجوع للجنة

لما ترجع الجنة هتشوف أبونا "آدم"، فتسلم عليه وتقوله:

- إزيك يا أبونا؟ فيه ناس قالوا إنك قلت الشعر دا:

أحنا ولاد الأرض دي... منها جينا وليها هنرجع

مفيش فرح بيدوم لحد... وليل الحزن هينجلي ويلمع

- هو الكلام دا مذبوط، واللي قالوه ناس بتفهم، بس أنا أول مرة أسمعهم الصراحة.

- يمكن قلته ونسيت يا أبونا، مانت مشهور عنك إنك بتنسى، بدليل الآية: "ولقد عهدنا إلى آدم من قبل فنسى ولم نجد له عزما". وفيه علماء يقولوا إنك اتسميت "إنسان" من كلمة نسيان، عشان كنت بتنسى كثير. دا حتى فيه ناس بتقرا الآية دي كدا: "ثم أفيضوا من حيث أفاض الناس (ي)".

- يا ابني خليك عاقل شوية وانت بتتكلم. أنا كنت بتكلم عربي في الجنة، بس لما نزلت الأرض، اتحول لساني للغة السريانية، ومنطقتش غيرها لحد

ما مت، ولما ربنا وداني الجنة ثاني، رجعتي اللغة العربية، يبقى بدمك
انت أنا قلت الكلام دا امتي وإزاي؟ في الدنيا ولا الآخرة؟ واللي قال الكلام
دا كان لسه في الدنيا عشان قال "منها جينا وليها هنرجع". هقوله إزاي لي
الدنيا وأنا كنت بتكلم سرياني، وهقوله ليه في الجنة قبل ما أنزل لما أنا
مكتنش أعرف حاجة اسمها موت أساسا، ولو قلتها بعد ما رجعت الجنة،
يبقى ليه قلت: "وليها هنرجع" لما احنا بقينا خالدين في الجنة خلاص؟

- فيه علماء تاريخ يقولوا إن القصيدة دي كانت مكتوبة بالسرياني،
ولقاهم "يعرب ابن هود" اللي هو أول واحد اتكلم عربي، وترجمها
للعربي، فممکن عادي تكون بتاعتك. عموما هم كمان يقولوا إنك
قلت أبيات لما قتل "قاييل" "هابيل" بقول:

كل اللي عليها اتغير... والأرض بقى وشها أغبر وكالبح

وراح أبوأحلى ابتسامه... مات وساب على الخد دمع مالح

- والله أنا فعلا حزين للمستوى اللي وصلته لدرجة إنني بقيت لازم أبيت
أنا قلت إيه وما قلتش إيه. أقول ثاني: مش أنا اللي قاييل الحاجات دي،
الكلام دا أسلوبه لقرنوني بعدي، واللي كتبه واحد فارغ معندوش حاجة
يعملها. ويعني مش بس كفاية إنكم كدبتو على ربنا، لأ، كدبتو عليا
وعلى أمكو حوا، وحتى على بعضكو، وحتى مكتنوش مصدقين إنكم
في يوم هتموتوا وترجعوا لربنا.

تكمل مشي في الجنة، فتلاقي جنينة في منتهى الجمال، فيها تعابن
عمالة تلعب. فتستغرب أوي وتقول:

لا إله إلا الله، والتعابن بتعمل إيه في الجنة؟

فتقول حية منهم:

ما سمعتش أبدا قبل كذا عن الحية "ذات الصفا" اللي كانت وفيه لإنسان
مكتنش وفي ليها؟ أنا محكيهاالك: كان فيه مرة حية عايشة في وادي مليون
زرع، ومكتنش حد يبقدر يقرب من الوادي دا من خوفه منها، لغاية لما جه
مرة أخين بيرعوا جمال، واحد من الأخين نزل الوادي بالجمال عشان ياكلوا،
فهجمت عليه الحية وموته، فراح أخوه زعل عليه أوي، وقال أنا هروح
للحية دي وبا أخلص عليها يا تحلص عليا زي أخويا. لما الحية شافته جاي
عليها قالتله: "بص، احنا نعمل معاهدة، لا تقتلني ولا أقتلك، وجمالك
ترعى في الوادي زي ما انت عايز، وكمان هديك دينار كل يوم" قالها
موافق. وفضلوا مستمرين كذا لفترة. الراجل اتغنى، وجماله تخنت
وربربت. بس جه في يوم وقال لنفسه: "ويفيد بياه الغنى والفلوس، وأنا
شايف الحية اللي قتلت أخويا عايشة جنيني؟" فقرر إنه يقتلها، فسن الفاس
بناعه، وطلع يجري وراها عشان يقتلها، وضربها ضربة بالفاس فلتت منها
الحية بأعجوبة بس عملتلها جرح كبير في جسمها. هربت منه، فلما حس
بالوحدة وبإنه خاين للعهد ندم، وطلب من الحية إنهم يعملوا معاهدة ثانية،
بس الحية قالت له إنها لا يمكن تأمنله ثاني. الحية دي أنا، و"الناغبة
الذبياني" قال فيا قصيدة بتحككي كل قصتي.

فتقول حية ثانية:

- أنا بقى كنت ساكنة في بيت "الحسن البصري" وكنت بسمعه وهو يبقرا
القرءان لليل، فحفظت منه القرءان كله.

- هو صحيح إنه كان ينطق شوية كلمات في القراءان غلط؟

- أبوة صح، وأنا كمان كنت بنطقها زيه غلط، لكن لما مات ورحت بيته
"أبو عمرو ابن العلاء" وسمعته وهو بقرا، عرفت إن "البصري" كان
ينطقها غلط. لما "أبو عمرو" هو كمان مات، مقدرتش أقعد في المكان
أكثر من كدا، ورحت الكوفة وقعدت عند "أبو عمارة الكوفي" اللي هو
واحد من القراء السبعة المشهورين للقراءان، بس برضه لقيت عنده
غلطات في القرابة ما بيعملوهاش العرب.

انت يا شيخنا تعجب جدا بكلامها، فتكمل وتقولك:

- ما تخليك قاعد معانا شوية، والله لو وافقت، لأقلبك نفسي واحدة ست
مزة، لو دقت ريقى هتعرف إنه أحلى من الخمرة والعسل، ولو شميث
ريجة نفسي، هتشم ريحة فل وياسمين، ولو نمنا وقربت مني، هتحسن
بدفا وحنان عمرك ما حسيت بيه.

بس انت تخاف منها وتطلع تجري في الجنة وانت بتفكر "الواحد إزاي
يأمن لحية متعرفش غير العض والسلم؟"، فتناديك وتقولك:

- عموما ابقى تعالالي لو حبيت تستمتع بجدا. ولما تجرب، هتندم إنك في
يوم من الأيام في الدنيا ممكن تكون قتلت حية أو تعبان.

- دا أنا أبقى عبيط وربنا غضبان عليا لو سبت كل الحور العين اللي عندي
وجريت أنا مع حية.

وانت ماشي في غيطان الجنة، تلاقي الحورية اللي كانت خرجتلك قبل
كدا من الشجرة وتقولك:

- أنا مستنيك من فترة، انت كنت فين؟ أنا كنت مستنيك على نار، ونفسي
أقعد أتكلم معاك. أنا المفروض ليا حق عليك، المفروض نقضي وقت
مع بعضنا لوحدنا زي أي عريس وعروسة.

- كنت عايز أتكلم مع أهل النار وأسألهم عن شوية حاجات، وأول ما
خلصت معاهم جتلك فوراً. تعالي معايا نتمشى بين المسك والعنبر.

وانتو بتمشوا بين جبال الجنة ورملتها، تقولك الحورية:

- شكلك عايز تقلد "امرؤ القيس" اللي وصف نفسه وحببيته وهم ما شين
بيحبوا في بعض.

- يا بنت اللذين! عرفتي منين إن أنا فعلا كنت عايز أعمل كدا؟ وعرفتي
منين أصلا "امرؤ القيس" وانت أساسا ولا إنس ولا جن.

- ربنا قادر على كل شيء.

تفضل تفكر في وصف "امرؤ القيس" للجو الرومانسي اللي كان فيه
مع حببيته، فرنا يجولهاك حقيقة، وتطلع من النهر حوريات وأحلى
واحدة فيهم تبقى شبه حبيبة "امرؤ القيس"، فتحتفلوا كلكو وتاكلوا أكل
حلوا أوي.

تمشي في الجنة فتلاقي بيوت أوطى شوية من البيوت اللي شفتها عادة في
الجنة، فتسأل عن السبب فيرد عليك ملايكة من الجنة:

أحسن ناس فيكو، وأحسن علماء اللغة كانوا بياخدوا من كلامي عشان
يضرّبوا بيه الأمثلة، ولا انت نسيت؟

صح، استشهدوا بكلامك، زي ما استشهدوا بكلام الهمج وقلالة القيمة.
ما هم ياما خدوا كلام من بق عياك وسنات جهلة ما بيفهموش حاجة.

انت جاي تتخاتق ولا إيه؟ روح شوف حالك وامشي من هنا.

انا بس حبيت أعرفك إن شعركو مينفعش يتسمى شعر أساسا.

"يتنازعون فيها كأسا لا لغو فيها ولا تأثيم" وانت كلامك كله "لغو"
وفارغ.

تكبر الخناقة ما بينكو ويسمعو "العجاج" فيجي يحجّز ما بينكو.

وتفتكر كلام الناس في الدنيا عن التمثيل اللي بيجي بعد شرب
الخمرة، فطلب من ربنا إنه يجييلك نفس التمثيل دا بس من غير ما تسكر ولا
عقلك يروح منك. شوية وتحس جسمك كله بيفك وكأن فيه نمل ييمشي
على عضمك وتفتكر كلام "إياس ابن الأرت":

لو شربت خمرة زبي... وحسيت بنفس التمثيل
كنت عذرتني وعذرتني... عندي حق أشرب كثير

وتفرد جسمك على سجادة معمولة من الحرير، وتؤمر حور العين
إنهم يشيلوك ويحطوك على سرير من سراير الجنة اللي معمولة من الجواهر
والذهب. مثبتت في جناب السرير دا حلقات ذهب، عشان الولدان
المخلدون وحور العين يعرفوا يشيلوه منها ويودوك على مكانك في الجنة،

- دا مكان في الجنة للشعرا اللي كانوا بيستخدموا نوع "الرجز" في الشعر
زي "العجاج" وابنه رؤبة".

- سبحان الله، صدق النبي لما قال: "ربنا يبحب الشغل الكويس
ومبيحبش الشغل اللي ملوش قيمة ولا وزن". والرجز دا فعلا من أسوأ
أنواع الشعر، فبيوتكو بقت زي شعركو.

وتشوف "رؤبة" فتقوله:

- محدش كان عاجبه شعرك، وكنت بتستخدم كلمات وأنواع شعر محدش
بيحبها، وعمرك ما قلت حاجة حلوة أو مفيدة الواحد ممكن يطلع بيها.

- بقت تقولي أنا كدا؟ دا إذا كان "الخليل ابن أحمد" نفسه خد مني هو
و"أبو عمرو ابن العلاء". انت نفسك كنت ساعات بتاخذ من كلامي
وشعري وتستخدمه.

لما تلاقي الغرور واخده كدا أوي تقوله:

- احنا لو جمعنا كل شعرك وشعر أبوك، منطلعش منه بأي حاجة محترمة.
دا غير إني سمعت مرة إن "أبو مسلم الخراساني" سألك عن معنى كلمة
"ابن تآداء" معرفتش ترد عليه وطلعت تسأل عليها البدو. ومعرفش
انت كنت بتاخذ هدايا وجوايز من الملوك على إيه، وكان فيه شعرا غيرك
كثير أحسن منك وأولى بيها.

5 الرجز نوع من الشعر كل بيت له نهاية مختلفة، والاسم جاي من مرض كان بيجي للجمال
بيخلي وجلهم تترعش، والشعر دا بتعرض زي المرض. وزن الشعر دا: مستغعلن مستغعلن
مستغعلن... مستغعلن مستغعلن مستغعلن. (الترجمة)

وكل ما تعدي على شجرة، ترشك أغصانها بيمينه الورد المخلوط بالكافور،
وتناديك الفواكه، وانت نايم على ضمرك: "مش عايز تاكلني يا ابن
القارح؟" فلو نفسك هفتك مثلا على عنقود عنب، تلاقبه انتقطع من
الشجرة بقدره قادر وبقي في بلك، وتحمد ربنا على نعمه زي ما ربنا قال
"وأخر دعواهم أن الحمد لله رب العالمين".

وتفضل كدا وقت طويل جدا، في نعيم أبدي، من غير ما أي حاجة
تنفص عليك متعتك.

وعموما أن طولت عليك في الجزء دا، ونرجع بقى دلوقتي للرد على
الجواب بتاعك.

(٨)

رد المعري على كل جزء في جواب ابن القارح

أنا فهمتك كويس يا شيخنا لما كلمتني في جوابك عن حيك ليا.
فهمت إنك مش قاصد بيه أي نوع من أنواع النفاق، عشان انت إنسان
بتقول الحق ولو على رقتك. ودي ميزة ربنا خصك بيها دونا عن باقي
الناس. باقي الناس بقى الكذب في بقهم زي اللبانة، ويقوا مبدعين فيه
أوي. يعني لو الملكة "شيرين" ملكة الفرس قالت لجوزها "كسرى" إنها
فداه، برضه هتكون بتكذب. ودا رغم إنه عمل حاجات كتير عشانها،
وعامل المسيحين بجنبة وحب لمجرد إنها كانت مسيحية، ورفعها من عيشة
كلها فقر وقرف لعيشة الملوك والهوانم، ومكنش بيصدق أي كلمة تنقل
عليها رغم إن صحابه في مرة قالوله: "انت إزاي يا جلالة الملك، اخترت
من كل ستات الدنيا، الست الفاجرة دي بالذات عشان تتجوزها؟" فراح
الملك جايب كاس مليون دم وشعر وحاجات مقرفة، وقدمه لواحد من
صحابه المعترضين على الجوازة، وقاله:

- تشرب؟

- لأ طبعاً، أنا مشربش القرف دا.

فدلق الملك الوساخة اللي كانت موجود في الكاس وغسله كويس وحط فيه غسل ونوع من أحلى أنواع الحمرة، وعرضها عليهم، فكلهم اتلما على الكاس عشان يشربوا، لأن مفيش حد عاقل يرفضه. فقالهم: "الكاس دا زي "شيرين"، وانتو من هبلكو وجهلكو رفضتوا تاخدوه في الأول".

شوف فيه كام شبل نافق أسد، وشبل يعني ابن الأسد، وأنا عارف طبعاً إنك عارف معناها، أنا بس خايف لحسن الرسالة تقع في إيد شاب جاهل وميفهمش يعني إيه شبل. وشوف فيه كام ملك عملوا كل اللي يقدروا عليه عشان مراتهم، وفي الآخر ودوهم في ستين داهية. دا حتى في الفراخ نفس النظام: تلاقهم بيراعوا بعض ويبساعدوا بعض، لكن جوة قلوبهم غل وكره غريب ويتمنوا الشر لباقي الفراخ ويبقى أنفسهم يشوفوهم مدبوحين.

وكمان قتلتي يا صاحبي وحببي باللي دائما على بالي، إنك بتحبي ومشتاق تشوفي زي حنين الناقه لولادها اللي لو بعدوا عنها شوية بس تقعد تزوم وترغي عشان عايزة تشوفهم، أو زي الحمام مع وليفه. أنا مرة قبل كدا سمعت إن هديل حمام الأيام دي عبارة أصلاً عن دموع، لإنهم بيعطوا على باقي الحمام اللي مات من غير أي ذنب في طوفان نوح، وإنهم لغاية دلوقتي عندهم وفاء لصحابهم اللي ماتوا، لكن مين يعوضهم اللي راحوا؟ ومين أساساً يقدر يعتب على الزمن وقسوته؟

مفيش أقل من الناس الشرفا في زماننا دا، ولو الناس كانت تقدر تبيع الشرف والأمانة والصدق، كانت باعتهم وكسبت من وراهم ذهب. والشاعر اللي قال:

أنا حببي ما بيزهقش مني... ولو غبت عنه، عمره ما بيعيني

أكيد مكنتش في وعيه وهو بيكتب الكلام دا، أو مكنتش لسه شاف الوش الثاني للدنيا.

وأنا حابب أشكرك على مديحك ليا، ربنا يحميك يارب من كل سوء، بس ما أقدرش أقبله، لأنه كذب، ولو قبلت عن نفسي كذب عاجبي، يبقى لازم أقبل عن نفسي كذب مش عاجبي، زي كذبة إني يشرب حخرة مثلاً. بس إن شاء الله ربنا هيجازيني على صبري على كذب الناس دا.

وأنا عايز أحلفلك زي ما "امرؤ القيس" حلف لحبيبته وقال:
والله ما أقوم من جنبك... ولو قطعوا راسي قدامك

عايز أحلفلك وأقولك إن الناس غلظت لما مدحتني وتحيلوا كم معلومات ومعرفة عندي مش حقيقيين، وكل دا تأليف وكذب، زي ما ألفوا حكاية الغول أو الضبع اللي بيتكلم. وفاكرني إنني من أهل العلم، وأنا ولا عندي علم ولا بتاع، العلم عايزله حد يدرسه ويطبقه، وأنا مش كدا. وفاكرني برضه من أهل الدين. ولو عرفوا الحقيقية مش هيكنتوا بس بضربي، دول هيشربوني سم عشان مخلصوا مني.

ولو كنت أنا معرفتش إيه اللي الناس بيقلوه عني، مكنتش تعبت نفسي دلوقتي بالرد عليهم عشان يعرفوا إن كل دا كذب. كنت هفضل ساكت زي الأصنام، أو زي الأرض اللي مش فارقة معاها إنهم يقولوا عليها دي أرض بور أو خصبة، أو حتى زي الدبiche اللي مش فارق معاها إذا كان اللي هاياكلها شايف إنها مليانة دهنة أو إن اجزار شايف إنها رقيقة.

وأنا أساسا هتسبط إزاي وهم عمالين يقولوا عليا كلام كذب، وينسبوا لي حكمة وعلم مش عندي؟ وأنا أخاف إنني أوافق على كلامهم ولي الآخر أتفضح ويبيق منظري وحش أوي. زي حكاية الراجل اللي افتكروا إن معاه فلوس كتير أوي، فطلب منه السلطان مرة إنه يديله شوية من فلوسه، فالراجل قاله إنه معندوش فلوس، فافتكره السلطان بيكذب وفضل يعذب فيه عشان يعترف لغاية لما مات في أيديه.

وأنا والله ما بزعلش من اللي يقول فيا كلام وحش، على الأقل بيعرفوني حجمي الحقيقي. وربنا إن شاء الله يسامح اللي كذبوا بحسن نية. ولولا إنني ما مجبش أختلط بالناس وعابز أموت لوحدي خالص، كنت جبت كل الناس اللي قالوا عني كلام كويس عشان يعيشوا معايا ويشوفوني على الطيبة ويعرفوا إنني مكنتش أستاهل كل دا.

أما بخصوص رجوعك لمدينة "حلب" الجميلة، ربنا يجمعها يا رب، فأنا والله بجبها وبعزها كأنها إنسان بيحس ويفهم. وبجب فيك جبك ليها، وإن انت مهما بعدت مش بتنساها ويتمنى ترجعها وما بتلاقيش راحتك وفرحتك غير فيها. عامل زي قصة البقرة الوحشية اللي خدت ابنها الصغير في مكان بعيد عن التعالُب والديابة، ولما اتظمنت إن مفيش أي خطر، غابت لمدة ثانية، ولما رجعت ملقنتش ابنها. كانت هتجنن وقعدت تميظ وتقول: "يا رب، لو فيه ديب أو تعلقب خده، ما تخليهوش يتألم أو يتعذب، وعوضني عنه يا رب". وفي عز ما هي عمالة تدعي ربنا، سمعت صوت جاي من وسط الزرع، فراحت عند الصوت فلقبت ابنها مستخبي في الزرع ومفيش أي حاجة حصلته، ففرحت جدا وضحكته رجعت تجلجل.

ومفيش بلد في الدنيا هتفرح عشان ابنها اللي غاب عنها رجوع، زي ما حلب أكيد فرحت بروجوعك ليها يا شيخنا، حتى وإن كانت الفرحة دي مش ملحوظة. وربنا دايمًا بيحب حلب وبيرزقها بعلماء زيك في الأدب عشان يعرفوا اسمها دايمًا لنفوق.

وأنا بستغرب إزاي ممكن مجموعة من الناس يتجمعوا على فكرة هم مش قادرين يثبتوا صحتها، ومش متأكدين إذا كانت كويسة ولا لا، أو بتقربهم من الحقيقة ولا لا. أنا نفسي كنت مرة هنضم لجماعة العدميين⁶، بس خفت. قعدت أفكر هعمل إيه لما هقف قدام ربنا وأنا لسه مصلحتش نفسي. مرة الناس راحوا لواحد حكيم وقالوه: "فلان الفلاني اتنحر، ما استعملش الدنيا، ومكنتش عابز يعمل حاجة غلط، وكان عابز خلاص يروح العالم الثاني الجميل". فرد عليهم الحكيم: "الولد دا غلط في اللي عمله، كان لازم يصبر على الزمن لغاية الآخر. محدش يعرف دلوقتي هو هيروح فين ولا مصيره إيه، ولولا حكمة ربنا وقدرته في إنه يمنع الإنسان عن الانتحار بإنه يزود خوفه من الموت، كان كل واحد معرفش يسيطر شوية على غضبه أو يأسه اتنحر".

أما "أبو قطران الفقعسي" فهو شاعر معروف بأشعار الغزل والبطولة، وكان ملوش غير في النسوان والكلام الفارغ. وأنا متأكد إنك يا شيخنا بتفضل شعراء تانيين عن "الفقعسي" زي "الشيبياني" رغم إنه أطرش، أو "أبو الحسن الأشرم" رغم سنانه المكسورة. المهم، "الفقعسي" دا كان

6 من معاني العدمية إن الواحد ما يقااش فارق معاه الوجود من عدمه، أو إذا كان فيه هدف للحياة ولا لا، أو إذا كان ربنا موجود ولا لا.

يبعب "وحشية" بجنون، وتعب أوي لما ضاعت من إيدته. هو صحيح الحب عذاب، بس هو كان حظه حلو إنتهامات، لأنها لو كانت فضلت عايشة وهو اتجوزها وعاش معاها ١٠٠ سنة حتى، كان أكيد زهق ومل في الآخر، وكان كل الحب دا هيبقى قرف ونكد، وهيبقى هو أول واحد بيدعي عليها إنها تغور من وشه، وهي شرحة. بس الواحد إزاي يلوم على ناس بالشكل دا. وحكمة ربنا كبيرة في إنه ما بيحاسبش اللي ما يعرفش، زي ما بيحاسبش برضه النايمين على اللي بيشفوه في أحلامهم.

وبعدين إزاي واحد زي "الفقعسي" تقارنه بيك يا شيخنا في وفاءك؟ دا انت وفاءك يزيد ويغطي حتى على "السموول" اللي لما "امرو القيس" ساب عنده أسلحته، مرضيش يسلمها لأعداءه وسلم بدلها ابنه. "السموول" كان لو شاف "الفقعسي" كان عرف إنه ملوش أمان وغدار. والناس تشهد إن راجل ملوش لازمة، وآخره الخدامين والعبيد اللي بيقتد معاهم.

ويمكن لو كان شاف واحدة تانية أحلى من "وحشية" ولو بجمبة صغرين أوي، كان نسيها بسهولة ولا سأل فيها أساسا. هو عامل زي الجمل اللي لما ما يلاقيش حاجة عدلة ياكلها، يشوف حنة الخشبة الناشفة كإنها وليمة بمجالها.

لكن انت يا شيخنا قعدت مع ملوك مصر، مصر اللي فرعون قال فيها: "اليس لي ملك مصر وهذه الأنهار تجري من تحتي أفلا تبصرون"، وبرضه قعدت في العراق فترة طويلة، وخدمت الأدب العربي كثير. وتأثير الثقافة الإيرانية على العراق كان كبير- الإيرانيين ناس ظريفة وعندهم شرف

ونخوة، وأهل كرم، وبيحوا الأكل، وأكد انت برضه قعدت معاهم وخذت منهم كثير، وعشان كذا أكيد هم عاملوك كويس وقدمولك كاسات متزينة تشرب فيها زي الملوك، زي ما قال "أبو نواس":

قدمولنا الخمرة في كاسات ذهب... متزينة برسومات من إيران

وعليها رسومات ملكية لـ "كسرى"... وأقواس ما سكتها فرسان

على العكس بقى، "الفقعسي" دا كان بخيل جدا، كان بيثيل الخمرة بتاعته في أماكن فقيرة، ويقدمها للناس في كبايات عادية، وكان بياكل أكل مقرف.

وأنا معنديش شك إنك يا شيخنا لو كنت اتكلمت مع "أبو الأسود الدؤلي"، رغم إنه كان أعرج ورغم الحكايات اللي كانت الناس بتحكيتها عن بخله، كنت حبيته أكثر من حب "قيس" لـ "ليلي". ولو كنت حضرت مرة أي ندوة لعالم اللغة "الأخفش الكبير"، كنت شفته أحسن عالم في الدنيا وحبيته جدا. وكان هيصلك نفس الحاجة مع شعراء وأدباء وعلماء كثير زي "الأخفش الأوسط" وحتى "أبو عبيدة" اللي كان معروف عنه رجة بقة الوحشة، بس لو كنت سمعت الدرر اللي بيقولها، كان ممكن تبوسه من بقة.

أما على حكاية إنك لقيت كل أصحابك راحو لما رجعت حلب، فدا حال الدنيا، مفيش حد في أمان منها، وبتحول البيوت العمارة لقبور، ومحدث يقدر يهرب من الموت. بصراحة الموت رحمة للميت، لإنه يبيعد عن شر الدنيا وبيرتاح منها. وعلى رأي الشاعر:

عرفت إني أخري حفرة . . . مفيش بعدها خوف ولا ألم
هروح "البيت" وفضل هناك . . . يبقى على إيه القلق والندم؟

ولسه فيه لغاية دلوقتي عرب بيقولوا على القبر بيت ، ولما حد يموت ،
يقولوا : "هنروح دفننه في البيت " أو "هنبينه بيت " .

أما عن الشخص اللي مدحني ليك بس انت نسيت اسمه ، وقالك إني
أحسن من "سيويه" و"الخليل" ، ربنا يساعه مين ما يكون على الكذب
اللي قاله ، ويعتذر للمرة الألف على مدبح الناس وكذبهم وعلى ذنب
مليش يد فيه . وأنا والله بكره الكلام دا ، كره المسيح للناس اللي عملوه إله ،
رغم كل محاولاته في نفي الإشاعات دي عنه ، والدليل الآية اللي بتقول :
"واذ قال الله ياعيسى ابن مريم أنت قلت للناس اتخذوني وأمي إلهين من
دون الله قال سبحانه ما يكون لي أن أقول ما ليس لي بحق إن كنت قلته فقد
علمته تعلم ما في نفسي ولا أعلم ما في نفسك إنك أنت علام الغيوب" .

أما معرفة "أبو الفرج الزهرجي" بيك يا شيخنا ، فدا يدل على إنه
بيفهم في الأدب ومثقف وإنسان لطيف . وكان نفسي الجواب اللي بعتهولي
"الزهرجي" يوصلني ، ولكن زميلك في الرحلة سرقها ، مكنتش كتابة عليه
الهدوم والفلوس ، ويسيب الجواب في حاله؟ إلهي إيدته تنقطع وميتهناش في
دينته أبداً . حتى لو كان اللي سارقها واحد من العرب المشهورين ، برضه مش
هساعه لأن اللي عمله دا حاجة كبيرة أوي وما تقدرش بكنوز الدنيا كلها .

عموما ، "أبو الفرج" وابته عملوا طبيب إنهم فرجوك على الكتب
اللي عندهم وسألوك عن رأيك ، لإن بفضل مساعدتك ليهم ، علمهم اللي

كان زي نقطة المية ، بقى بحر ، وعرفوا واتعلموا منك حاجات كثير أوي .
الواحد فعلا لازم يدي العيش لخبازه⁷ .

ولو كنت تعبت يا شيخنا من زحمة حلب ، فممكّن تروح تريح نفسك
شوية عند نهر "قويق" . دا نهر بديع ، ومحدث بيغرق فيه ، ولا يبزهق منه .
الناس بتصطاد منه بناته السمكات الصغيرين . هو يربي ويراعي ، والزمن
يخطفهم منه . رغم إن سمكاته ما كنوش أبدا عايزين يخرجوا من ميته ،
ولكن نصيبهم كذا : إن تكون آخرتهم شبكة تلمهم كلهم ، وما يحسش
"قويق" الغلابن بيهم . و"قويق" ما بيغضبش ولا بيغير ، لأنه ما يقدرش
يعمل حاجة . وما يفرقش معاه مين يصطاد منه ، سواء عربي ولا رومي .
وشعرا كثير قالوا في النهر دا شعر ، زي "البحثري" و"السنوبري" . بس
أظن إن شيخنا كان بيرتاح برضه عند دجلة والفرات في العراق .

عموما حلب دي زي ما تكون أم حنينة على عيالها ، الناس فيها
فرحانين ، وعمرها ما بتظلم ولادها .

وقد يكون برضه يا شيخنا إنك لما اتكلمت عن حكاية "وحشية" دي
كنت تقصد بيها تدي مثال على كل صحابك ومعارفك اللي راحوا منك .
أصل ساعات العرب بيعملوا كذا ، بيقولوا اسم راجل أو ست على أي حد
حصله نفس الموقف ، زي مثلا اللي يقول "كانك يا أبو زيد ما غزيت" على
أي حد ، حتى لو ما كنتش اسمه أبو زيد أو مش راجل أصلا .

7 الجملة دي هي ترجمة الجملة اللي في المقدمة .

أما شكوتك ليا بخصوص الناس اللي بيدعوا العلم وهم صفر على الشمال، فأنا ذيك بالظبط، تعبان وزهقان منهم، والحمد لله إن فيه ناس ذيك عشان ألاتي حد يفهمني، على رأي المثل ما يجسش باللي عنده مصيبة إلا اللي عنده زيبها، أو زي ما قال الشاعر:

صرخ التايه في الصحرا . . . وما سمعه إلا تايه زيه

واحنا الاتنين الحمد لله تايهين، ومش عارفين نروح لمن يدلنا على الطريق بخصوص الناس دي. وفوق كل دا، الطريق طويل وركوبتنا بطيئة، وعلى رأي اللي قال:

الجمال بيحكلي من طول الطريق . . . اصبر يا جملي، كلنا في الهم سوا

وهو إيه الفايدة لما شجرة تشكي لأختها من ضربة الفاس؟ وأهل الأدب في كل جبل ما بيطلوش شكوى من اللي قبلهم أو حتى من اللي معاهم في نفس الجبل، ويكتبوا حكاياتهم في كتب. وانت أكيد عارف حكاية "عبد الملك الفزاري" اللي ساب في وصيته جزء من فلوسه لأهل الأدب، وقال: "أصل شغلانتم دي الناس بتهجرها، ومحدث بيهتم بيهم ولا يقدرهم، ومنهم اللي بينجح لفترة بس بعد كدا بيتقع على جدور رقبته". واللي عايز ياكل عيش من الشغلانة دي زي بالظبط اللي بييشل المية في إزارة غزومة. حتى "سبويه" لما عرف إن العملية مش جاية همها، راح اشتغل في حاجة تانية، و"أبو تمام" مات موة تصعب على الكافر في "الموصل" في العراق.

أما الناس إياهم اللي انت قلت إنهم بيغلطوا كثير في النحو وانت خايف تواجههم ليتلموا عليك ويغلطوك انت، فهم شوية جهلة وظلمة. التعالب ما بتفتوش أي فرصة لو تقدر من غير ما تأذي الأسد، عشان كدا دا إما هم عايزين يأذكوك، عشان غيراين من علمك يا شيخنا، وانت مش المفروض تهتم أساسا بالناس اللي من النوعة دي. وعلى رأي الشاعر:

وايه يضرب البحر لو . . . عيل رمى طوية فبه

وهيفضل شوية الهمج دول يقولوا كلام جاهل، لكن أهل العلم والأدب اللي بجد عارفين الصح فين. ومن الآخر كدا، الحسد ما بيأذيش إلا صاحبه.

أما بخصوص "المتنبي" والبيت بتاعه اللي ذكرته اللي يقول:

مفيس أحقر من أهيل الزمان دا . . .

فهو عموما راجل يحب التصغير زي عينيه، وبيستخدمه كثير أوي، زي ما قال في شعره:

"يا حبيبة قلبي"، "أحيمق"، "الخويدم"، "شويمر"، عشان يصغر "حبيبة"، "أحمق"، "الخادم"، "شاعر".

وخذ عندك من دا كثير في ديوانه. وعموما التصغير مش وحش، هي بتبقى زي لازمة عند الكاتب أو الشاعر، وبتدي جمال مخصوص للقصيدة، زي الشامة الحلوة اللي بتبقى في الحد.

أما بخصوص البيت إياه، فهو قاله في "علي ابن سيار" في أنطاكية، قبل ما يمدح "سيف الدولة علي ابن حمدان"، والشعرا عموما يجوزلهم

يعملوا كذا، بدليل الآية التي بتأكد على إنهم يغيروا كلامهم وملهمش
موقف ثابت: " ألم تر أنهم في كل واد يهيمون، وأنهم يقولون ما لا
يفعلون "

وكلمة أهل عموما معناها جماعة، فلما حد يقول: " السلام عليكم يا
أهل الدار " يبقى قصده يسلم على كل الموجودين مش واحد بس، بس
ساعات بتستخدم لشخص واحد بس، زي ما نقول مثلا: فلان دا أهل كرم
وأهل خير .

أما الحكاية التي قالها " القطريلي " و " ابن أبو الأزهر " عن " المتنبّي "
يمكن تكون حصلت، وإن كان محدش يقدر يجزم إن " المتنبّي " تجس في
العراق، لكن في الشام دا مؤكد ومعروف للناس كلها .

واتقالي إنه لما كان حد يبسأل " المتنبّي " عن معنى اسمه دا، كان يقول
إنه جاي من " النبوة " يعني حته أرض سطحها عالي شوية عن الباقي . وهو
فعلا كان أعلى من باقي الشعرا اللي زيه، وربنا له حكمة في كذا أكيد،
الموضوع في الآخر حظ، ومش لازم يكون آخره المجهود دائما نجاح .

وهو في ديوانه كان فيه شوية أبيات بتبين إنه كان حاسس إنه أعلى من
اللي حواليه، زي البيت اللي يقول:

أنا ما تجدش أوامر غير من ربنا

بس مش كل اللي الناس بتقوله بيكون هو فعلا اللي بتعتقده، لأن
الناس كدابة بالفظرة، ويمكن تسمع كلام من واحد وتحس إنه في منتهى
التدين، بس هو في الحقيقة بيستخدم الدين كمكياج ليه عشان الناس تمدحه

أو عشان نفسه يوصل لحاجة من حاجات الدنيا . أو ناس تعمل نفسها
مدينة، وهي من جوة ملحده .

وأنا معنديش شك إن الشاعر " الخزاعي " ملوش في الدين، وكان
عامل نفسه شيعي، وهو كل غرضه إن ياخذ فلوس من العملية دي، وعمل
لنفسه نسب لأئمة الشيعة، وهو أساسا كان مصاحب " أبو نواس " وماشي
وراه في كل حاجة .

والناس اختلفت على " أبو نواس "، يعني فيه منهم اللي قال إن كان
بيصلي كثير، بس كان بيصلي صلوات الصبح بليل . لكن في كل الأحوال،
هو كان ماشي مع التيار اللي كان ماشي معاه باقي الناس وقتها .

يعني النبي لما جه بين العرب، كان كل مهمم في الوقت دا هو الشعر،
ومش فارق معاهم أي حاجة تانية غيره . فيه ناس مشيوا ووا النبي، بس الله
أعلم نيتهم كانت إيه . لما الإسلام انتشر، والعرب اختلطوا مع أهل البلاد
التانية، وسمعوا أهل العلم والمنطق، والدكاترة والعلماء . ناس كثير منهم
سايوا الإسلام .

والإلحاد موجود في كل العصور، لدرجة إنهم بيقولوا إن لما آدم كلم
ولاده عن الآخرة والجنة والنار، قالوله انت كداب ومصدقهبوش، ومن
يومها لحد النهاردا والناس بتلحد وهتفضل تلحد .

فيه ناس بتقول إن باشاوات قريش كانوا ملحدين، وعندهم حتى
يقولوا عليهم كذا، كفاية القصيدة اللي قالها " شداد ابن أسود الليثي " عن
اللي ماتوا في غزوة بدر:

جت وسلمت علينا... ردوا السلام على "أم بكر"
 كناية كلام عن باشاوات... قریش اللي ماتوا في بدر
 ومش هشر تاني خمرة... بعد موت أخويا هشام
 وقولوا للرحمن إن أنا... ملين تاني في الصيام
 لزاوي الراس بعد ما تنقطع، يقولنا... "ابن كيشة"^أ إن صاحبها هيجيا تاني
 ومنعتش الموت عنى له أساسا... لما انت ناوي تحييني بعد ما تدوب عضاس
 وبصراحة ما يقولش الكلام دا إلا اللي ما بيخفش من الموت وبيبش
 شجاع وقت المعارك.

وأنحكالي إنه أيام ما كان "المتني" عنده أملاك في منطقة "صف" في
 "معة النعمان"، شافوه وهو بيصلي في مكان اسمه "كنيسة الأعراب"،
 وإنه صلى ركعتين بس في وقت صلاة العصر. بس يمكن كان مسافر وعشان
 كذا قصر في الصلاة.

وناس ثقة برضه قالولي إنه راح عند "بني عدي" وحاول يقنعهم إنه
 نبي، فقالوله: "طيب، الناقة دي صعبة أوي، لو قدرت تركيبها، هتصدق
 إنك فعلا رسول من عند ربنا". "المتني" راح عند الناقة دي، وعمل شوية
 حركات لغاية لما قدر فعلا يركبها. الناقة تخضت في الأول بس بعد كذا
 هلدت ومشيت معاه، فلما دخل على "بني عدي" وهو راكب على
 ظهرها، استغربوا جدا، وصدقوا فعلا إنه رسول.

8 اسم كانوا يبندهوا به النبي.

وأنحكالي برضه إن "المتني" كان قاعد مع مجموعة كتاب في
 "اللاذقية". فواحد من الكتاب اتعود تعوية جامدة أوي وهو بيسن القلم
 بناعه بالسكينة، فراح "المتني" فوراً تف على الجرح وقال للراجل: "ما
 للمسح الجرح خالص النهاردا، وابقى تعالالي أشوفها بعد كام يوم".
 وفعلا الكاتب سمع كلامه، والجرح خف. فبقوا مصدقين إن فعلا
 "المتني" بيعمل معجزات وبقوا يقولوا إنه زي اللي بيحي الأموات.

وفيه راجل قال إن "المتني" استخى عنده في "اللاذقية" أو في مدينة
 نانية ساحلية، وكان "المتني" عايز يروح مكان تاني، فخرج معاه، فطلع
 عليهم كلب وقعد يهوهو عليهم فترة وبعدين مشي، فد "المتني" قال
 للراجل دا: "لما ترجع، هتلاقي الكلب دا مات". فلما رجع الراجل لقى
 فعلا الكلب ميت. ومش بعيد المتني يكون حط للكلب سم وما قلش
 للراجل، وفيه أنواع كتير من سم الكلاب كانت معروفة في الفترة دي.

أما حكاية إن "القطرلي" و"ابن أبو الأزهر" يأنقوا مع بعض كتاب
 فغريبة جيتين. وما سمعتش عن الحكاية دي قبل كذا. بتفكرني بحكاية
 الاتنين شعرا اللي بيسموهم "الحالديان": "أبو بكر محمد" و"أبو عثمان
 سعيد". كانوا مرة عند "سيف الدولة" ومشوا من عنده غضبانين. كان
 ليهم برضه ديوان مشترك، صعب أوي إنك تطلع فيه أي اختلاف في
 أسلوبهم، وكان شخص واحد بس اللي كتبه. ودا غريب، لأن الإنسان
 بطبعه مختلف، ومقيش حد بيبقى متفق مع الثاني بنسبة ١٠٠٪.

اللي معقول شوية، إن واحد يتندي في كتاب ويكمله الثاني، زي
 حكاية "أبو سعيد السيرافي" اللي يقولوا إنه كتب في كتابه "المنع أو

الإقناع" لغاية فصل التصغير، وبعدين مات، فكمّل ابنه "يوسف" الكتاب. ويمكن يكون دا حصل فعلا، مفيش مشكلة.

وكمّان فيه ناس ثقة قالولي إن "الموجز" اللي كتبه فعلا هو العالم النحوي "أبو بكر ابن السراج البغدادي" وإداه بعد كدا لـ "أبو علي الفارسي" عشان يكمله. "الفارسي" غير شوية حاجات من هنا ومن هناك، وانتقال بعد كدا إن "الموجز" بتاعه.

الناس اللي كانوا بيحاولوا يحدّوا تاريخ ديوان "المتنبي" قالوا إنه هو اتولد سنة ٩١٥ ميلادي، وإنه راح الشام سنة ٩٣٣ وقعد هناك فترة صغيرة وبعدين طلع على العراق، وبرضه ما قعدش هناك كتير. والدليل على إن الكلام دا مطبوع هو إن شعره في الفترة دي كان يمدح فيها أهل الشام.

وأما حكاية شكوته من زمنه وأهل زمنه، فهو كان مجرد ماشي مع نفس منتهج الشعرا القدام مش أكثر، والشعرا القدام كانوا متعددين يشتموا كتير في الزمن، لغاية لما النبي قال: "ما تسبوش الدهر عشان ربنا هو الدهر". والحديث شكله سهل من برة، لكن من جوة فيه مفهوم ثاني جديد ومهم أوي، وهو إن محمد هو أول نبي يقول إن الزمن هو ربنا، ومكتش حد قبل كدا طلب من الناس إنهم يعبدوا الزمن، أو إن الزمن هو اللي خلقهم. وربنا قال في كتابه: "وما يهلكنا إلا الدهر".

وانت يا شيخنا اشتكيت إن مفيش حد عاقل يشككي من حاجة مش عاقلة زي الزمن. ودا عشان فيه ناس فاكرة إن الزمن مجرد حركة أفلاك، حتى "سيبويه" كان كاتب في كتابه إن الزمن عبارة عن مجرد ليل ونهار وبيعدوا.

أما بالنسبالي، فأنا عملت تعريف للزمن دا ما اعتقدش إن فيه حد قاله لبلي، أو يمكن قالوه بس أنا مسمعتهموش. بالنسبالي، الزمن عبارة عن حاجة أقل جزء فيها شامل كل حاجة، على عكس المكان، أكبر جزء فيه لا يمكن يكون شامل كل حاجة. أما الكون ف شامل كل حاجة، بغض النظر عن كونها كبيرة ولا صغيرة.

واللي قالوا: "وما يهلكنا إلا الدهر" وغيرهم من اللي اتكلموا عن الزمن أو شتموه، مسمعنش إن حد منهم قال عن الزمن عاقل أو قدمله قرايين، مجرد بس إنهم ورثوا النوع دا من الشعر من أجدادهم جيل ورا جيل مش أكثر. وكان الشاعر "عبد القيس" مسمينه "شاتم الدهر"، وكان ليه أبيات بتقول:

*ولما عرفت إن الزمن طريقه واعر... ولما ورلنا وشه القرف القبيح
وجبهته اللي عاملة زي القرد... ودقنه اللي ملوية زي النعابين*

اتفكرت أمواتنا الله يرحمهم وقلت... ياريتني أبقي معاهم دلوقتي من الميتين

أما غيظك يا شيخنا من الملحدين، فربنا يجازيك عليه خير إن شاء الله، ويكتبهالك في أعمالك الصالحة، زي ما هيجازيك إن شاء الله على صبرك على العطش والحراوات بتحج، وعلى اللبلة الصعبة اللي قضيتها في "المدلفة". وأنا متأكد إنك دعيت ربنا وقتها إن يثبت الإسلام وينصره ويزود نور المؤمنين. لكن الإلحاد مرض قديم ومنتشر بين الناس من زمان، وفيه شوية علماء وفقهاء بيقولوا إن إذا فيه واحد الأحد ورجع للدين ثاني عشان خايف من القتل، توبته ما تتقبلش. الكفار والمرتدين موضوعهم مختلف، عشان المرتد لو رجع يتقبل منه الرجوع عادي.

ومفيش ديانة ولا ملة إلا وفيها ملحدين، ويعملوا نفسهم إله
موافقين على شريعة دينهم، بس هم في الحقيقة غير كدا. والناس اللي زي
كدا لازم يتفضحوا وتعرف نيتهم الحقيقية ويتعاقبوا على كديهم.

وكان الملوك في إيران يبقنوا الملحدين، وكانوا الملحدين اسمهم
"الدهريين" ومكنوش مؤمنين لا بالأنبياء ولا بالكتب المقدسة.

أما الشاعر الملحد "بشار ابن برد" فكان زي باقي الملحدين. ومع ذلك
يقولوا إنهم لقوا في كتاب من كتبه، حتة ورقة مکتوب عليها: "أنا كنت عار
أشتم فلان الفلاني الهاشمي في أشعاري، بس سمعته عشان من قرأيب النبي".

وكان يبقولوا إنه كان على خلاف مع "سيبويه"، وحضروا مرة
اجتماع عند "يونس ابن حبيب"، فسأل "بشار" الناس اللي في الاجتماع:

- فيكم من يكتنم السر؟

كلهم ردوا عليه في نفس واحد:

- في بير.

فراح مسمعهم قصيدة بتقول:

يا قبيلة أمية اصصوا وفوقوا من نومتكو... الخليفة بقی هو الوزير
"يعقوب ابن داود"

والخليفة الحقيقي بقی ملوش وجود... والثاني متلاقوه بين أنغام الناي والمود

بيقولوا إن "سيبويه" راح وفتن عليه. وما اعتقدش إن "سيبويه"
يعمل كدا، أيا كان دا كان راجل كبراة وعالم، وحرکات النقص دي ما
تطلعش منه.

ومرة ثانية كان بشار استعمل كلمة "نينان" كجمع لكلمة "نون"
بمعنى سمكة. فيبقولوا إن سيبويه اعترض على الجمع دا، رغم إن في كتابه
'كتاب سيبويه' الجمع دا موجود، ودا يدل على إن فيه ناس كتير بتألف
حكايات ملهش علاقة بالحقيقة.

وبرضه قالوا إن "بشار" حلف لبشتم "سيبويه" في أشعاره،
له "سيبويه" سبق بالخير عشان يبعد عن شره، وذكر شوية من أشعار
"بشار" في كتابه.

ويبقولوا إن الوزير "ابن داود" فضل ورا "بشار" لغاية لما اتقتل،
واختلفوا في سنه: فيه ناس بتقول كان عنده ٨٠ سنة وقتها وفيه ناس بتقول
إنه كان أكبر من كدا.

وأنا ما بقولش إنه من أهل النار، واللي قلته قبل كدا دا كان مرتبط في
الأول وفي الآخر بمشيئة الله، وربنا حلیم وهاب.

الكاتب "أبو عبد الله ابن الجراح" كان ذكر في كتابه "الورقة" شعرا
من نفس جيل "أبو نواس" ومن الأجيال اللي قبله وقال عنهم إنهم كانوا
ملحدين. بس محدش يعرف أسرار القلوب إلا اللي خلقها، وخاصة إن
الفترة دي، كانت الناس بتبخي رأيها عشان خايفين من السيف. لكن
دلوقتي كل حاجة بقت على عينك يا تاجر، وما بقاش فيه أسرار.

مرة زمان كان فيه واحد عنده صحاب شيعيين وصاحب ملحد. فعزم
صحابه الشيعة عنده في البيت كام يوم، وطب عليه صاحبه الملحد وخبط
على باب بيته وقاله:

قلبي مليان شكوك وحران . . . ومتقسم بين الفكر والأحزان

فقاله صاحب البيت وهو غضبان :

- انت مين وعازب إيه؟

فمشي صاحبه الملحد . بعدها بكام يوم قابلوا بعض ثاني ، فصاحبه البيت قال لصاحبه الملحد :

- كنت هتفضحتي المرة اللي فاتت وهتبوظ سمعتي ، وكانوا هيفتكروا إني ملحد زيك .

- طب اعزمهم مرة ثانية وأنا هصلح الموقف .

فعرزمهم فعلا وعدى عليه صاحبه الملحد وقال :

قلبي مليان شكوك وحران . . . ومتقسم بين الفكر والأحزان

فردوا عليهم كلهم غضبانين :

- تقصد إيه بكلامك؟

فكمل وقال :

زعلان على اللي عمله "عمر" . . . و"أبو بكر" في "علي" الغلبان

ومشي . فصاحب الرجل الشيعيين فرحوا أوي . وبعد فترة قابل الرجل صاحبه الملحد وقاله :

- روح يا شيخ ربنا بكرمك ، كنت هروح في داهية ، بس انت بعدت الشبهة عني .

كان برضه فيه واحد ملحد في "البصرة" عنده سيفين ، مسمي واحد فيهم "الخير" والثاني "النجاح" ، فلما كان يشوف واحد مسلم يقوله :
"تنصح بالخير وتمسى بالنجاح"

أما البيت اللي قاله "أبو نواس" بتاع :

غرور معني وظرف ملحد

فالنقاد قالوا إنه بيت مش قد كدا . وهو كان بيقوله في راجل من قبيلة "الخارث" كان مشهور عن إنه ملحد وظريف ، وكان قريب من السلطان .

ونفس الحكاية مع "امرؤ القيس" لما قال :

النهاردا هشرب خمرة . . . وربنا مش هيعاقبني

وهو كان قصده إن أخيرا يقدر يشرب خمرة بعد ما كان محرما لغاية لما ياخذ بتار أبوه ، فدا تعبير عن فرحته ، مش معناه إن هو فعلا هيشرب ومش هيتعاقب . فالسياق كله لازم يفهم الأول عشان المعنى الحقيقي للبيت يكون واضح ومفهوم وما يتأخذش الناس ظلم .

أما الشاعر "صالح ابن عبد القدوس" اتشهر بيانه ألد ، وما اتقتلش ، على حد علمي ، غير لما مسكوا عليه أدلة من كلامه وشعره . و"صالح" كان عنده ولد برضه قالوا عنه إنه ألد ، واتسجن فترة طويلة عشان الموضوع دا . لما "صالح" حس إنه قرب يتقتل بسبب إلحاده ، عمل نفسه إنه تاب وإنه يرجع في كلامه . بس على مين؟ النبي كان عنده حق ، عليه ألف صلاة وسلام ، لما قال : "أنا جيت بالسيف ، والخير في السيف ، والخير بالسيف" ، وليه حديث ثاني بيقول : "أمتي هتفضل بخير ، طول ما هي شايلة السيوف" . والسيف هو اللي خلى "صالح" يرجع عن الإلحاد ، ويرجع للحق . وربنا قال في آيته إن لو الواحد ما تابش قبل ما يموت ، مش هيتقبل

منه إيمان بعد كذا: "يوم يأتي بعض آيات ربك لا ينفع نفساً إيمانها لم تكن آمنت من قبل".

أما "القتع الخرساني" اللي قال على نفسه إنه إله، فذا راجل جاهل. ولو كان ربي كام جل وراعاهم كانوا هيكونوا أفيدله، ومكنش هيفطر يقتل نفسه بالسلم. مهما الواحد عمل، مش هيفلت من الموت أبداً.

أما "الصناديقي" فهو كمان كان ملحد. ودا ظهر في اليمن سنة ٨٨٣ ميلادي. وكانوا المغنيات في فترته يقولوا:

خدي الدفوف يا حلوة واضرفي... واتكلمي عن أخلاق دا النبي
خلاص راحت على الهاشمي... ومن قبيلة "يعرب" جالنا نبي
ولا بقى فيه سعي ولا قبور تنزار... ولما يصوموا الناس، كلي واشربي
وتامي مع اللي انتي عايزاه، ما هو مش... حلال للغريب وعلى أبو كي تحرمي
والخمره حلال زي مية المطر... ربنا نجليلنا دا الدين، ويحفظلنا دا النبي
إلهي ربنا يلن كل اللي صدقوا الكلام دا وآمنوا بيه.

والتوعية دي من الناس، الله يلعنها، بتستخدم طرق مختلفة عشان تقنع الناس وتضحك على عقولهم، وما بيستحوش إنهم يدعوا الألوهية وما بياخدوش بالهم من فظاعة كلامهم. والناس لو لقت حد مختلف عنها، تتلم عليه بفضول. كان فيه واحد استخبي في مكان ومبقاش بيكلم حد إلا عن طريق خدام اسود وسماه "جبريل". في يوم من الأيام، الخدام بتاعه قتله ومشى، وبقت الناس تترى على الراجل وتقول:

سبحان الله، "جبريل" هرب من الحرام... وساب، اللي فاكريته إله،
على عرشه مقتول

ويقولوا إن "جبريل" عمل كذا من كتر الحرام اللي كان سيده بيحيره عليه. وياريتهم لما بيكدبوا بيكتفوا بالإمامة أو النبوة، لكن دول بيطلعوا لفوق أوي، لأعلى درجة.

والعرب أيام الجاهلية ما كنتوش يقدرنا يعملوا المصايب دي، بالعكس، كانوا بيعتمدوا في تكوين آرائهم على الحكماء وعلى كتب العلماء القدام. والفلاسفة مكنوش بيؤمنوا أساساً بفكرة الأنبياء، وكان أي حد يدعي النبوة كانوا يقولوا عليه غيبي.

مرة "ربيعة ابن أمية الجمحي" حصل ما بينه وبين "أبو بكر الصديق" و"عمر ابن الخطاب" مشكلة، يقولوا إنه شرب خمره في نهار رمضان، فـ"عمر" ضربه. وبسبب مشاكله معاهم ساب الإسلام ودخل في المسيحية. وقال:

أنا آمنت بالديانة المسيحية... ومن النهاردا لا فيه ضهر ولا عصر
واسقوني خمره كل يوم لأنها... لا متحرمة ولا بتتشرّب في السر
لو أبو بكر فضل هو الخليفة... يبقى مقيش خير في الحجاز ولا مصر
ولو كان الإسلام هو الحق... فأنا سييته كله لأبو بكر

والناس غلظت لما سمحت لشوية منهم إنهم يدعوا الألوهية، دا كان عين الكفر والإلحاد وقتها، وكلينهم بيغرفوا من الكفر غرف. والناس في الجاهلية مكنوش بيصدقوا أي حد يدعي النبوة، وما كنتش دماغهم بتوديهم لأكثر من كذا.

و"عمر ابن الخطاب" لما طرد كل اللي مكنوش مسلمين من الجزيرة العربية، الناس المطرودة حزنت أوي، فراجل من يهود "خير" اسمه "بسمير ابن أدكن" قال في الموضوع دا:

"أبو حفصة" شادد حيله علينا بكرابجه . . . اهدى شوية، عشان اللي النهاردا عالي بكره وطبي
لو كان موسى عنده حق ما كنتوش انتو ظهروا . . . لكن الأيام دول، ودا وقتكم الأيام دي

بس احنا لينا شرف الكلب الأول، وانتو عشان . . . السلطة والشوذ بتقلدوا نفس الطريق والخطاوي

واليمن بالذات كانت مشهورة باللي بينكسبوا من الدين . وفيه ناس سافرو اليمن قالولي إن لحد النهاردا، فيه مجموعة من الناس كل واحد فيهم عامل نفسه المهدي المنتظر، وييلماو فلوس كتيرة جدا من الناس اللي معلقة عليهم آمالهم إنه يتقدوهم من النار .

واتحكالي برضه إن القرامطة في البحرين عندهم بيت يقولوا إن المهدي بتاعهم هيخرج منه في يوم من الأيام، وحاطين على باب البيت دا حصان، ويقولوا للناس البسيطة والجهلة: "الحصان دا للمهدي عشان يركبه لما يخرج بالحق" . وهم طبعاً بيضحكوا على الناس عشان يسيطروا عليهم .

ومن أغرب الحاجات بقى اللي سمعتها كانت إن واحد من رؤساء القرامطة زمان، لما حس إنه خلاص بيودع الدنيا، جمع حواليه أصحابه وقالهم: "أنا نويت انتقل النقلة الكبيرة، وأنا كنت بعتلكو موسى وعيسى

ومحمد، بس لازم هبعتلكو غيرهم" . الله يلعنه، عمال يزود في الكفر، في عز اللحظة اللي هو المفروض يتوب فيها ويؤمن .

أما "الوليد ابن يزيد"، رغم سنه الكبير، إلا إن عقله كان زي عقل عيل لسه مولود . كان عنده إرادة من حديد، بس منفعتوش بمحاجة، زي ما برضه ما "ماني" اللي كان بيسجلده منفعتوش بمحاجة . وشربه للخمرة زود الظينة بلة، عشان يبقى في أوطى مكان في الجحيم، وساعتها ولا هيلاتي خرة ولا حتى كاسات فاضية . يقولوا إن هو اللي قال الشعر دا:

يا صحابي قربولي البنت "عبدلاً" . . . عشان أنا اتأكدت إنني مش رايح النار خليفهم موهومين اللي عايزين الجنة، وأنا . . . هروضهم لغاية لما يدخلوا في دين الحمار

والأعجب إن الزمن تجلي واحد زي دا إمام للمسلمين على ملك كبير وضخم . ممكن كان فيه أئمة تانية ملحدين زي، بس مكنوش يقولوا عشان خايفين من الناس . وبرضه كان ليه قصيدة بتقول:

أنا الإمام وليد وليا الشرف . . . بحب أسمع الموسيقى والشعر الجمال
وأروح لغاية بيت حبيبي . . . وما أخفش أنا من لوم العذار
والدنيا إيه غير سماع أغاني . . . وخمرة تسكر في أباريق طوال
ومش عايز حور عين الجنة . . . وفيه حد عاقل يصدق دا الجنان

ويقولوا إنهم لما اتلم الناس عليه عشان يقتلوه، دخل قصره وقفل الباب وقالهم: "هاتولي المز وخدوا الملك، كدا كدا مش هينفعكو ولا يدوملكو" .

الكلام دا خلى الناس تقلب عليه جامد، ويقولوا إنهم شافوا راسه بعد كدا في بق كلب. ربنا لازم يعاقب الناس اللي زي دول. والناس ملهاش حيلة في الدنيا دي، اللي تابعه كل اللي فيها. المفروض الخلافة تبقى للشخص اللي أخلاقه عالية وقُدوة، واللي مفئش حاجة ترجعه عن الطريق الصحيح. لكن المصايب موجودة من أول ما ربنا خلق الشمس، ومحدش هيهرب من قدره حتى لما يروح قبره.

أما "الجنابي"، فلو كان فيه بلد ممكن تتأخذ بذنوب فرد واحد ساكن فيها، كانت "جنابة" اللي في إيران اتأخذت بذبذبه وعمرها ما كانت شافت رحمة، لكن حكم ربنا عادل في كتابه: "ألا تزر وازرة وزر أخرى".

وفيه خلاف على أسباب سرقة "الجنابي" للحجر الأسود. فيه ناس قالت إنه خده عشان يعبده، لإن فيه ناس قالوله إنه الحجر دا هو إيد صنم معمول على شكل كوكب زحل. وفيه ناس ثانية قالوا إنه خده عشان يعمله مسند. أيا كانت أسبابه، الله يلعنه لحد يوم القيامة.

أما "العلوي البصري" بتاع الزنوج، فيه ناس حكمت إنه كان يقول إن من نسب "عبد قيس"، وبعد كذا غير كلامه وقال إنه من "أنمار"، وكان أساسا اسمه "أحمد"، بس غيره وخلاه "علي". كان بيكذب أكثر ما بيتنفس. هو حب الدنيا يجنون لغاية لما غرقته، وهيفضل كدا "ما دامت السماوات والأرض إلا ما شاء ربك إن ربك فعال لما يريد". وهو اللي قال الأبيات دي:

قتلت ناس كثير عشان مصلحتي... والسيف هو اللي خلاني أبقى غني
اللي يشوف قبري ما يظلمنيش... وربنا يستر من اللي هشوفه عند ربي

فيه ناس بتقول إن دي أبيات "عضد الدولة"، وإنه شافهم في المنام ولما صحى كتبهم على الحبطة، بس أنا مش مصدق الكلام دا.

أما "أبو عيسى ابن الرشيد"، راجل ما يسدش في أي موقف. ولو اللي قالوه عنه من كرهه لأهل الأديان صحيح، يبقى ما مشيش على نفس طريق أسلافه الصالحين. وربنا لا بيعتم باللي يصوم عشان خايف من عقابه ولا باللي ما يصومش. فيه ناس بتقول حاجة وقلوبهم مؤمن بعكسه، وأتمنى إن "أبو عيسى" كلامه يكون من ورا قلبه وميكوش هو واللي زيه كافرين بالله فعلا.

كان فيه واحد شاف في الحلم الشاعر "عبد السلام ابن رغبان" المشهور بقلة أدبه وإلحاده، وهو في أحسن حال، فسأله في المنام:

- مش انت لما كنت عايش قلت الأبيات دي:

مفئش غير الدنيا، وفاكترين إن فيه آخرة... وكلها أوهمام في دماغ ناس
مرضى

- أبوة، بس أنا كنت بتلاعب بالكلام ومكتش قصدي كدا فعلا.

ويمكن يكون ناس كثير من اللي اتعرف عنهم إنهم ملحدين، ما يكونوش ملحدين فعلا، ويكون لسانهم بس طويل شويتين وفلت منهم،

أما حكاية الناس اللي غيروا اسم "رحمة" وخلوها "رحمة" فأنا مش صدقها وشكلها كلها كذب في كذب. وبرضه حكاية إن "علي" قال إن الزنوج هيدمروا البصرة، وبعد كذا الناس غيروا كلمة الزنوج وخلوها ربيع، كلها كذب، لأن لا "علي" ولا غيره بقدرنا يعرفوا المستقبل فيه إيه، وربنا قال: "قل لا يعلم من في السموات والأرض الغيب إلا الله". ومينعش حد يقول من ١٠٠ سنة إن أمير حلب سنة ١٠٣٢ اسمه فلان الفلاني، وشكله كذا وهيعمل كذا، ولو قال كذا، فهو مجرد شخص كذاب ودجال.

ولو حصل إن حد قال حاجة وتحققت بعد كذا، فذا مجرد صدقة، زي ما حصل مع الشاعر "الفضل ابن سهل" اللي قال في قصيدة ليه:

ربنا ما يسلط علينا غالب... ولا تكون نهايتي على إيد الغالب

وانقتل بعد كذا على إيد واحد اسمه "غالب". فحكاية زي كذا يا إما كذب، يا إما صدقة. عموما الدنيا مليانة عجائب، وفوق كل ذي علم عليم.

بيقولوا برضه إن القاضي "إياس ابن معاوية" كان يقول الحاجة وتحصل بعد كذا بالحرف، وكانوا بيسموه "المكتشف عنه الحجاب"، و"الذكي". والشاعر "أوس ابن حجر" قال عنه:

"الذكي" اللي بيقول الحاجة ويتحقق... كإنه سمعها قبل كذا وشافها

أما "الحسين ابن منصور الخلاج" فذا كان شخص يبشر جهل. والناس لو كانت تبعند الأصنام والحجر، فذا كان عشان عارفين إن مفيش إنسان خالي من العيوب. "الخلاج" كان عايز يبقى هو محور الكون، ولو

كان فضل في شغلته ولا كان فيه أي حد هيفتكروه أساسا. الناس ألفت حكايات كذب كتير عن "الخلاج". كل حكاياته وتاريخه حاجات غريبة ما يصدقهاش عيل صغير. ومن ضمن الحكايات الغريبة عنه إنهم لما جم عشان يعدموه، قالهم: "انتو فاكرين إن انتو بتعدموني أنا، إنت بتعدموا بقرة "المادراني". وفعلا، لقوا بعد كذا البقرة دي مقتولة في اصطبلها.

وفي الصوفية لغاية النهاردا، تلاقي ناس بتعلي مكانة "الخلاج" أوي، وينتخطه جنب النجوم. وقالولي إن في "بغداد" فيه ناس مستنين ظهوره، وإنه بيروحوا مكان ما اتصلب على نهر دجلة ويستنوه يخرجلهم. ودا جهل، بس مش حاجة جديدة على الناس. لدرجة إن كان فيه ناس بتعبد قرد عشان يخلي حظهم حلو، والعامه كانت بتقول: "اسجد للقرد في زمانه". وأنا مقدرش أعمل حاجة زي كذا، بس الناس كانوا بيدخلوا على السلطانة "زبيدة" مرات "هارون الرشيد" عشان يسلموا على القرد ويتباركوا بيه، لغاية لما في يوم جه "يزيد ابن مزيد الشيباني" دخل مرة وسط الناس اللي رايحة تسلم على القرد وقتله.

ويقولوا برضه إن الخليفة "يزيد ابن معاوية" كان عنده قرد ركب على ظهر حمارة وحشية وخلاه يدخل مع باقي الأحصنة في حلبة سباق.

عموما الأفكار دي كلها من زمان أوي، من قبل "الخلاج" بكتير، لدرجة إن فرعون كان مؤمن بفكرة التجسيد وعشان كذا كان بيقول على نفسه إنه ربنا.

وكان فيه راجل بيقول لما بيسبح: "سبحانك سبحاني، غفرانك غفراني".

وواحد ثاني قال:

أنا أنت، مفيش شك . . . فسبحانك سبحاني
وغضبك غضبي . . . وغفراك غفراني
وأنا أتجلد ليه . . . إن كان هو الزاني؟

وواحد ثالث قال: "أنا الله، مفيش إله إلا أنا، فسبحاني ما أعظم
شاني".

واللي يقول كلام من النوعية دي ما فرقت كثير عن البهايم. والمشكلة إن
أغلب البني آدمين دماغهم مهوية، وبيعلموا خرافاتهم لعيالهم، فيظلموا هم
كمان مش فاهمين حاجة، وتفضل البشرية كدا من غير ما يتصلح حالها: "أم
تحسب أن أكثرهم يسمعون أو يعقلون إن هم إلا كالأنعام بل هم أضل سبيلا".
واحد برضه من الناس اللي مؤمنين إن ربنا اتجسد فيهم قال:

وأنا ماشي في سوق بغداد . . . شفت ربنا فطرت من الفرح
سألته: عايز تتجسد فيا؟ . . . فقال: بس خد بالك، دا خطر
لغاية لما يوافق إنه يتجسد فيا . . . مسجله وأسنتي منه أي خبر

والجماعة بتوع التجسد دول، بيبقوا مؤمنين برضه بالنناسخ، والمذهب دا
عتيق أوي وجاي من أهل الهند، وانتشر في الشيعة. ربنا برحمتنا ويهدينا.

فيه جماعة من الشيعة اسمهم "النصيرية" فيهم شاعر بيقول:
يا ماما الحقني، اختنا بقت فار . . . خدي بالك بقى وأبعدي عنها القطط
وواحد ثاني منهم قال:
سبحانك يارب كلك عجائب . . . ويتبعنا عنا الشر بكل مجدعة

جارنا المعجوز بقى حمار . . . ويدل الهدوم، بقت قفة وبردعة

وعشان الناس دي ما بيجيش في دماغها إلا الشر والمصايب، فيتقع
فيها فعلا.

اتحالي مرة إن كان فيه شاب أمور من ملوك الهند جاله جدري،
فبص لنفسه في المراية ولقى نفسه خلقتة اتغيرت وبقت وحشة، فقام حارق
نفسه عشان يتنسخ في شكل أحسن من كدا.

وقالولي ناس ثقة مش كدابين، إنهم كانوا في أرض السلطان
"حمود"، وكان عنده جماعة هنود ولاد حلال، وكان بيكرمهم وبيجازيهم
على وفائهم ونيتهم الصافية ناحيته، ودايما كانوا أقرب الناس ليه، فبعت
واحد منهم على راس جيش من جيوشه. بعدها بكام يوم وصله خبر إنه
اتقتل. فجات مرات الراجل وجابت خشب كثير وولعت النار فيه ودخلت
جوا الخشب دا وحرقت نفسها، والناس عمالة تبص في ذهول. بس طلع
خبر موت جوزها مجرد إشاعة، فلما رجع جوزها وعرف اللي حصل،
فجمع هو كمان خشب عشان يلحق مراته، فبقي الناس بيقولوله رسائل
ويجييولوه هدايا عشان يوصلها لأمواتهم، حتى واحد إداله وردة يوصلها
لواحد من ميتينه. خد الرسائل والهدايا ونظ في النار.

واحد من اللي شاف الناس دي وهي بتحرق نفسها قال إن ساعات لما
النار تلسعهم كانوا بيحاولوا ينجحوا منها، بس اللي حوالِيهم كانوا بيزقوهم
فيها بالمصبان والخشب. فلا إله إلا الله: "لقد جئتم شيئا إذا".

وفي ناس يتبني عاملة نفسها مؤمنة بالمذهب دا، لكن هم في الحقيقة مش كدا. بيبقى عايزين يتكسبوا في الدنيا، وميعرفوش إنها مش دايمة. كان فيه واحد في المغرب اسمه "ابن هاني" وكان من الشعرا الكويسين أوي في المغرب، بس كان منافق شوية، وكان بيزودها وهو بيمدح "المعز لدين الله الفاطمي" لدرجة إن قال شعر للراجل اللي بيشيل الشمسية لـ "المعز":

*انت زي جبريل اللي كان مع النبي على طول
على طول مع الخليفة وسعادتك باينة من غير ما تقول*

وفي مرة ثانية كان الخليفة راح يزور حته اسمها "رقادة": فـ "ابن هاني" قال:

*رقادة زارها النبي والمسيح . . . رقادة زارها آدم ونوح
رقادة زارها ربنا نفسه . . . وبعد ربنا، كله يهون*

والشاعر "ابن القاضي" برضه كان بيمدح "ابن أبو عامر" رئيس الأندلس، فقال في مرة:

*مشيتك بس هي اللي تنتفد . . . مش مشيتة الأقدار
واحكمم وخذ راحتك . . . انت الواحد القهار*

بس "ابن أبو عامر" تضايق من كلامه وأمر إنه يتجلد ويتنفي من البلد.

وغالبا "الحلاج" مكنتش أكثر من راجل دجال، لا ذكي ولا بتاع، بس هم شوية من المنصوفة عملوا منه شيخ على القاضي، وهم مش عارفين اللي فيها.

أما "ابن أبو عون" فدا قعد بغير في رأي ورا التاني، وضحك عليه "الשלماغاني". ويمكن تلاقي الفرد من دول أستاذ في صنعتته وعالم وعنده بعد نظر، بس يجي عند نقطة الدين، تلاقيه مجرد إمعة ما شي ورا كلام الناس من غير تفكير.

عبادة ربنا دي حاجة غريزية، ونتيجتها مضمونة. والأطفال بيسمعوا الكلام من الكبار ويفضل معاهم طول الزمن. والناس بتاخذ دينها من الجماعة اللي هي فيها من غير ما تتأكد هو صح ولا لا، فلو حد اتولد في أسرة مجوسية بيطلع مجوسي، لو عينته من الصابئة هيطلع صابئي. واللي بيطل اجتهاد عشان يفهم، هيبقى غيبي وبليد. والعقل لو محدش استخدمه، هيمصدي، لكن مين بقى اللي بيستخدم عقله صح في زماننا دا؟ متلاقيش غير واحد في المليون هو اللي بيشغل مخه.

ساعات تلاقي واحد قرأ في كتب العلماء بتووح زمان ومشى على تقاليدهم، لكن شوية وتكتشف إنه بيحلل الحرام وبيبوذ الأخلاق، ومفيش حاجة وحشة إلا ويمعملها، ويخون، ويكذب، ولو حد طلب منه علاج لمرض، يزود عليه مرضه ويستمتع بأله، فيبقى كل همه أساسا هو الفلوس، وكان عامل نفسه من أهل الحكمة والأخلاق.

والناس تلاقيها عمالة تشتم عن جهل في أهل الملل وهم أساسا فيهم بلاوي، بس زي ما ربنا قال: "كل حزب بما لديهم فرحون".

فيه جماعة ثانية اسمهم "الإمامية" ودول مقتنعين إنهم عشان يقربوا من ربنا لازم يعفروا وشهم في التراب. وفيه متدينين تانيين شافيين تعفير

الوش ذنب ما يتغفرش . وتلاقيهم عاملين اجتماعات ومجالس وقعدات ذكر
وهم ثلاث أرباعهم أساسا ملحدين .

وفيه اللي بيعمل نفسه مع "المعتزلة" وهو مقتنع بأراء مذاهب ثانية .
ويخوفوا الناس ويقولولهم إن ربنا مش هيسيب حد غير لما يدخله النار ،
وتلاقيه هو غرقان لشوشته في الخطايا والذنوب والزنا ، ويعمل نفسه إن ربنا
هو اللي جابره على الحياة دي ، رغم إن اللي جابره فعلا هو زعيمهم الشيخ
"عبد الجبار الهمداني" . وماشي ليل ونهار على كلام شيخه وهو من جواه
مش مقتنع ولا بنص كلمة من كلامه ، وشافه شيخ معدوش لا أخلاق ولا
دم .

والتحكالي إن واحد من شيوخهم المحترمين واللي ليهم أتباع كثير ،
كان يبقى قاعد في قعدة ويلفوا عليهم بحجرة ، فيأخذ الكاس ويشربه لغاية
آخر نقطة فيه وبعدين يشهد اللي قاعدين معاه على توبته .

أما "الأشعرية" فلو اتعرفت حقيقتهم هنلاقيهم مليونين بلاوي . الله
يلعنهم منين ما يكونوا . "الأشعري" زيه زي واحد تايه في الصحرا ، مش
شايف قدامه من الشبورة ، ومش ما من على الناس اللي ماشيين وراءه ، ولما
تطلع عليهم الدبابة ، تفرتكهم ، إلا اللي ربنا كان بيحبه وأنقذه يانه خلاه
يمشي ورا كلام السلف الصالح ، ونفذ اللي ربنا عايزه منه .

مساكين الأشعرية ، ماشيين ورا ناس تايهة ، ويبشقوا في ناس بيضحكوا
عليهم ، ولو حاولوا يدوروا على الحقيقة عند شيوخهم ، مش هيلاقوا ولا
حتى ربها .

والشيعية يقولوا إن "عبد الله ابن ميمون القداح" كان واحد من أقرب
أصحاب الإمام "جعفر ابن محمد" ، وإنه قال عنه أحاديث كثيرة ، بس ارتد بعد
كدا ، وقال على نفسه إنه نبي ، فبقى شيوخ الشيعة لما يجيوا يقولوا حاجة من كلامه
يقولوا : "قالنا عبد الله ميمون القداح قبل ما يرتد . . ." وقال مرة أبيات شعر :

اديني خمرة يا بني . . . ما أنا مش همعيش تاني

والشيعية مضحوك عليهم . . . "جعفر" الشيعاني

وأنا كنت زيهم لفترة . . . بس عرفت الحقيقة اللي وجعاني

وزي ما قلت قبل كدا إن فكرة التجسيد مش بعيدة عن فكرة التناسخ .
واحد حكالي مرة إن واحد من السحرة اللي كانوا عايشين في بلدنا زمان كان
ماشى في يوم مع ناس صحابه ، فعدوا على طور ، فقالهم : "الطور دا أكيد
هو "خلف" ، حتى بصوا" وقعد ينده عليه : "يا خلف ، يا خلف" ، فالطور
فعلا رد عليه وقال : "موووو" فقالهم : "شفتوا كلامي طلع صح إزاي؟"

وواحد تاني حكالي من اللي بيصدقوا في التناسخ إن أبوه جاله في المنام
وقاله : "يا بني أنا روحي انتقلت في جبل أعور من ضمن جمال فلان
الفلاني ، وأنا نفسي في بطيخة" . فخد بطيخة وسأل عن جمال الشخص داء ،
ولقى فيهم فعلا جبل أعور فغرب البطيخة منه ، فكلها بنهم واحد فعلا كان
مشتبهها .

شفت بقى يا شيخنا الناس راحت لفين من قلة التمييز وقلة العقل ؟

أما "ابن الراوندي" فدا كان شخص تايه في الدنيا . وكتابه "التاج"
مينعش حتى يكون جزمة بتتلبس في الرجلين . ومش هيعرف يهرب من

العقاب ومش هيلاقيله مكان يمتمي فيه من رينا. وتاجه دا مليون شوك وكلابشات عقارب، إزاي فضل كل الوقت دا مقتنع بالأفكار الهابطة الطائشة بتاعة العيال دي؟ وتاجه دا وساخة عقل مش أكثر أو جزمة وشراب، وجزمة وشراب على فكرة دول اسم مكانين في جهنم.

تاجه مش تاج ملوك، دا تاج هيدومه، ومش معمول من الذهب، دا معمول من النار، وما اتزينش بالجواهر، دا اتزين بكাকা البقر.

وكتابه "الدامغ" اللي بيشتم فيه القرءان، فهو ما دمغش ولا ختم حد على قفاه غير اللي ألفه. وهو أضعف وأهيف من إنه يتذكر أو يتأخذ على كلامه، وعيب على "راوند" إن دا يكون واحد من أهلها.

والناس مؤمنين وملحدين عارفين ومتأكدين إن الكتاب اللي نزل على محمد قمة في الإعجاز، ومكتش له شبيه لا قبل ولا بعد، يعني ولا هو كان شعر، ولا شبه كلام العرب التقليدي، ولا زي كلام الكهنة، وكان واضح زي الشمس، ولو كانت الجبال عاقلة وسمعته كانت اتشقت وافتفتت مليون حنة من الإنهار، وسبحانه لما قال: "وتلك الأمثال نضربها للناس لعلهم يتفكرون"، والآية الواحدة منه أو حتى جزء صغير من الآية لو اتقارنت مع كلام العرب كله، هتمسحه مسح وهتبقى زي القمر في ليلة كحلي، "فتبارك الله أحسن الخالقين".

أما كتابه "القضب" اللي يقول فيه إنه رينا علمه جديد، فهو خسر بيه الدنيا والآخرة، ياريتة قبل ما يكتبه كان اتزحلق من على ظهر جهل واتكسرت ضلوعه وعضامه مية حنة أو دخل في قلبه سيف طلع من الناحية

الثانية، أو كان رينا كتب عليه موته ما يستحملش عذابها حد. هيعمل إيه لما يسألوه عن كتابه دا؟ مين هيتقده يومها؟

وكتابه "الفريد" اللي شتم فيه النبي، خلاه وحيد ملوش صحاب ومذلول ومسكين. والحاجات بتبقى فريدة من نوعها لخلاوتها، لكن دا كان فريد في حقارته، زي الجمل الجربان اللي محدش عايز يقرب منه. والعرب بيقولوا على العقد كلمة فريد، بس هو العقد بتاعه من الذنوب والخطايا مش من الجواهر.

وكتابه "المرجان"، اللي معناه لؤلؤ صغير، فهو ما يسواش حتى حصى صغير، دا حتى أصغر وأحقر من إنه يتذكر. مينفعش يكون في قيمة المرجان الأحمر الجميل اللي بيجيلنا من المغرب، دا آخره يكون جاي من الفعل "مرج" يعني ساب المواشي من غير رقابة، أو ممكن يكون من "مرجان" يعني فاكهة مرة علقم، أو إن شوية عفاريت (جان) عدوا من هنا (مر).

أما "ابن الرومي" فهو واحد من اللي بيتقال عليهم إن علمهم أكبر من عقلهم. يعني مرة لما كان بيدرس فلسفة، استلف كتاب من "أبو بكر ابن سراج"، فتأخر عليه، فـ"ابن سراج" قاله يا يرجعه يا يدفع حقه، فـ"ابن الرومي" قاله: أنا مش عيل عشان تهديني بالكلمتين دول".

والبغداديين بيقولوا إن هو من الشيعة، والدليل على كدا قصيدته اللي بنتتهي كلها بالجييم، بس أنا مش شايفه إلا إنه بيكتب زي باقي الشعرا مش أكثر.

هو عيبه فعلا إن كان، زي كثير غيره من الناس، متشائم ويؤمن
بالفال الوحش. ودايما بيقوا مستنيين المصايب تنزل عليهم، وما يعرفوش
إن الأمور كلها بإيد ربنا، ومحدش هيفلت من الموت. وفيه ناس تانية مؤمنة
إن أي حاجة بتتقال بتتحقق، عشان كذا العامة قالوا: الإشاعة هي أول
خيوط الحقيقة. وبيقولوا إن النبي قال البيت دا:

اتفانلوا بالخير عشان... ما يتقالش إلا وكان

ومهما الناس قالت، معروف إن الخير في الدنيا شحيح، والشر زايد
عنه بمراحل. والناس الطيبة بقت زي الشريعة، كلهم بيمشوا في طريق مشي
سليم، وربنا لوحده هو اللي قادر يميز بينهم، ويساعد اللي فعلا مؤمن بيه.
و"علقة" قال: "غبي اللي يفكر إن الغربان صوتها هينذيه".

و"ابن الرومي" كان كذا، رغم إن كل حاجة بتحصلنا بأمر من ربنا،
وملناش حق الاختيار. وبيقولوا إن النبي كان بيحس بوغوشة لما يعرف
ناس معاني أسامياها مش كويس زي: "مرة"، "شهاب"، أو "حباب"
يعني حية.

أما حكاية الشاعر "أبو عثمان الناجم" اللي حكاها عن "ابن
الرومي" ففكرتني بحكاية الست اللي قالت لصاحبها: "أنا أبويا سملاني
"نار" ومن ساعتها وأنا حياتي ملهلبة، وأتجوزت واحد من قبيلة "جمرة"
ليل ونهار بيلعب بالنار، واسمه "توريا" يعني أرض، وهو إيدك منه
والأرض وأبوه اسمه "جندلة" خلى حياتي مقتدلة، وأمه اسمها "شكافة"
ودايما بتشك فبا وفي تصرفاتي ومش سايباني في حالي".

ردت عليها صاحبها وقتلتها: "أنا بقتي أبويا سملاني" صافية" عشان
كدا دايما تلاقيني صافية ورايقة، وجوزني من قبيلة "سعد ابن بدري"
فخلى الفرح والسعادة يدخلولي بدري بدري، واسم جوزي "محاسن"
وهو كله محاسن، وأبوه اسمه "الحارس" فدايما كان بيحرسنا وواقف في
ضهرنا ويساعدنا، وأمه اسمها "راضية" وهي دايما راضية عني وعن
أخلاقتي ومكنتش بتسعى في طلاقتي".

والناس المؤمنة بالفال الوحش دول دماغهم مهفوفة، ولو جبتلهم مثلا
حبة سمسم، يقلبوا الدنيا ويفتكروا إنهم هيموتوا من السم. ولو جبتلهم
حمام يتشاءموا ويقولوك: "دا لونه أبيض زي لون الكفن". ويفضلوا كدا
بقي طول عمرهم: قلقانين ومتشأمين، وأي حاجة يشوفوها يقلبوها لحاجة
وحشة ومصايب. وعشان كذا "ابن الرومي" خلى كلمة جمعفر جاية من
جوع وفرار، رغم إن معناه الأصلي جميل، يعني نهر مية رايق، لكن الناس
دي ما بتشوفش غير المصايب وكل حاجة وحشة.

وأعرف منهم ناس لو عايزين يسافروا مثلا يقولوك: لا بلاش يناير
عشان هي "يا نايم" ومفيهاش رزق، وبلاش "فبراير" عشان هي
"فبراير" من الفقر، وخد عندك بقى باقي السنة على كدا.

الحكاية اللي انت قلتهاالي يا شيخنا عن "ابن الرومي" لما كان قرب
بموت، إنه كان حاطط جنبه مية متلجة عشان يضحك بيها على الموت،
وسيف عشان يداري بيه جنبه، ما يعرفش إن اللي مكتوب على الجبين لازم
تشوفه العين، وممكن واحد يحفر لنفسه قبر في الشام ويموت في الهند أو
اليمن، "وما تدري نفس بأي أرض تموت، إن الله عليم خبير".

وزي ما محدش يعرف هيموت فين، برضه محدش يعرف هيموت
إزاي. فيه اللي كان خايف يموت من السيف، فوقعت على راسه طوبة
صغيرة من جبل عالي موته، أو اللي كان فاكر إنه هيموت في سريره،
فيموت بضربة سيف في الصحرا.

أما الأبيات اللي "الناجم" قال إن "ابن الرومي" قالها، فأنما ما
اعتقدش إنه قالها بجد لأنها مش مطبوطة والوزن بتاعها ضارب. وعموما
ربنا وحده اللي يعلم إذا كان "ابن الرومي" هيخش الجنة ولا النار.

أما "أبو تمام"، مكنش له علاقة بالأديان، وحكاية "ابن رجاء" اللي
انت كتبهالي في رسالتك، حقيقية ومشهورة، ومعروف عن "أبو تمام" إنه
ملوش خالص في الأديان. عموما، لو هيدخل النار فعلا، فكل قصايد
الكويسة مش هتنفعه بحاجة، إلا أول قصيدتين في ديوانه. لو كانت القصايد
بتجس وتفهم، كانت أول قصيدتين دول حزنوا وعيطوا عليه وعملوه
ميتهم، ولو عملوا كذا هتيجي باقي قصايد ديوانه يشاركوا معاهم زي
النسوان المعدداتية، وبعدين تيجي كل قصايد اللي بتنتهي بالباء، وتتغاف
فتعمله ميتهم أحسن وأكبر من الأولاني. وتتجمع بقى باقي قصايد كلها
اللي بتنتهي بالياء والفاء والعين واللام، وغيرهم، ويجمعوا
الناس، ويعملوه عزا أكبر من عزا "أحمد ابن حنبل" اللي اتجمع في عزاه
فوق المليون راجل وستمائة ألف ست، وكان أكبر عزا في الجاهلية
والإسلام.

ولو "أبو تمام" مكنش بيصلي فهو اللي خسران، لو مكنش بيصلي لا
فجر ولا صهر، فهيبقي يوم القيامة ملوش عذر، ولومكنش بيصلي

العصر، يبقى هو اللي ضيع على نفسه إنه يتنبله في الجنة كذا قصر، ولو
مكنش بيصلي المغرب، من ريحة المسك والعنبر في الجنة مش هيقرب، ولو
صلاة العشاء فاتته، يبقى مش هيلاقى في الجنة حور عين تدلعه وتهشكته.

بمناسبة صلاة العشاء، كان فيه ناس يبسموها صلاة "العتمة" والنبي
منعها وقال في حديث له: "العتمة دي مش صلاة، دي الوقت الي بيحلبوا
فيه الجمال" وقال كمان: "العتمة اسم بنت الشيطان".

عموما اللي ما بيصليش عشان كسلان زي اللي مش مؤمن بالظبط، يا
ريت "أبو تمام" كان جمع الصلوات في بعض ولا إنه سابها كلها. أمره الله
بقي، بس الحق يقال، هو كان راجل مبدع ولبه أفكار زي اللؤلؤ. وياريت
متكونش آخرته في إيد "مالك" حارس النار، ويفلت من النار زي
"الجعدي" أو "عدي ابن زيد"، لأنه في الآخر برضه كان راجل بيخاف
ربنا ومؤمن به. وهو اللي قال:

متجزى على اللي عملته... وأخرى قبر هيلمنى

أو ياريت كان عمل زي "زيد ابن مهلهل" اللي راح للنبي، والنبي
شال عنه توب الغبا ونور بصيرته للإسلام.

أما "المازيار"، فحلال فيه النار والجحيم، وخليه يتحمل نتيجة
عماله، واللي اتكتب عنه بخله يتلعن ليوم الدين. وربنا یرحم "ابن أبو
داوود" اللي فضح "الأقشين" اللي كل أعماله شين زي. و"بابك الخرمي"
هو اللي فتح الباب لكل الشرور، كان فاكر نفسه أحسن مجاهد، وهو ذنوبه

أكبر ذنوب في الدنيا، وفي الآخرة هيتمنى لو كان اتدبح مية مرة على كل شخص قتله ولا إنه يدوق عذاب جنهم على اللي عمله .

اللي مستغبرله فعلا هو " أبو مسلم الخراساني " ، كان واثق أوي من اللي بيعمله معرفش بناء على إيه . كان ماشي ورا سراب ومكشش مهتم غير بماديات الدنيا ، وهو أكيد غلظ وأذنب لما اتمرّد ضد الخليفة العباسي " أبو جعفر المنصور " .

اللي عايزين الدنيا هيندموا بعدين ، بعد ما يبجي المعاد ويمشوا منها . ومع ذلك ما يصحش إننا نشتم الدنيا ، هي بتعامل ولادها كلهم بنفس الطريقة ، مفيش تمييز ، كلهم فيهم اللي مكشهم . وتشوف الواحد من دول عمال يسمى عشان يجمع أكثر ، أكثر حتى من اللي محتاجة أو يستحقه ، رغم إن طريقه مليون شوك ، ورجله مليون دم . والتانيين اللي بيقوا نايمين على ريش نعام وفي بقهم معلقة ذهب وعلى طول بطنهم مليون ، مصيبتهم بتبقى أكبر لما يروح منهم كل دا . كل الحاجات الحلوة مسيرها يبجي يوم وتخلص ، زيه زي أي حاجة في الدنيا .

والزهدي مش هينبجي حد ، ولا هيعلي حد ، والدنيا ما تقدرش تتحكم في القدر ، ولو فيه ناس فاكرة عكس كدا بيقوا غلطانين . والغيب ما يعلموش إلا الله ، والجاهل هو اللي فاكّر نفسه عارف كل حاجة .

والناس اللي بيقولوا على " علي " إنه الله أو ولي أو أي كلام من النوعية دي كدابين ، وكديهم قديم ، و " علي " لما عرف إن " عبد الله ابن سبأ " بيقول عنه إنه إله ، وعمال ينشر الخبر بين الناس أمر بحرقه هو

وجماعته . وصحاب " ابن سبأ " بيقولوا إن " علي " ما متش وإن ربنا رفعه جنبه وإن اللي مات واحد شيطان خد صورته وشكله ، وكل ما كانوا يسمعون صوت الرعد كانوا بيفتكروا إن " علي " بيسلم عليهم ، فيقولوا : " عليكم السلام يا أمير المؤمنين " .

و " الكيسانية " اللي جاية من الراجل اللي اسمه " كيسان " وهو كان خدام عند " علي " ، الكيسانية دول إيمانهم بـ " محمد " ابن " علي " إيمان في منتهى الغرابة ، وما يدخلش دماغ أي حد عاقل . في الليلة اللي مات فيها " محمد ابن علي " ، كان الخليفة العباسي " أبو جعفر المنصور " ماشي في طريقه لـ " مكة " ، فشاف نار مهولة في الطريق ، فقال للي معاه : " أهى النار دي لو كان شافها " الحميري " الكيساني ، كان افتكر إنها نار معمولة مخصوص عشان موت " محمد ابن علي " .

و " علي " معروف عنه إنه من أوائل الناس اللي دخلوا في الإسلام ، وكان راجل أخلاقه عالية جدا ، والإمام " جعفر ابن محمد " ما يتخيرش عنه .

ويلغني إنه في " البصرة " فيه مجموعة من الناس فاكرين واحد اسمه " شاباس " إله ، وبيلموله فلوس كثير بسبب الموضوع دا ، وهو ياخذ جزء ضخم من الفلوس دي ويديها للسُلطان عشان يكسر عينه ويخليه ينفذله أي حاجة يطلبها . والراجل دا لو اتكشّف على حقيقته ، الناس هتعرف إنه مجرد حنة شوارعي ولا يسوى نكلة . وقالولي برضه إن فيه ست في " الكوفة " شرحه .

واتقالى إن فيه ناس من اللي مشيوا ورا الملحد " ابن الراوندي " فاكريته إله ، وإنه علمه واسع ملوش آخر ، وبيقولوا عنه صفات ومعجزات ، ربنا

يشهد إنه معندوش أي حاجة منها، وإنه هم كدايين وهو من الكفرة. وفيه واحد من أتباعه قال عن "ابن الرواندي":

يا موزع بين الخلايق رزقها... مش قسمة بشر، دي قسمة آلهة

و"ابن الرواندي" لو كان فاكِر إن هو فعلا إله، فذنبه أكبر من أهرامات الجيزة. والله الناس اللي فاضلها شوية مخ هيموتوا من كتر غباء الناس الثانية.

كان فيه في منطقة في حلب اسمها "الترب" راجل اسمه "أبو جوف" كان بينضح جهل، وكان بيديعي النبوة، بس كان آخره إنه يخلي الناس تضحك عليه، ويدخل في حوارات هو مش قدها. مرة كان شايل كمية قطن عنده في البيت، فقال: "أنا قطني لا يمكن يتحرق، وأدي الدليل" وبعث ابنه بلعبة جاز وقاله يقربها من القطن. فواتي وكان القطن كله والع، والستات بقت عمالة تصوت، والرجالة اتلموا عشان يطفوا الحريقة.

واحد قالي إن "أبو جوف" كان بيضحك عمال على بطال، فسألوه مرة: "انت بتضحك على إيه؟" فقالهم: "الإنسان بيضحك على أي حاجة هافية، فما بالكو اللي رينا رزقه من واسعة". وهو الراجل كان مجنون، واللي مشبوا ورا كلامه شوية أغيبا، وهو كذب كل كلام الأنبياء، لغاية لما جه يوم ووالي حلب قتله.

قبل الحكاية دي بشوية، كان فيه راجل عسكري روماني دخل على منطقة في الشام برضه اسمها "أفامية" وفاز فيها على جيش المسلمين، فواحد من المسلمين اتدس وسطهم، وقتله.

فيه شوية ناس من الشيعة يقولوا إن "سلمان الفارسي" راح هو وجماعة صحابه عند "علي ابن أبو طالب" بس ما لقوهوش. شوية وشافوا وسمعوا برق ورعد، وفجأة "علي" نزل من السما على سقف بيته ماسك في يده سيف غرقان دم، فـ"علي" قالهم: "أصل حصلت خناقة بين ملايكة في السما، وطلعت فوق أخلص ما بينهم وأصلحهم على بعض". والناس اللي بتحكى الحكاية دي، يقولوا إن "الحسن" و"الحسين" مش ولاد "علي" وإنهم ولاد "سلمان الفارسي". يارب خد كل الكدايين بقى.

شفت يا شيخنا الحال وصل بالناس لإيه؟ الناس تاهت واتعمت، والكذب للأسف بقى هو اللي ليه سوق اليومين دول.

أما يا شيخنا حكاية إنك عجزت، فالعمر مهما طول قصير، ومفيش حد يفضل على حاله أبدا، والعمر يقفوت هوا. وربنا طول في عمرك بعد ما قضيت شبابك كله في العلم والأدب، والشباب ما بيدومش، لكن اللي بتعمله في شبابك هو اللي بيدوم، وانت شبابك كله خير وأخلاق. وبعدين لو أنا وانت متفقين على إن المرحلة دي ملهاش لازمة، وعايزين نسيبها، أو مال زعلاتين ليه بقى؟

أما عن الستات بعد ما الواحد بقى عنده ٧٠ سنة، فهما بيشفوا الرجالة العواجيز زي ما يكونوا ديابة وهيفترسوا حمل. مرة حكولي إن "أبو عمرو ابن العلاء" كان بيصغ شعره بالحنة، وجاهه يوم وتعب أوي ورفد في البيت، فواحد صاحبه زاره وقاله: "تقوملنا بالسلامة إن شاء الله"، فـ"أبو عمرو" رد عليه: "ما أظنش بعد ما بقت ٨٦ سنة". فزاره صاحبه دا ثاني فلقاه بقى زي الفل، فراح "أبو عمرو" قاله: "متقاش تقول لحد على اللي

قتهولك" . ظريف كان أوي "أبو عمرو" دا، فضل يصبغ شعره ومكنش معرف أي حد سنه الحقيقي، ولا حتى صحابه .

فيه طلاب ليا قالولي إنك يا شيخنا ناوي تتجوز . والله فرحتك من كل قلبي، لإن دا معناه إنك هتستقر في المكان وطلاب العلم هيستفيدوا منك، وهتبقى زي الشجرة اللي بتضل على الناس بأوراقها في عز حر الصيف، واللي بتديهم فاكهة مسكرة ومستوية، واللي بتطلع أحلى الروايح . بس انت أكيد تعرف نصيحة "الخليل ابن أحمد" : "الراجل اللي يعدي الستين ملوش لا في السنوات العواجيز ولا الصغيرين، لكن يختارله حاجة وسط، "لا فارض ولا بكر عوان بين ذلك، فافعلوا ما تؤمرون" .

وعلى رأي اللي قال :

لو جابلوك ست عجوزة متتجوزهاش . . . ولو قامت هدومك ، فيبقى
عشان تجري أسرع

ولو قالوك دي في نص عمرها الثاني وخيرة . . . اعرف إن نص عمرها
الأحلى هو اللي فلسع

ويمكن تلاقيلك ست زي "أم عمرو" اللي كانت مرافقة "أبو الأسود الدؤلي" ، ويمكن لو اخترتها عجوزة يكون لسه فيها الرمق، رغم إن معظم السنوات العواجيز عاملين زي القماشة المرقعة اللي لا تتمسك ولا تتشاف حتى . والشباب ما بيدومش، زي الشاعر اللي قال :

انتي فرحتي لو كنتي دايمة . . . لكن مفيش دوام لإنسان

وانت لو نويت فعلا يا شيخنا على الموضوع دا، هتلاقي السنوات ابتدت تتخانق عليك، لأن اللي بتوزن الأمور صح، هتعرف إنك فرصة ما ينفعش تضيعها من أيديها . ولو حبيت تتجوز واحدة عجوزة، مش هتكون انت أول واحد اللي يعمل كدا، وهتبقى زي الشاعر اللي قال :

لو البنات الصغيرين سابوني . . . يبقى الكبار هم اللي هينصنوني

أو زي الراجل اللي قال :

اتجوزت عجوزة، ودفعت فيها مالي . . . زي التجارة، فيه الرخيص وفيه
الغالي

عموما العرب بيحبوا السنوات الكبار الخيرة والعواجيز، وعادي عندهم إن شاب صغير يتجوز واحدة في سن أمه . عندك النبي، اتجوز "خديجة" وهو لسه شاب وهي كانت كبيرة أوي في السن . و"أم سلمة" بعد ما مات جوزها في غزوة أحد، النبي اتجوزها، وقتلته لما جه يتجوزها :
- يا نبي، أنا ست كبيرة وما يستحملش الغيرة .

- لو كان على كبر السن، فأنا أكبر منك، ولو كان على الغيرة، فهدعي ربنا يشيلها منك .

وما عنديش شك إنك يا شيخنا لما كنت في مصر، كان عندك كام بنت يخدموك ويشوفوا طلباتك . ولولا إن الواحد لما يبكر بيبقي عايز اللي يخدمه، كان أحسنه لو عرف يكفي نفسه بنفسه، وعلى رأي اللي قال :

العيشة مش أكثر من بيت وهو يرد الروح . . . من غير زعيق ولا دوشة
منين ما تروح

"ابن القنصري" قالي مرة إنك كنت بتدور على ولد يساعدك، بس
أحسنلك يا شيخنا إنك تحبيلك خدام يبقى تحت أمرك وطوعك وقت ما تحب،
لأن الولد لو جالك مرة مش هيحبلك الثانية، وعلى رأي "البحري":

هي العراق كلها ما فيهاش حد . . . يجدمني بدل ما للناس بمدا اليد؟

وعموما الواحد لو قدر يجدم نفسه بنفسه يكون أحسن، بدل ما بيته
يتملي خدامين وبيقى مضطرب يضربهم عشان يسمعوا كلامه، أو يفضل
يديهم في أكل عشان يكسر عينهم.

وناس كثير من أهل الأدب وولد حلال، وطلبوا مساعدة من ولاة
فعملولهم مشاكل كثير أوي. تلافيه مثلا لما بيعته يشتري بطيخة، فيحاول
الولد يضحك على البايع بأي شكل عشان يخرج لنفسه مصلحة من
الفلوس، بس البايع يبقى أذكى منه ويديله أصغر بطيخة عنده متساويش
نكلة. واللي يزود الطينة بلة، إنه وهو راجع بالبطيخة يقعد يلعب بيها
وينظفها من إيد لإيد، لغاية لما تقع منه وتتكسر ويبقى منظرها يسد النفس.
ولو رجع بيها سليمة، تلافيه يعدي الأول على صحابه وينزل معاهم الترفة،
واحد من صحابه ياخذها وياكلها قدام عينيه وهو بيتفرح ولا على باله.

أو ممكن يديه إزاة، ويعتة يجيب فيها لبن، فيكعبل ويقع واللبن يتدلنق
والإزاة تتكسر. وتحيل بقى لو الموقف دا حصل مع حد متشائم زي "ابن
الرومي" مثلا، هيقعد يتخيل بقى إنه حياته كلها هتدمر زي ما الإزاة اتكسرت.

أعرف ولد عندنا في "حلب" كان بيقول إن كان شغال عند "أبو
أسامة الهروي" في مصر، وإنه كان بيحبه أوي عشان أخلاقه العالية، بس
"الهروي" باع الولد عشان مكشش بيعرف بعموم. وأنا حكنتلك الحكاية دي
عشان أنا عارف معزة "الهروي" عندك.

أما عن أهل مدينتي "معرة النعمان"، فلو رأي الأغرأب عني
كويس، فمش غريب، والحمد لله، إن أهل مدينتي يكون رأيهم هم كمان
حلو عني زي ما قلتلني يا شيخنا. بس هما والله بيطلبوا مني العلم كأنهم
بيطلبوا من واحد أخرس يقولهم خطبة، أو زي اللي بيطلبوا دفا في عز
شهور البرد.

وأستاذي الشيخ "أبو عباس الممتع" رغم سنه، بس قلبه لسه قلب
طفل صغير بريء، وهو معايا ولا الإخوات، فضله عليه زي أبويا أو
جدي. وفي أخلاقه زي ما قال ربنا: "وما لأحد عنده من نعمة تجزي".

أما خوفك يا شيخنا من إنك تعمل أي حاجة تغضب ربنا، فدا من علامات
الناس ولاة الحلال اللي يعرفوا ربنا بمجد. بس يرضه مش عايزك تأس من رحمة
ربنا، "قل يا عبادي الذين أسرفوا على أنفسهم لا تقنطوا من رحمة الله".

فيه أدباء كثير شربوا وغنوا وفي الآخر تابوا، وإن شاء الله تتقبل
توبتهم. وعادي إن النبي آدم يتوه في السكة أحيانا، وربنا بعد كده يوربه
سكة الحق. وساعات الواحد بيتنقذ وهو خلاص على وشك الغرق. يعني
شوف "الفضيل ابن عياض"، كان قطاع طرق، وحب خدامة وهو راجلها
في يوم سمع واحد يقرأ القرآن وبيقول: "ألم يأن للذين آمنوا أن تخشع

قلوبهم لذكر الله" فقال: "آه والله يا رب، جه معاد التوبة يا رب"، وتاب في ساعتها وبقي من الزهاد كمان ومن الناس العلماء الصالحين.

وشباب كثير كانوا مقضينها بالطول والعرض ولما كبروا اتعلموا وعرفوا الصح من الغلط وبقوا يبنصحو الناس بالخير. ومغنيين وعازفين تابوا وبقوا شيوخ وبيقفوا على المنابر ويقولوا للناس مواعظ. وهنوح يعبد ليه؟ ما عندك من ضمن اللي كانوا مغنيين الخليفة "عمر ابن عبد العزيز" والإمام "مالك ابن أنس"، واللي قال الكلام دا "ابن خرداذبة" لو بيكذب بقى يبقى منه لله.

ومعروفة حكاية "أبو حنيفة النعمان" إنه كان يشرب مع الشاعر "حماد عجرد"، فتاب "أبو حنيفة" بس "حماد" لأ. فسمع "حماد" إن "أبو حنيفة" بقى بيشتمه ويعيب فيه، فكتبه:

لو إيمانك مش هيكمل... غير بشتمي وقل قيمتي
فاشتم أكثر وعيب فيا... مع القريب ويرضه البعيد
ياما ملحتني لما كنت... في المعاصي غرقان لشوشتي
أيام ما كنت معايا تشرب... ولما تخلص تقولي: عيد.

وبعدين هما مش الصحابة كلهم كانوا هايصن في الحرام قبل ما ربنا يتوب عليهم؟ دا حتى يقولوا إن "عمر ابن الخطاب" خرج من بيته عشان يروح يلعب قمار، فملقاش حد، فقال خلاص يروح الخمارة يشربله كاسين، فبرضه ملقاش حد، فقال: "ما بدهاش بقى، أروح أسلم وخلص."

فربنا هو الهادي، مش هو اللي قال للنبي: "ووجدك ضالا فهدى"؟

والكاتب "أبو معشر المدني" قال في كتابه "المبعث" إن النبي قبل الوحي كان دايع دبيعة للأصنام ومخد منها حته وطبخها عشان ياكلها، وجه معاه "زيد ابن حارثة"، ابنه بالنبي، وراحوا الاثنين ياكلوها سوا في الخلا. فعدى عليهم "زيد ابن عمرو ابن نقيط" وهو كان راجل مؤمن بربنا وكان يحرم الأصنام وما يياكلش من اللحمه اللي مدبوحة عشانها، وكان يحرم كمان قتل البنات. المهم إن النبي و"زيد" عزموا عليه ياكل معاهم، فقالهم: "أنا ما باكلش حاجة اتدبجت للأصنام، وما باكلش حاجة ما اتذكرش عليها اسم ربنا، عشان أنا ماشي على دين سيدنا إبراهيم عليه السلام". فأمر النبي "زيد" إنه يرمي الأكل كله فورا.

وكان فيه حكاية تانية إن "تميم ابن أوس الداري"، كان بيدي النبي كل سنة إزازه خمره هدية، فلما تحرمت، بقى النبي ياخدها ويدلقها على الأرض.

وأنواع الخمر لو بقت بتسكر تبقى حرام، لكن غير كدا عادي، وناس كتيرة من المشايخ شربوا خمره. و"أحمد ابن يحيى ثعلب" قال إن "أحمد ابن حنبل" اتسأل عن النبيت، والنبيت عند الشيوخ غير الخمره، ف"ابن حنبل" قال: "أنا نفسي سقيت الناس نبيت بإيدي يوم ختان" خلف ابن هشام البزاز".

و"عمر ابن الخطاب" سمح للمسلمين إنهم يشربوا نوع نبيت اسمه "طلاء" مش متخمر من اللي كانوا يبيبعوه المسيحيين في الشام. ودي كانت

حاجة غريبة لإني أعرف إن "الطلاء" يسكر. بس أساسا حلالة الخمرة في إنها بتسكر، لكن غير كدا يبقى ملهاش لازمة، وباقي المشروبات أحسن منها وطعمها أحلى منها.

وربنا بيعدك يا شيخنا عن اللي قاله "أبو نواس":

قالولي كبرت، قلت: كبرت بس لسه عارف

أخلي ليدي تودي كاسات الخمرة للشفايف

والناس من زمان وهي بتشرب خرة بس كانوا بيداروا، والأبيات بتاعة "الحسين ابن الضحاك الخليج" اللي نسوها لـ "أبو نواس" بتقول:

اللي يقولك إنه بيكره النبيت، اوعى تصدقه

حتى لو حاتفك ميت يمين إنه عمره ما هيشربه

وأنا شايف إنه من النفاق إنك تشرب الخمرة لو قال الشيخوخ إنها حلال، وما تشربهاش، لو قالوا إنها حرام، و"أبو نواس" كان عنده حق لما قال:

لو ناوي تشرب ما تتمحكش في الناس

خلي دايم أعمالك لله، مش للناس

وأنا شايف إن آن الأوان إنك تعلن توبتك يا شيخنا، عشان خبر توبتك يسمع في البلد، فيتلما عليك الشباب والعواجيز والأدباء وباركولك. ويتجمعوا عندك ويسمعوا منك الحكايات والعلم المفيد، وتخطب في مساجد حلب، لأن من بعد موت عالم اللغة "خالويه" وحلب بقت حالتها الثقافية ما تترشش.

وخلي دايم في الندوات العلمية جنبك سكينه، عشان لو شفت مرة جنب أي جامع قرية خرة، تنظ عليها زي النمر وتشقها نصين ويخرج منها النبيت زي الدم، وتقرأ الآية: "إن الحسنات يذهبن السيئات، ذلك ذكرى للذاكرين".

ولو صاحب القرية راح اشتكى للسلطان، والسلطان سأله: "مين اللي عمل لك كذا؟" وهو قال اسمك، هيقولك السلطان: "عفارم عليك، راجل من ظهر راجل". وانت لما تعمل كدا مرة ولا مرتين كمان، هتلاقي بياعين الخمرة أساسا بيمشوا من طريق تاني لما يشوفك هالال عليهم من بعيد، زي ما كان "أبو سفيان" بيعمل من كتر خوفه من النبي.

ممکن يبقى السلاح اللي معاك عبارة عن مطواة صغيرة كدا عشان تعرف تخبيها، ولما تشوف أي قرية خرة تشقها. وساعتها اللي هيشوف المنظر دا ويكون قرا كتاب "المبتدأ" قبل كدا، هيفتكر على طول كلام "طلوت" لما أمر بنته اللي هي كانت مرات سيدنا "داود" إن هي تدخله على "داود" وهو نايم عشان يقتله، فحطت قرية خرة في السرير وغطتها، فلما ضربه بالسيف والخمرة بلت السرير، افتكرها دمه، فندم على اللي عمله، وقرر يقتل نفسه وبنته بسبب اللي عمله، بس بنته مسكت إيده وفهمته كل حاجة، فشكرها على اللي عملته.

ولو شفت يا شيخنا واحد جاي يدخل الجامع وشكله مش على بعضه، لازم تحليه بنفخ عشان تعرف من ريحة بقه إذا كان شارب ولا لأ، ولو طلع شارب يبقى ملوش عندك يا شيخنا غير الجلد، ومش أربعين جلدة زي ما بيعمل أهل الحجاز، لأ، ثمانين جلدة زي ما بيعمل أهل العراق،

عشان يعرف إن الله حق. هو النبي كان بيكتفي بأربعين جلدة، بس لما "عمر ابن الخطاب" وصل للحكم، استقلها، فسأل "علي"، فشار عليه إنها تبقى ثمانين جلدة.

ولو حقيقي إنه أهل الآخرة بيعرفوا أخبار أهل الدنيا، فيمكن يكونوا حور العين بتوعك بيسألوا الأموات عن أخبارك، فيسمعو مرة إنك في مصر، ومرة في العراق، ودلوقتي في حلب، فلو انتشر موضوع توبتك دا بين الناس، ومات واحد ابن حلال من أهل حلب وقال للحوار العين على توبتك، مش بعيد تلاقيهم عمالين يغتوا ويرقصوا من فرحتهم بيك، والجارات بقى يجوا يهنوهم وبياركولهم عليك.

وأعوذ بالله من الناس اللي الكبر بدل ما يهديهم يخلهم يزودوا شرب الخمرة، كأنها هي اللي هتهون عليهم المصائب. زي الخليفة العباسي "عبد الله ابن المعتز"، اللي مراعاتش حدود الخلافة ولا سنه وزود الشرب لما كبر. الغريب إنه هو كان هيموت على الخلافة وفعلنا خدما ومكملش فيها شهر على بعضه.

وعلى فكرة، "المبرد" كان هو و"البحتري" بيشربوا، بس "المبرد" ساب السكة دي.

وانت يا شيخنا مش زي "أبو عثمان المازني" اللي لما الناس عاتبوه عشان يشرب قالمهم: "لو شربي هو أكبر ذنوبي، هبطل شرب".

أما "إبراهيم ابن المهدي" فمكتش يصح إنه يعرض على "محمد ابن حازم" إنه يشرب خمرة. وبيقولوا إن "المعتصم محمد ابن الرشيد ابن

المهدي" طلب من "إبراهيم" إنه يغتيله، فد "إبراهيم" عيط، المعتصم سأله: "بتعيط ليه؟"، فقاله: "أصل أنا كنت وعدت ربنا إني لو كملت ستين سنة أتوب، وأنا خلاص تميت الستين". فد "المعتصم" عفاه من الغنا والشرب.

والتوبة إذا مكتتش بجد، يبقى مش هنتقبل. كان عندنا واحد في البلد ييموت في الخمرة، بس لما كبر، قرر إنه يشرب خمرة مطبوخة بس. فكان لما يروح مع صحابه في سهرة شرب، كان بيحجب معاه قرينة فيها الخمرة المطبوخة بتاعته، وصحابه كانوا بيشربوا من الخمرة العادية، فلما يمرروا عليه الكاس عشان يشرب فيه، يغسله من بواقى الخمرة بتاعتهم ويحط فيه خمرته هو المطبوخة، بس لما كانت بتخلص خمرته، كان يرشرب معاهم من خمرتهم.

أما حكاية إنك تكلم نفسك وتعاتبها، فمفيش حد مش عايز يغير من نفسه، بس الموضوع بيبقى صعب، الزاهد بيبقى نفسه بعيد عن شهوات الدنيا بس مش قادر، زي ما الغزالية متقدرش تبقى لبوة، ولا الزلطة لؤلؤة، وشوف ربنا لما قال: "يوسف، أعرض عن هذا، واستغفري لذنبك إنك كنت من الخاطئين".

فيه ناس تلاقىها مؤمنة بالآخرة، وبيوم القيامة، وبارئحدانية، ومع ذلك ما بيرموش ولو حنة عظمة صغيرة لكلب، ولا بيدوا الخدمة ولو سلسلة بلاستيك، كإنه عمره ما هيموت. وكثير من اللي بيقروا الآية: "مثل الذين ينفقون أموالهم في سبيل الله كمثل حبة أنبتت سبع سنابل في كل سنبلة مائة حبة والله يضاعف لمن يشاء والله واسع عليم" وهم مؤمنين بيها،

ويخافوا ربنا؛ ومع ذلك ما يدوش إلا أقل القليل، ومبيطقوش الشحاتين
والمساكين. فما بالك بقى باللي أساسا مش مؤمن لا بأخرة ولا جزاء؟

يعني طبعاً انت سمعت يا شيخنا عن الحكاية بتاعة لما "أبو طلحة"
التخناق مع يهودي وراحوا يحكموا النبي في مشكلتهم. والمشكلة كانت على
نحلة موجودة بين جنينة اليهودي وجنينة "أبو طلحة"، فالنبي قال
لليهودي: "ممكن تبدله النحلة وأنا أضمنك نخلة بدلها في الجنة؟" وفضل
النبي بوصفله في نخلة الجنة وجمالها، بس اليهودي قاله: "لا يا عم، يفتح
الله، أنا عايز أضمن حقي في الدنيا"، فد "أبو طلحة" قال للنبي: "طب يا
نبي، لو أنا ادبته جنينتي كلها، تضمئلي جنينة بدلها في الجنة؟" النبي قاله
آه، فوافق "أبو طلحة" وخذ اليهودي وراح على جنينته، وكانت مراته
وعياله قاعدين فيها بياكلوا منها، فراح مدخل صباحه في بقهم واحد واحد
وخرج منها البلح اللي كانوا بياكلوه، فمراته سألته:

- بتعمل كداليه في عيالك يا "أبو طلحة"؟
- عشان أنا خلاص بعث الجنينة.
- اوعى تكون بعثها بجسارة
- فحكالكها اللي حصل، فقرحت بيه.

ولو قلت للمؤمنين بتوع الأيام دي إديني طوية وربنا يعوضك عنها في
الأخرة بسبيكة ذهب، مش هيوافق، ولو قتلته إديني خدامتك العورا وربنا
يعوضك عنها في الأخرة بجورية، برضه مش هيوافق. والمشكلة إن دول كذا
المؤمنين، فما بالك باللي مش مؤمنين لا بالأخرة ولا بالعذاب؟

أما "فادوه" اللي دماغه اتشفتشت وبقت زي الهريسة، فخذ جزاؤه،
رغم إنه، سبحانه الله، إيد الهون مش معمولة عشان تهرس راس بني
آدمين. بس كل واحد وله نهاية، والمصايب بتيجي في أي وقت، وهو فضل
يأجل في التوبة، وكان زي حبيبة "امرؤ القيس" لما قالها:

عمالة تقولي بكرة وبعد بكرة... بخلاعة علينا ليه يا قطة؟

ويقولوا إن العالم "أبو الهذيل العلاف" كان يبلف في الشوارع يقول
للناس: "اوعوا تعملوا زي الخدام بتاعي"، عشان هو كان عنده خدام فضل
برضه يأجل توبته لغاية لما في يوم وقعت على راسه طوية بطحته ومات.

وأنا أول مرة أسمع فيها عنك يا شيخنا كان من واحد متخصص في
أوزان الشعر من "واسط" في العراق. قال إن هو شافك في "نصبيين" في
سوريا. كنتو في اجتماع مع "أبو الحسين البصري". وبرضه سمعت عنك
لما أنا كنت مع عالم اللغة "أبو أحمد عبد السلام ابن الحسين"، الله يرحمه،
كان راجل قمة في الأخلاق، ولقيت عنده كتب مكتوب عليها اسمك.
وانت أشهر من نار على علم، ومش محتاج حد يقعد يشرحلي انت مين.
زي عالم الأنساب "البكري" لما سأل "رؤبة ابن العجاج":

- انت مين؟
- أنا "ابن العجاج".
- تمام، أنا كدا خدت اجابتي.

والعلماء اللي انت درست على أيديهم، فدول زي الشمس اللي
بتنور عقول طلابها، ومجرد النظر ليهم شرف، فما بالك باللي خد من علم

كل دول؟ وهم أكيد نورولك طريقك، زي ما "الكيتاني" أكيد فهمك معاني سور القرآن، وكإنتك اتعلمتها على إيد الرسول نفسه، أو من جبريل مباشرة. وأكيد برضه سهلولك فهم اللغة العربية، لدرجة إن كتاب "سبويه" بقى سهل زي المية بالنسبالك، وبقيت بتمشي في اللغة العربية من غير مساعدة.

وطبيعي إنك تبقى صاحب "أبو الحسن المغربي" لأنه كان راجل بمجد، ويساعد أهل الأدب وطيب معاهم وكان زي ما يقول الشاعر:

ولو شفتته مع أنضوه وصاحبه . . . متعرفش مين فيهم أقربله

أما الخمس حججات اللي انت عملتهم، فإن شاء الله ربنا يدخلك الجنة من أول حجة، وتبرع بالأربعة الباقيين لأهل العلم اللي ملحقوش بمجوا. وأنا متخيلك وانت واقف مع باقي الحجاج، وكل واحد مشغول بالدعاء، وانت عمال تفكر في كلام التلبية، وعمال تشوف وزن الكلام والموسيقى بتاعته: "لبيك اللهم لبيك . . . لبيك لا شريك لك لبيك"، "لبيك ربنا لبيك . . . والخير كله بيديك".

ومتخيلك برضه وانت على وشك إنك تبوس الحجر الاسود، فتفتكر الأبيات اللي قالها "قيس":

افتكرتاك يا حبيبتى وأنا وسط الحجاج والناس

ودعبت ربنا في بيته بقلب مليان إخلاص:

يا رب توب عليا من الخطايا والذنوب

بس حبي لليلى عنه أبدا ما هتوب

ويمكن تكون افكرت برضه الأبيات بتاعة "عمر ابن أبو ربيعة" وانت بتعمل الطواف:

بطوف مع اللي يطوفوا . . . ويسجد لله طول الليل

وأقرأ قرآن وادعي ربنا . . . يحزن عليا قلب الجميل

الأبيات دي جميلة جدا، بس فيها شوية عيوب في النحو، وسبحان الله، مفيش أي حاجة خالية من العيوب.

ومتخيل إنك وقت النفر، بعد ما رميت الجمرات ورجعت على مكة من "منى"، افكرت البيت:

ودعي قلبي يا حبيبتى . . . خلاص جه وقت الفراق

مفيش بين الموت والحياة إلا . . . شعرة تفصل ما بين العشاق

لو فضلت في مكة المدة كلها ومع كل الحجج اللي انت عملتها يا شيخنا، يبقى أكيد بقيت تعرف مكة زي كف إيدك. ولو كنت بتسافر اليمن أو أي دولة تانية وكنت بتروح مكة تحج في الموسم بس، فتوابعك هيكون أكبر، وهتكون أقرب للرجوع لربنا.

ويمكن كمان تكون رحت عند "المغمس" اللي وقف فيها فيل "أبرهة" واترحمت على الشاعر "طفيل الغنوي" عشان فيه ناس بيقولوا إنه لحق الإسلام وقال قصيدة في مدح النبي، رغم إن القصبدة محدش لقاهها في ديوانه. ويمكن تكون كمان افكرت أبيات "أمية ابن أبو الصلت الثقفي" لما قال:

آيات ربنا واضحة... ما ينكرهاش إلا جاحد
حتى فيل أبرهة... فضل هنا في المكان راقد

ومش بعيد تكون برضه فكرت في أبيات "نفييل ابن حبيب الخثعمي"، اللي
كان مشارك في حرب الفيل لما كان "أبرهة" عايز يدخل مكة:

لو كنتي شفتي اللي أنا شفتته في "المعتمس"... كنتي ساحتيني يا رودينا يا
نور العين

ربنا ساعدنا بطيور بترمي عليهم حجر... ودوروا عليا الإثيوبيين، وكاينهم
ليهم عليا دين

اللي عايز أعرفه فعلا هو انت يا شيخنا عملت حج بس ولا حج
وعمرة؟ وإن شاء الله متكونش شفت هناك واحدة ست عجوزة تقولك:
"أجوزني جواز متعة زي ما الشيخ "عبد الله ابن العباس" فتى وقال إنه
حلال" وتكون يا شيخنا افكرت الأبيات اللي بتقول:

وبعد الطواف قاللي: ملكش نفس... تكمل بالفنوى بناعة ابن عباس؟
مش عايز حتى طرية معاك تتمك... طول الليل لغاية لما يصحوا الناس؟

أما ولاد "جوهر" اللي اتقتل وانت في الحج، فحظهم وحش،
وأبوهم الدنيا غدرت بيه بعد ما كانت راضية عنه، زي الجواهر اللي في تاج
الملوك، ليها قيمة طول ما الملك لابسها، لكن وقت ما يقع، بتروح قيمتها.
هو كان قائد الجيش، بس الجيش معرفش بحميه من الموت.

أما عن "أبو القاسم المغربي" اللي كان صاحبك، فعلى رأي اللي
قال: "اذكروا غناسن موتاكم"، حتى لو كان وحش في الدنيا، بعد موته ما

يجوزش عليه إلا الرحمة. ويمكن "أبو القاسم" قال اللي قاله وعمل اللي
عمله في ساعة غضب. واللي يسامح الناس وهم لسه عايشين، أولى بيه إنه
يسامحهم بعد الموت، وسلام واحد على حد في قبره، أحسن من ألف سلام
على الناس في القعدات والندوات. وأكد انت عارف البيت اللي قال:

بروح لصاحبي في آخر مكان هو فيه
يعني يروح يزور قبره.

أما حكايته معاك لما استغرب إنك كتبت أوصاف الشمعة في شعر بسرعة،
فمتضايقش، سمعتك في الأدب وسرعة بديهتك معروفين ومشهورين زي
"الحسن"، و"الحسين" عند عيلة "هاشم"، وهو فيه حد يستغرب إن
السحاب بينزل مطر؟ أو إن الشمس بتدي حرارة ونور؟ وسمعة شيخنا منتشرة
زي ريحة اللافندر في الصحرا، بس فيه ناس مزاجها كدا تتخاف وتعتكن على
العالم كله، رغم إنه هو عارف قيمتك في الأدب كويس أوي. وعموما فيه أكثر
من طريقة وقت تأليف الشعر اللي بتثبت سرعة البديهة. مثلا فيه الأرتجال، ودا
انت فيه ما شاء الله عليك في منتهى السرعة. وفيه إنك تقول بيت واحد بس،
وتقول للشاعر الثاني: "كملت ابقى".

وأما "أبو عبد الله ابن خالويه" وحكاية إن راح يدور في الكتب عشان
يجابوب على السؤال، فدا مش عن جهل وإنه نسي لا سمح الله، لكنه مجرد
بيحب يتأكد من الكلام قبل ما يقوله عشان يكون موثوق فيه. وإنه ياخذ
رأي الناس اللي معاه أحسن ما يبقى رأيه هو بس. ومن ساعة ما مات
مفيش حد تاني أبدا عرف يجمل مجله في الشام، وفراقه كان علينا صعب

أوي، زي يوم موت "هشام ابن المغيرة" لما حزن أهل مكة كلهم عليه لدرجة إن فيه شاعر قال:

مكة بقت بتترعش من الرعب . . . ما خلاص راح مننا هشام
كان شجاع وكريم ويحميها . . . وراجل يجرد مش مجرد كلام
وكان حنين مع الكل من غير . . . فروق، سواء غلابة أو عظام

وعالم اللغة "عبد الواحد ابن علي أبو الطيب" كان عنده كتب كتير، زي "الإبلاغ"، و"الإبدال"، و"شجر الدر"، و"الفرق" وغيرهم، بس كلهم ضاعوا لما الروم دخلوا الشام وقتلوه هو وأبوه. وكان "ابن خالويه" سميه اختفاسية عشان كان قصير.

وواحد معرفة ثقة حكالي إن كان في مجلس مع "خالويه" وجاله واحد من طرف "سيف الدولة الحمداني" بيقوله تعالى عشان "أبو الطيب" عندي وعابز أسألكو على كام حاجة. فصاحبي قالي إنه راح "للمنبي" وقاله على الحكاية، فـ"المنبي" اترياً عليهم وقاله: "هيقعد بقى يسألهم في حيت نكالت اللغة العربية".

و "أبو الطيب" كان فيه بينه وبين "أبو العباس ابن كاتب البكتمري" معرفة وقاله مرة:

يا وادي عيس انت حبيب، قلبي . . . وانت نورتن عيني من جرة
لو فيه حاجة هشاميك اشكياي . . . وارضى ومتخافش دي السهرة حلوة
وعدمها "أبو الطيب"، بالإضافة إنه عالم لغة، كان ساعات بيكتب شعر.

وانت في رسالتك يا شيخنا مدحتني كتير، وربنا وحده هو اللي يعلم إن أنا لا ليا لا في الطور ولا في الطحين. وكل ما كنت أقر أبطل شغل، نيجي ظروف تمنعني. وانت لو كنت قعدت في مدينتي "معرة النعمان" سنة واحدة بس، مكنتش سمعت أي حد حتى بينطق اسمي. لكن انت كل الناس عارفك، وعلمك مغطيني من ساسي لراسي، والكلام اللي في رسالتك مكنش كلام عادي، دا كان جواهر متقدرش بتمن. انت بس كل الحكاية إنك طيب، والطيب بيتخدع في الناس كتير، عشان كدا اتخدعت فيا.

وانت كنت قلتي يا شيخنا إنك لما رحمت مصر، فكيت عن نفسك شوية هناك، ففي حكمة بتقول، "فكوا عن نفسكو من غير ما تنسوا ربنا"، و"أحيحة ابن الجلاح" قال في بيت شعر ليه إن الواحد بيزهق والمفروض يفك عن نفسه من وقت للثاني.

وانت كان المفروض وانت هناك إنك تستغل وقتك وتفيد الناس من علمك، عشان السن برضه له تأثير، وانت لو كنت ادبتهم أقل جزء من علمك كان هيكتفيهم ويفيض، ونقطة واحدة من علمك تغرقهم. وراجل من قریش قال:

أحلى حاجة إني كبرت واتهديت . . . عشان كل ما بفتكر شبابي بحس بالندم
مكنتش عاتق لا خيل ولا ستات . . . حتى شربت نبيت أحمر بلون اللدم

كل حاجة ولها آخر، وانت أكيد يا شيخنا حققت خلاص كل اللي نفسك فيه، والدنيا سراب يطلعلك لسانه. وانت قعدت مع ملوك ووزراء كتير، وأكيد سمعت عن حكاية الملك "النعمان ابن المنذر الأكبر" لما ساب

ملكه كله وبقي يبلس لبس عادي بدل الحرير، وكان عابز يفضل هايم في الأرض، وهو اللي 'عدي ابن زيد' قال فيه:

الملك اللي عنده قصرين . . . ومبسوط بملكه المنتشر من ما يروح
في لحظة فكر وقال: طيب وهي . . . إيه القايذة لما كله في يوم هيروح؟

والسكر متحرم في كل الملل، وسمعت إنهم في الهند ما بيخلوش
واحد يبسرك يبقى ملك عليهم، عشان شايفين إن دا غلط، لأن ممكن تحصل
مصيبة في المملكة، ويبقى مش داري بحاجة ويجسر ملكه وهو سكران ومش
فايق .

الله يلعن الخمرة، بتقلل من قيمة الناس، ومبيجيش من وراها أي
فايدة، واللي يصطحب بيها، يمشي للمصايب برجليه . واللي يتمس بيها،
بيمشي للذنوب برجليه، واللي يعشقها عقله بيخف، ويبعد عن طريق
الحق بسرعة . واللي يرضى بصحتها، يبعد عنه القوار، ويتبقى ملوش
مواقف واضحة، ويبقى زي العيال، ويتمنع عنك النجاح والتوفيق،
وتفضح سررك، ويتخليك زي الميت وانت حي، ويتخلي الصاحب يغدر
بصاحبه، ويتمرض صاحبها . وناس كتير جالها السل، وماتوا في عز
شبابهم بسببها وهم لسه ملحقوش يعيشوا الدنيا .

وانت يا شيخنا الحق ابعده عنها، وكفاية الحزن على صحابك اللي ما
توا بسببها، وزى ما قال "الجعدي":

افتكرتهم وقلبوا عليا المواجه، والحزن عليا فرض
كانوا لسه معايا إمبراح، والنهاردا بقوا تحت الأرض

وفيه ناس، لما شافوا المصايب بعينهم، حرموا على نفسهم الشرب
لغاية لما يقابلوا وجه كريم .

وأنا مبسوط إنهم رجعولك فلوسك اللي كانت اتسرقت منك، وهم
البنات اللي زي بنت أختك دي كلهم كدا، ما بيحترموش نفسهم غير لما
توريهم العين الحمراء .

وفلوسك لو كانت من مصر فدي حاجة حلوة أوي . مرة "عمرو ابن
العاص" قال لـ "معاوية":

- حلمت إمبراح بيوم القيامة وإنك كنت متغطي بالعرق لحد بقك .
- وما شفتش أي حاجة من فلوس مصر في حلمك؟

فانت فلوسك يا شيخنا أكيد كانت من مصر، ومكتتش الفلوس
العادية اللي يتعامل بيها الشعب، لأ، دي فلوس الملوك . والحمد لله إنه
حفظلك فلوسك، وعملش معاك زي الناس اللي بيعوشوا الذهب عشان
بعد كدا يصرفوه على الخمارات والسئات . زي الشاعر "المرقش" اللي
قارن الذهب بوش حبيته المدور، وهو لو كان شاف فلوسك يا شيخنا كان
عرف إنهم أجل من حبيته .

والفلوس دي انت أكيد خدتها من ولاد الناس النبلا، يا إما عشان
ساعدتهم في حاجة أو عشان مدحتهم، لكن ما كسبتهمش في رهان ولا
هتصرفهم في كلام فارغ . وعموماً الفلوس عند أي حد، سواء عبيط أو
ذكي، أهم من الختم بتاع "عبد الملك ابن مروان" اللي يقولوا إنه كان أول
خليفة يعمل عملات في الإسلام . وعملاتك مش من العملات السكة اللي

جت مع البيزنطيين، لكن عملات فلولس حقيقية مسلمة جاية من الشام. ولو الشاعر اللي زعل عشان باع حصانه وبدله بجمار عشان يأكل بالفرق عياله خد زي عملاتك يا شيخنا، مكنش زعل ولا حزن على حاجة.

فالحمد لله إن فلولس رجعتك، وما اتصرفتش على الحمرة. ودا عشان انت فلولس حلال، وما اتوسختش بالذنوب والمعاصي. وانت يا شيخنا ناصح وعارف إنت بتدي فلولس لمن وتوديتها فين، وزى ما قال ربنا: "ومن أهل الكتاب من إن تأمنه بقنطار يؤده إليك ومنهم من إن تأمنه بدينار لا يؤده إليك". والآية دي نزلت على الرسول في وقت كان الناس لسه عندها دم، لكن دلوقتي لو سلفت حد ولو حتى نكلة، تبقى عينيك في وسط راسك من قلقك على فلولس.

بس المفروض الأمانة تنتشر أكثر في العالم كله، وتبقى هي القاعدة مش الاستثناء. وجزء الواحد على أمانته في الآخرة كبير. بس دا ما بمنعش يا شيخنا إنك تاخد بالك من فلولس، وتحافظ على اللي باقي منها، لإنهم مجوش بسهولة، ووجودهم حاجة تفرح.

وبما إن فلولس عبارة عن ٨٣ دينار، ففلولسك كدا أكثر من صحاب موسى اللي ربنا قال فيهم: "واختار موسى قومه سبعين رجلا لميقاتنا" وأكثر من عدد مرات الاستغفار اللي في الآية: "إن تستغفر لهم سبعين مرة فلن يغفر الله لهم"، وأكثر كمان من دراعات السلسلة اللي في الآية: "في سلسلة ذرعا سبعون ذراعا فاسلكوه".

بيقولوا إن الفلولس بتداري عيوب الناس، بس اللي عنده أخلاق بجد، ما بيقبشش الناس بفلولسهم، ومهما كان الأخلاق هتفضل أحسن من الغنى، زي ما الذهب هيفضل قيمته أعلى من الفضة. وأكد انت عارف حكاية "سعيد ابن العاص" لما سأل "الخطيئة":

- مين أحسن واحد بيقول شعر؟

- "أبو دؤاد الإيادي" اللي قال:

البخل والجشع مش بس عيب . . . دول بيخسفوا عمر النبي آدم

- ومين بعديه؟

- "حسان ابن ثابت" لما قال

أحلام كثير قتلها الفقر . . . والغنى يبعطي على الغباء والجهل

- ومين بعديه؟

- "أعشى قيس" لما قال:

الصبح بتبقي في غاية اللطافة . . . وبالليل بتركبك السخافة

- ومين بعديه؟

- ما خلاص يا عم بقى. هتخليني أكره كل الشعرا اللي أعرفهم ولا إيه؟

بس الذهب حلو مفيش كلام، يطري على الواحد في الحر، ولو دفتته ما بيحصلوش حاجة، ولا بيصدي ولا بييوظ، وقيمه فيه على طول، مش زي الجواهر اللي لو اتكسرت قيمتها تنزل الأرض. والذهب ممكن تحطه في الشكل انت عايزه، ممكن يبقى أنسيال يرن في الإيد، أو خلمخال يتعاقبوا بيه الستات، أو يبقى كاس للشرب لزوم الوجاهة. والأهم بقى إنه لما بيعسح في النار معدنه مش بيتغير.

أما بنت أختك اللي حاولت تسرقك، ربنا يهديها ويصلح حالها،
فهي شكلها اعتبرتك زي أبوها أو أمها، وحبت تكبش من فلوسك. وهم
القرايب كدا، فيهم وفيهم. حكايتك فكرتني بالشاعر اللي قال:

أنا ورايا ابن أخت هياخد بتاري... شجاع ومبيخفش وهيطفي ناريا

وبرضه بحكاية "الهجرس" اللي خاله قتل أبوه وهو لسه جنين في بطن
أمه، فلما كبر طلب إنه ياخد بتار أبوه. بس هي بتفكرني أكثر بقى بأخت
"توبة ابن مضرس" اللي خاله قتل إخواته الاتنين "طارق" و"مرداس"،
فانتقم لأخواته وقتل خاله. وكان زعلان على إخواته أوي، وكتب فيهم
أشعار كتيرة، وسموه بعد كدا "الخنوت"، يعني اللي ما يقدرش يتكلم من
كثر العياط أو الغيظ. وقال:

أمي بكت بمرقة لما شافت دم أخوها على سيفي سايل

قتلتها: طارق ومرداس عندي أغلى من دم كل القبائل

ويمكن تكون بنت أختك لقطت حاجة من علمك، فخذ بالك من
تشكيرها أكثر من طول إيديها. وانت عارف إن الشاعر "زهير ابن أبو
سلمى" خد كتير من علم خاله "بشامة ابن الغدير الغطفاني" في الشعر. في
يوم، "بشامة" كان بيودع، ف"زهير" راحله وطلب منه فلوس.
ف"بشامة" قاله: "ما كفاكش كل الشعر الجميل اللي علمتهولك؟"

فيه في حلب برضه سنات شعرا، ممكن بنت أختك تبقى واحدة منهم،
والسنات دول في الشعر أحسن من الرجالة أحيانا لأن ودهم في الموسيقى أحسن.

يعني كان فيه راجل أعمى كان حافظ القراءن كله وكان بيهمم في شوية مسائل
دينية كدا. كان وهو صغير عنده واحدة بتشتغل خدامة وكانت برضه ساعات
بتروح تعمل مكياج للبنات في الأفراح. الراجل دا كان يقول شعر بس الأوزان
عنده كان ضايعة تماما. فكان يقول الشعر قدام البنت دي فتقولوه: "يا لهوي
عليك، الوزن واقع منك خالص". فيخاصمها ويفتكر إن هي اللي غلطانة.
فيصحى الصبح ويسأل ناس بتهمم في الشعر، فيقولوله إنه هي كان عندها حق.
فيعدله ويرجع يقوله قدامها فتقولوه: "كدا تمام، دلوقتي انظبطت".

كان فيه برضه بدوي اسمه "علوان" وبرضه كان ميح خالص في حكاية
الأوزان دي، وكانت مراته أشطر منه، وودنها بتلقط الغلط بسرعة. ومرة مراته
ألفت شعر على ابنها "رجب" اللي مات، بس حسست إنه مش موزون،
وفضلت تعدل فيه لغاية لما انظبط من غير ما تغير من معنى الكلام أي حاجة.

وربنا قال: "يا أيها الذين آمنوا إن من أزواجكم وأولادكم عدوا لكم
فاحذروهم وإن تغفوا وتصفحوا وتغفروا فإن الله غفور رحيم".

أما "أبو بكر الشبلي"، الله برحمه، كان راجل أخلاق، أتمنى بس إنه
ما يكونش مشي في سكة الملحدين واللي بيؤمنوا بتناسخ الأرواح، وفيه ناس
قالولي إن هو صاحب الأبيات دي:

"عامر" المجنون قال إنه بيحب... وأنا سكت وكنمت جوابا حيي
ويوم القيامة لو سألوا: فبن... العاشقين؟ هكون واقف لوحدي

لو كانت الأبيات دي بتاعته فعلا، فهو كدا يبقى ظلم باقي الناس اللي
بتحب، ومحدث يعرف هو كان يقصد إنه بيحب ربنا ولا البني آدمين.

المحتويات

الصفحة

- (١) أصل الحكاية ٥
- (٢) الهدف اللبي في نيتي ٧
- (٣) هترجم لأنهي مستوى لغوي؟ ٩
- (٤) منهجية الترجمة ١١
- (٥) فهرس رسالة ابن القارح ١٥
- (٦) فهرس رسالة الغفران ١٧
- آخر كلام ١٩
- ٢١ رسالت ابن القارح
- (١) بداية الجواب ٢٣
- (٢) عن الملحددين واللي ضلوا الطريق ٢٩
- (٣) شكوى عامة من حال الدنيا ٤٥
- (٤) حكايات عن النبي ٤٩
- (٥) ابن القارح بيعاتب نفسه على تقصيره وانشغاله بالدنيا ٥٥
- (٦) تصليح صورته قدام " المعري " ٥٩
- (٧) ييمجد في " المعري " وبشكره تاني ٦٥

وأنا أسف أوي والله يا شيخنا على التأخير في الرد، بس الوقت كان ضيق ومعرفتش أكتبك قبل كدا. وزي ما انت عارف، أنا مبقدرش أكتب غير لو الشخص اللبي بيكتيلي معايا، فلو غاب، يبقى مفيش إملاء. لولا كدا مكنتش اتأخرت، لكن أنا حظي زي الحصى المرمي على الأرض في كل حنة.

وليك مني أعظم سلام وحمية، وسلامي لكل أهل حلب من كبيرها لصغيرها.

والحمد لله رب العالمين. الرسالة خلصت، وربنا نعم المولى ونعم النصير، وصلى الله على سيدنا محمد النبي وآله الطيبين الطاهرين وسلم.

- (٨) يشتكي من ضعفه وقلة حيلته ٧١
- (٩) نهاية الجواب ٧٣
- رسالة الغضران لأبو العلاء المعري ٧٥
- (١) يبسلم على ابن القارح ٧٧
- (٢) المعري بيتخيل ابن القارح في الجنة ٨٩
- (٣) المعري بيتخيل إزاي ابن القارح دخل الجنة ١٢٥
- (٤) عزومة الجنة ١٣٥
- (٥) الحوريات ١٤٣
- (٦) رحلة "ابن القارح" لأهل النار ١٤٧
- (٧) الرجوع للجنة ١٧١
- (٨) رد المعري على كل جزء في جواب ابن القارح ١٧٩

أصل الحكاية

اشمعى الكتاب دا؟ ومنين جت فكرة ترجمة كتاب من العربي لـ... "العربي"؟
الكتاب دا اشترته من حوالي ١٣ سنة. كان أملي كبير وقتها إني أعمل مقارنة ما بينه وبين دانتي وعمله
الأدبي "الكوميديا الإلهية"، خاصة بعد ما سمعت عن احتمالية إنه يكون سرق (مش بس اقتبس) الفكرة
من المعري (عرفت بعد كدا إن تقريبا خلق ربنا كلهم عملوا مقارنة بين الاتنين دول وصرفت نظر).

المهم، هدف المقارنة كان واضح في دماغى وقتها، فقررت أقرأ الكتاب، إذ أفتح أول صفحة من الكتاب
كدا، مفهمش حاجة. أقلب الصفحة، يرضه مفهمش حاجة. طيب سبني من المقدمة خالص، أدخل على
البهاريز مباشرة، بس النتيجة مختلفتش كتير: مفهمتش حاجة والمثل كلتي وركنت الكتاب. تمر شهور
وسنتين، وأفتح الكتاب وأقول بثقة: "معلش، أنا كنت لسه صغيرة، بس دلوقتي أنا عرفت عن العربي كتير،
وأكيد مفهم المرة دي"، وكالعادة، مفهمتش أي حاجة. وفضل السيناريو دا يتكرر كل كام سنة وفضلت
النتيجة واحدة.

من مقدمة الكتاب.

ولدت ناريمان الشاملي في مدينة القاهرة سنة ١٩٨٣. حصلت على ليسانس آداب إسباني وتحمل درجة
الماجستير في تعليم اللغة العربية للأجانب من الجامعة الأمريكية بالقاهرة. ترجمت إلى العربية رواية "هكذا
كانت الوحدة" للكاتب الإسباني خوان خوسيه مياس والتي نشرتها الهيئة العامة المصرية للكتاب سنة
٢٠٠٩، ورواية "شقيقة كاتيا" للكاتب الإسباني أندرس باربا والتي صدرت عن دار النشر "نينوي" بسوريا
في ٢٠٠٨ ورواية "نية حسنة" لنفس الكاتب وصدرت عن نفس الدار في ٢٠١١. صدرت لها رواية
"سفر إعادة التكوين" - الكتب خان للنشر في ٢٠١٣. تعمل الكاتبة حالياً أستاذة اللغة العربية بجامعة طوكيو
للدراستات الأجنبية باليابان حيث تعيش مع زوجها وابنتها.